

佛說如來不思議祕密大乘經卷第一

第二同卷

宋西天三藏朝散大夫試光祿卿傳事大師法護等奉詔譯

菩薩身密品第一之一

如是我聞一時世尊在王舍城鷲峯山中與大苾芻衆四萬二千人俱菩薩八萬四千皆是已得神通妙智諸大菩薩摩訶薩悉從他方諸佛剎中來此集會已得忍不退轉一生補處獲諸總持及三摩地具無礙辯能善超度無邊佛剎善於十方無邊一切諸佛剎中建立示現以神通智遊戲自在降伏衆魔制

諸異論了知一切衆生心意所行復以勝智善別他根解入一切波羅密多理教法門具善巧方便到於究竟最上彼岸爲一切佛共所稱讚於無量無邊百千俱胝那度多劫中積集畢竟菩提道行其心平等如地水火風緣虛空無邊善修慈觀如理相應所起一切住著障礙悉能超越獲那羅延妙好身相具金剛堅固不壞之身能師子吼宣演法音善於一切大衆會中得勝無畏有大光明映蔽日月已得諸法如其所說三世平等以決定

智善說最上甚深法要深入一切緣生法門
遠離斷常二種邊見於禪定解脫三摩地三
摩鉢底若入若起而悉能知功德智慧名聞
十方任持最上正法寶王能使不斷三寶聖
種如是等積集無量福智勝行其名曰寶上
菩薩月幢菩薩清涼幢菩薩光幢菩薩吉祥
光菩薩吉祥峯菩薩吉祥密菩薩那羅延天
菩薩龍喜菩薩龍上菩薩龍授菩薩持妙色
菩薩高天菩薩德光王菩薩光明手菩薩常
舉手菩薩常下手菩薩寶印手菩薩寶手菩

薩普光菩薩星王菩薩金剛手菩薩金剛慧
菩薩金剛大慧菩薩金剛步菩薩不動跡步
菩薩三界跡步菩薩無邊步菩薩無邊慧菩
薩精妙慧菩薩堅固慧菩薩天慧菩薩炎熾
慧菩薩最勝慧菩薩增長慧菩薩常慘菩薩
常喜菩薩喜根菩薩滅惡趣菩薩除蓋障菩
薩自相持無垢光菩薩勇猛精進菩薩慧積
菩薩常觀察菩薩觀自在菩薩得大勢菩薩
高峯菩薩虛空藏菩薩不瞬菩薩無怖均喜
薩寶上菩薩寶思惟菩薩善思惟菩薩善思

義菩薩決定義菩薩總持自在王菩薩持地
菩薩莊嚴王菩薩刹土莊嚴菩薩寶積菩薩
祕密巖菩薩帝釋天菩薩水天菩薩梵網菩
薩明網菩薩天冠菩薩妙臂菩薩妙眼菩薩
香象菩薩象中香象菩薩師子幢菩薩成義
慧菩薩海慧菩薩善調御菩薩寂慧菩薩慈
氏菩薩妙吉祥童真菩薩如是等八萬四千
諸大菩薩摩訶薩衆及此三千大千世界梵
王帝釋護世天等并餘大威德諸天王衆或
龍王衆夜叉王衆阿修羅王衆迦樓羅王衆

緊那羅王衆摩睺羅伽王衆乾闥婆王衆如
是等衆悉來集會所謂阿那婆達多龍王娑
伽羅龍王縛嚕拏龍王摩那斯龍王得叉迦
龍王金色龍王無邊色龍王蘇尸摩龍王如
是等龍王與多百千諸龍眷屬來此集會親
近世尊瞻禮聽法復次阿修羅王衆所謂羅
睺阿修羅王毗摩質多羅阿修羅王妙臂阿
修羅王娑羅阿修羅王多羅阿修羅王淨戒
阿修羅王大笑阿修羅王廣腹阿修羅王盡
無邊阿修羅王如是等阿修羅王與多百千

諸阿修羅眷屬來此集會親近世尊瞻禮聽
法爾時摩伽陀國主阿闍世王與宮嬪眷屬
來此會中親近世尊瞻禮聽法并餘四眾苾
芻苾芻尼優婆塞優婆夷等皆來集會復有
地居諸天欲色界天淨居天等諸天子眾亦
悉來會親近世尊瞻禮聽法爾時世尊處大
會中有無數百千天人大眾恭敬圍繞聽受
說法佛告大眾我有正法名普攝諸菩薩摩
訶薩最上勝行清淨妙門此能圓滿一切行
故謂若菩薩修希施行即能成熟一切有情

若諸菩薩修持戒行即得一切勝願圓滿若
諸菩薩修忍辱行即得一切相好具足若諸
菩薩修精進行即得圓滿一切佛法若諸菩
薩修禪定行能令一切調伏其心若諸菩薩
修智慧行即能斷除一切煩惱若諸菩薩修
說法行即能成就無礙辯才若諸菩薩修勝
福行即能長養一切有情若諸菩薩修妙智
行即能成就無礙之智若諸菩薩修奢摩他
行即能令彼心業調暢若諸菩薩修妙觀行
即能遠離一切分別若諸菩薩修於慈行即

得一切心無障礙若諸菩薩修於悲行即得身心俱無懈倦若諸菩薩修於喜行即能遊戲法喜園苑若諸菩薩修於捨行即能斷除違順二法若諸菩薩修聽法行即能斷除一切障累若諸菩薩修出離行即能捐棄一切取著若諸菩薩修住阿蘭若行即得所作善法皆無壞失若諸菩薩修於念行即能獲得諸總持門若諸菩薩修於慧行即獲勝慧善別諸法若諸菩薩修於住行即得一切無能勝心若諸菩薩修趣向行即能隨知一切義

趣若諸菩薩修四念處行即能伺察身受心法若諸菩薩修四正斷行即能斷除諸不善法圓滿一切善法若諸菩薩修四神足行即得身心清淨輕安若諸菩薩修五根行即能善知自他根性若諸菩薩修五力行即得不爲一切煩惱之所屈伏若諸菩薩修七覺支行即於諸法如實覺了若諸菩薩修八正道行即能超越一切邪道若諸菩薩修四諦行即能成就無動轉法若諸菩薩修四無礙解行即能斷除一切有情疑惑之心若諸菩薩

修歸趣行即得自在之智若諸菩薩修善知
識行即能積集一切功德若諸菩薩修意樂
行即與一切世間不相違背若諸菩薩修深
心行即得一切所向最勝若諸菩薩修相應
行即能勤勇救拔出離若諸菩薩修住僧坊
行即得隨所聞法而無壞失若諸菩薩修四
攝法行即能攝受一切有情若諸菩薩修攝
受正法之行即能不斷三寶聖種若諸菩薩
善修回向之行即能嚴淨佛土若諸菩薩修
善巧方便之行即能圓滿一切智智世尊如

是宣說普攝諸菩薩摩訶薩最上勝行清淨
妙門廣大正法當佛世尊說是法時金剛手
大秘密主菩薩摩訶薩現威神力侍佛之右
是時金剛手菩薩摩訶薩前白佛言希有世
尊如來善攝諸菩薩摩訶薩最上勝行清淨
妙門廣大正法如我解佛所說義趣如我所
得諸菩薩摩訶薩一切勝行皆從福智二行
中出當知隨入福智二行何以故諸菩薩修
福行故能令一切有情離諸障礙若修智行
能爲一切有情善說法要令生喜悅世尊是

故諸菩薩摩訶薩福行智行二應和合何以
故菩薩修福行故即能圓滿善巧方便波羅
蜜多修智行故即能圓滿般若波羅蜜多故
此二行即是菩薩二種聖道普攝一切道行
菩薩住是道者即能降伏難降伏者諸業魔
衆菩薩已能超出諸惡魔道不退轉於阿耨
多羅三藐三菩提即此不退轉菩薩能善開
明諸佛如來甚深秘密使不隱覆
爾時會中寂慧菩薩摩訶薩前白金剛手大
秘密主菩薩摩訶薩言大秘密主汝常近侍

諸佛如來汝能樂說如來所有秘密之法願
爲發起此非聲聞緣覺所入境界況餘凡夫
如是言已時金剛手大秘密主菩薩摩訶薩
默然而住爾時寂慧菩薩知是事已前白佛
言惟願世尊勅金剛手大秘密主菩薩摩訶
薩爲此衆會發明如來秘密之法第一令諸菩薩
摩訶薩衆聞已歡喜廣大積集菩提分法成
就如來秘密之法如理而行爾時世尊告金
剛手大秘密主菩薩摩訶薩言我今勸請於
汝應善爲此會大衆宣說菩薩秘密如來秘

密真實之法此會大衆而悉樂聞時金剛手
大秘密主菩薩承佛聖旨前白佛言世尊如
佛教勅我今宣說菩薩秘密如來秘密真實
之法然此會中若有少能悟入之者皆是世
尊威神建立譬如夜中冥暗所覆燈光發明
普能照現一切色像今此衆會亦復如是於
菩薩秘密如來秘密真實法中若有聞已少
悟入者當知皆是如來威神之所建立爾時
金剛手大秘密言菩薩摩訶薩告寂慧菩薩
摩訶薩言善男子今此衆會於菩薩秘密如

來秘密真實法中若能聞已不驚怖者斯爲
甚喜時寂慧菩薩摩訶薩普告在會諸大衆
言諸仁者如佛所說有其四種不可思議何
等爲四一者業不可思議二者龍不可思議
三者定不可思議四者佛不可思議仁者當
知於此四中唯佛如來不可思議最上第一
所有諸佛阿耨多羅三藐三菩提法由此四
種不可思議共所成立是故汝諸仁者於諸
菩薩不可思議法如來不可思議法聞已不
驚不怖不生畏怯應生最上廣大喜悅之心

是時寂慧菩薩以佛威神加持力故能知此會一切大衆悉於諸佛菩薩秘密法中信樂聽受即時廣大布散天花雨集于膝普伸供養爾時金剛手大秘密主菩薩摩訶薩告寂慧菩薩摩訶薩言汝應諦聽我今具說菩薩秘密真實之法寂慧當知今我世尊昔於然燈如來法中居菩薩位從彼佛所得授阿耨多羅三藐三菩提記從是以來我常隨逐釋迦菩薩而是菩薩所有身業曾無異作亦不見有邪曲之相語無異作亦不曾聞虛妄之

言心無異作亦不曾聞愛著之失隨其身業現威儀相但爲成熟一切有情不可稱譽由彼菩薩身威儀相無其邊際乃至一切有情諸威儀事悉入菩薩威儀相中而菩薩不假勤力亦無發悟安然而住所謂應以禪定可度者諸有情類即現禪定而爲化度應以鼓樂絃歌可度者即現鼓樂絃歌而爲化度應以童男身可度者即現其身而爲化度應以童女身可度者即現其身而爲化度應以男子身可度者即現其身而爲化度應以女人

身可度者即現其身而爲化度應以少年身
可度者即現其身而爲化度應以中年身可
度者即現其身而爲化度應以老年身可度
者即現其身而爲化度應以卑劣身可度者
即現其身而爲化度應以屠膾身可度者即
現其身而爲化度應以瘡痍身可度者即現
其身而爲化度應以盲聾身可度者即現其
身而爲化度應以三惡趣相及人趣身可度
者即皆現之而爲化度應以天身可度者即
現其身而爲化度應以天龍及夜叉乾闥婆

阿修羅迦樓羅緊那羅摩睺羅伽等身可度
者即皆現之而爲化度應以帝釋身可度者
即現其身而爲化度應以梵王身可度者即
現其身而爲化度應以護世身可度者即現
其身而爲化度應以轉輪王身可度者即現
其身而爲化度應以苾芻苾芻尼優婆塞優
婆夷身可度者即皆現之而爲化度應以聲
聞身可度者即現其身而爲化度應以緣覺
身可度者即現其身而爲化度應以菩薩身
可度者即現其身而爲化度應以如來身可

度者即現其身而爲化度非可現者謂除無色

佛說如來不思議秘密大乘經卷第一

卷一

佛說如來不思議秘密大乘經卷第二

宋西天三藏朝散大夫試光祿卿傳梵大師法護等奉詔譯

菩薩身密品第一之二

復次寂慧所有一切有情色相威儀即於菩薩曾無發悟亦無分別以彼菩薩無所分別

平等捨心即隨其身現身威儀然菩薩身法爾不動以不動故現起身業雖身離相而亦不壞菩薩身清淨已發現光明普照地獄一切有情令得安樂又復菩薩普爲一切有情不惜身命若諸有情各各來求菩薩身肉而噉食者菩薩悉現其前斷肉授之乃至骨血精髓而悉隨與寂慧當知菩薩隨諸有情須身肉等而悉與者由彼菩薩知身無量即能隨知法界無量無量即無盡身無盡門即是緣生無盡法門菩薩隨所現身但爲成熟一

切有情若或有人貪染心者愛著殊妙端嚴色相菩薩即於其前爲現端嚴女人之相隨彼男子染愛之心悉如其意時彼女人以染著故形容枯悴即趣命終根門敗壞臭穢不淨時彼男子以無智故厭惡而去即其女人死滅之身自然出聲爲說法要令彼男子心生開悟不退轉於阿耨多羅三藐三菩提心復次寂慧菩薩於此三千大千世界現廣大身或寶蓋中或現指端乃至劫火洞然炎熾能以手指而悉覆之而菩薩身都無所壞又

復能現身相普爲諸佛世尊作供養事積妙華蓋如須彌量復聚寶華高若山峯悉以供養諸佛如來又復以此三千大千世界爲一大器滿貯香油等須彌山布其燈炷然以燈明廣大熾盛爲諸如來作供養事又復積以琬如沙等數量廣大燈明普徧熾盛供養如來又復菩薩以所著衣覆自肢體灌注酥油用然燈明普爲如來作供養事其燈熾盛有大光明廣大照耀琬如沙等諸佛刹土彼彼有情互相觀見菩薩所現神通化事如是見

已無量無數有情悉發阿耨多羅三藐三菩提心其中所有憍慢貢高諸有情類菩薩即現大力那羅延身或金剛手菩薩可畏之相彼等有情見已驚怖即向菩薩折伏其心歸命頂禮求哀聽法又復菩薩於大國城及諸棄屍林中見彼無數百千有情普徧充滿而是菩薩以廣大身現死滅相令彼先墮畜生趣中諸有情類畜報盡者取其菩薩所滅身肉而噉食之食已命終皆得生天由是因故乃至最後入於涅槃是故當知菩薩摩訶薩

宿昔願力得清淨已能於長夜酬其宿願作利益事願令有情臨命終時食我身肉得生天界由此因緣乃至最後入於涅槃令諸有情成就所思成就所求成就願力寂慧當知菩薩摩訶薩有如是等殊勝行願我念往昔十一過去世中此閻浮提周匝四方有八萬四千廣大國城復多百千聚落縣邑百千俱胝那庾多人民居止彼時國城有大災難疫劫起其中人民生種種病謂於身分若生若熟疾狀各異或瘡癰癰癰或風癘瘰等大小病者

散徧充滿求於千種精妙醫師用以妙藥而
悉不能治療彼等一切病苦彼諸人民病無
療故無所救護無所歸向震發大聲哀泣而
言誰能爲我息除病苦或天龍夜叉乾闥婆
等或人非人有能爲我息除病者我當罄捨
一切財寶悉以奉之我即如其教令荷彼深
恩寂慧當知世尊釋迦如來當彼時中爲帝
釋天主其名妙眼於其天中以淨天眼過於
人眼悉能觀見彼諸人衆受多病苦復以清
淨天耳徧聞一切人衆哀泣之聲其見聞已

起悲愍心即自思惟我今應爲此諸人民無
依止無救護無歸向者作其依止救護歸向
作是念已即時帝釋天主於此閻浮提中有
一大城名曰善作其去不遠即自變身為男
子相名曰善寂處虛空中普爲開發閻浮提
中一切人民說伽陀曰

善作大城此不遠 中有男子名善寂
取彼身肉啖食之 悉能息除一切病
勿應驚怖懷怯懼 隨意歡喜取身肉
此爲妙藥救人民 是中無害無瞋恚

時彼國城聚落縣邑染疾苦者一切人衆聞
彼空中如陀聲已即時俱詣善作大城善寂
人所到已各各斷取其肉食之治病雖彼彼
取之而身肉無盡是時善寂復爲人衆說伽
陀曰

我若當時佛菩提^{十一} 此真實法我無盡^{十二}
由真實故我此身 願取其肉亦無盡

是時善徧四方深疾苦者一切人衆於彼善
寂人所各各隨意斷取身肉而善寂身安然
如故亦無增減續續斷已旋復生時彼國

城一切人衆食是肉者彼彼所有一切病者
皆得除解無病快樂悉無憂惱如是次第閻
浮提中一切人衆咸息諸病悉獲輕安是時
一切人民男子女人童男童女皆自惟忖彼
善寂男子能爲我等息除諸病令我無病身
得輕安我等今時持以何物用爲供養由是
多人共集一處同詣善寂人所到已各各合
掌恭信異口同音說伽陀曰
汝善依止善救護 汝爲醫王復妙藥
隨汝教令我病除 我何所作伸供養

是時善寂男子隱所變相還復帝釋之身普
爲一切人衆說伽陀曰

金銀財寶及飲食 我悉不爲此等事
但爲救護諸有情 十善業道令圓滿
菩提願行堅固修 爲諸有情利樂因

摩訶

十三

互相起發慈愛心 生長一切利益事
閉已應發菩提心 復起最上大慈意
普令積集勝妙因 十善業道皆清淨
復次寂慧爾時帝釋天主說伽陀已復彼天
宮時閻浮提男子女人童男童女一切人衆

莫知其數中無一人墮惡趣者彼彼命終皆
於善趣三十三天衆同分生生彼天已帝釋
天主即爲說法示教利喜悉令不退轉於阿
耨多羅三藐三菩提心其中有情或復遠塵
離垢得法眼淨復次寂慧是故當知菩薩身
密所作身業得清淨已棄一身命能爲成熟
無量無數一切有情畢竟令得阿耨多羅三
藐三菩提果復次金剛手大秘密主菩薩摩
訶薩告寂慧菩薩摩訶薩言寂慧當知菩薩
身者是不破壞堅固真實不生滅身若諸有

情應以有壞之身可化度者即現其身而爲化度若諸有情應以無壞之身可化度者即現其身而爲化度於一切種類悉不破壞火不能燒刀不能斷是身堅固真實不壞金剛所成是故寂慧菩薩所現身相但爲成熟

切有情作利樂事而是菩薩無所思惟亦無分別是身是相知身離相故即得法離相亦非身離相與一切法離相有二差別若相即身離相彼相即法離相如是離相能隨入故即自身離相與一切有情身離相二俱平等

何以故由自身離相一切有情身離相故即入一切法界離相以法界離相故即入法離相然於其中而實無有少法可得謂以自身真如即入一切有情身真如一切有情身真如即入自身真如又復自身真如即入一切法真如以入一切法真如故即入一切佛真如又以自身真如故即入過去未來現在真如亦非過去真如與彼未來現在真如有所違背所有過去未來現在真如即是蘊處界真如即是染淨真如染淨真如即是生死涅槃

十一

十四

槃真如生死涅槃真如即是無造作真如無造作真如即是一切造作真如善男子所說真如即是實性實性即是如性是無異性無種類性無生性無諍論性無執取性謂以真如無法可取故說真如是無取法由彼真如無所取故即如是取於諸取中菩薩示現有所取法亦非真如有取有作以無取故即無諍論無諍論故於諸色中現有所取然彼真如亦無所動是故以其如實之智伺察如來真實之身以觀如來身平等故即當伺察自

身真如取要言之審觀一切身非身性畢竟不生知一切身皆是緣生法所成故如是知已乃能悟入彼法身門入是法身門故即成法身非蘊處界身即彼法身廣大增勝如實觀想從是現身為諸有情作利樂事乃至一切見聞覺知悉為有情成利樂事故寂慧當知譬如世間耆婆醫王積集一切勝上之藥精妙和合成女人相妙色端嚴而可樂見如其所應安立施作若來若去行住坐卧分別事相亦非分別非離分別諸有病者若國王

暖一

十五

大臣若長者居士來詣耆婆醫王妙藥所成
女人之所相與和合其和合已一切病苦皆
得息除無病輕安而獲快樂寂慧汝且觀是
耆婆醫王以善巧智能爲世間息除諸病餘
諸醫師無是智力菩薩所有法身增勝亦復
如是若能如理真實觀者而彼一切男子女
人童男童女爲貪瞋癡燒然其身若能如實
觀法身者即能息除一切煩惱心得輕安身
離燒然是故當知菩薩宿昔願力清淨菩薩
法身廣大增勝如實而觀即是菩薩身密清

淨寂慧當知菩薩法身非飲食力而能成故
亦非段食可能資養菩薩了知如是相已即
爲悲愍一切有情現受飲食雖有所取而無
著相亦非護惜其身故有所取於所取中而
彼法身無增無減是故當知菩薩法身不生
不滅亦無所起於中示現生滅起作但爲成
熟諸有情故滅即無滅亦無造作於一切法
應如是知諸有生者即和合義於一切法應
如是知又復應知彼一切法生即無生如來
身者即是法身即是法食即是法力是法歸

趣如來身者即虛空身無等等身三界一切
最勝上身一切如來通達身無喻無比清淨
無垢無染汚身自性明亮身自性不生身自
性無起身離心意識身幻餞水月自性身空
無相無願所成身十方最勝如虛空廣大身
一切有情平等身無邊無際身無種類無分
別身無毀無異身於住無住得不動身無色
自性身無受想行識自性身非地界所成身
非水火風界所成身非種非和合種非大種
所成身非種類法一切世間無比身非眼所

生非耳依止非鼻所知非舌了別非身和合
非意所成等身非心所轉非意識所轉亦非
無轉亦非隨轉善男子由如是故應當如實
觀如來身而是菩薩於如來身住平等性得
清淨已行菩薩行乃至三千大千世界或四
大洲或閻浮提一切王城聚落郡邑菩薩於
一切處普為現身然於是中亦無所現亦無
對礙又復菩薩能於十方現諸魔身於有現
中現無對礙於無現中現無對礙由如是故
無見無聞無覺無知諸有所見但為成熟一

切有情菩薩於其身念處中亦無增減菩薩
雖復知身無常知身是苦知身無我然為有
情示現其身作利樂事菩薩知身法爾寂靜
為有情故起分別身作諸利樂菩薩又復了
知因緣能成其身然於彼彼因緣法中如實
而觀亦無作者亦無受者又復能觀是身無
知如草木瓦礫菩薩身業雖已清淨然為有
情示現其身寂慧當知釋迦菩薩始從然燈
佛所發菩提心身語心業皆悉清淨具身業
者具有無量無邊功德假使過于苑伽沙數

等劫或如來說或我所說菩薩所有身家身
業廣大清淨不可窮盡

佛說如來不思議秘密大乘經卷第二

晉釋

嬪

毗賓切
婦官也瘡

胡光切
病也

永樂北藏

秘密大乘經

第七四冊

佛說如來不思議秘密大乘經卷第三

第四同卷

宋西天三藏聖朝大天師光祿卿傳梵大師達摩奉詔譯

菩薩語密品第二

復次金剛手大秘密主菩薩摩訶薩告寂慧菩薩摩訶薩言善男子云何名為菩薩語密

略二

語業清淨寂慧當知隨諸菩薩所起之處即彼菩薩本生隨其菩薩本生即入菩薩音聲所有一切有情音聲語言諸語言道言詞詮曉總集一切往返事相微細伺察苦樂等言悉入菩薩音聲中住都無障礙無著智見一

切隨轉乃至蚊蟲蠅蝶微細音聲菩薩悉能詮表令諸有情得聞菩薩音聲之者身心輕安隨彼所聞如是詮表悉從菩薩口門而出此中如是說伽陀曰

隨諸有情無邊際 即彼種類亦無量

於百劫中說無邊 此不思議何能說

我以譬喻如義言 說大士法亦無失

無增無減若虛空 起廣大心而開演

復次寂慧菩薩於其梵王所有一切種類音聲帝釋所有種類音聲護世天王種類音聲

天龍夜叉乾闥婆阿修羅迦樓羅緊那羅摩
睺羅伽等種類音聲乃至一切有情種類音
聲菩薩悉以音聲隨人復次伽陀曰

菩薩梵音歡喜說 劫勝梵王彼音聲
所說相應行慈悲 喜捨四法皆和合

帝釋歌詠悅意聲 菩薩音聲能隱覆
隨彼所出妙歌音 如應分別諸法義
緊那羅衆妙音聲 菩薩音聲悉超勝
貪火熾然令息除 如彼所言生愛樂
欲界諸天悅意聲 諸天歌詠聲各異

法義隨順如理宣 令彼一切生歡喜
貪瞋癡慢及憍誂 疑惑等類諸有情
聞其菩薩如義聲 悉能止息貪瞋等
所有色界諸天衆 聞最上人音聲已
一切咸生歡喜心 願求菩提生善趣
摩睺羅伽乾闥婆頌二 龍等諸妙音樂聲
聞功德海所宣言 一切廣大生歡喜
種種方便無邊聲 人中此間浮提等
隨聞菩薩妙音聲 聞已一切得解脫
地居空居諸天界 菩薩音聲悉隨入

如其種類所入聲 宣說決定真實法
迦陵頻伽拘枳羅 鵝鴈鸚鵡并鷺鷥
孔雀共命并那羅 吉祥鳥及鴛鴦等
師子虎豹熊麀鹿 象馬犀牛猫犬猪
此等走獸及飛禽 音聲隨入皆歡喜
一切四足及二足 多足無足等有情
菩薩隨入衆音聲 警悟如應生畏愛
三千世界諸有情 上中下品衆差別
三塗及彼人天中 菩薩言音普隨入
是中菩薩無分別 無執無縛無思想

住無散亂等引心 所作隨應現諸相
清淨有情所求願 音聲詮表俱臆刹
過死伽沙數亦然 是心無持無發悟
三千界中諸魔衆 咸聞菩薩廣大聲
聞已驚怖速歸心 合掌恭敬而頂禮
常好諍論諸有情 癸二 增上慢心不歸信
由聞大士清淨言 合掌恭敬而頂禮
驚瘧及彼無舌者 嘗吃破壞諸有情
由其菩薩美妙言 即時能聞能言說
煩惱燒然復逼迫 造罪造惡百種具

由聞菩薩善淨言 心得清涼息諸惡
有情若聞無常聲 佛法佛聲即得聞
施戒忍法亦復然 精進定慧悉聞聽
所有一切功德海 多俱胝劫說不盡
音聲無邊智無邊 悉住佛聲而無斷
復次寂慧當知菩薩摩訶薩語言音聲之中
無愛著語無猛惡語無癡亂語無染污語無
縛解語無高下語無麤澀語無惡戾語無缺
漏語無堅硬語無違順語無退失語無隨惡
語無相違語無隨染語無不定語無躁動語

無貢高語無忿恚語無非時語無雜欲語無
隨方喜愛語無思慕語無極緩語無極速語
無壞諸根語無壞音聲語無破壞心語無邪
曲語無劣弱語無隱覆語無衰朽語無向背
語無深險語無不出離語無不愍念語無害
他語無自他離間語無出入語無執取語無
不清淨語無不如理語無不忍語無雜亂語
無誣謗語無非法語無高勝語無卑下語無
過時語無時分差失語無虛說語無邪說語
無希求利養語無不歸攝語無癡瞋語無癡

疑語無不可愛語無許露語無輕慢語無自
分高疆語無他分離散語無自讚功能語無
破他功能語無譏誚語無折伏他語無非所
作語無所作相違語無破壞秘密語無不防
護語無輕慢智者語無毀謗聖賢語無稱美
語無讚譽語無顯發他人過失語無如箭射
激語無說他非語無不救拔語無增上慢所
說語無罪業語無不饒益語寂慧當知菩薩
所出語言音聲皆是神通智力福行果報之
所成立善種隨轉相續不斷凡所言說皆悉

成就菩薩一時或於樹下行住坐卧若有人
來詣菩薩所作是問言汝知此樹有幾多葉
是時菩薩不觀其樹不數其葉應聲答言此
樹具有若干數葉如其菩薩所出之言即彼
樹葉更無增減又復有人問苑伽河有幾許
沙爲幾百邪幾千幾百千幾俱胝幾阿更多
幾你更多幾乾羯羅幾頻婆羅幾尾播舍幾
阿閼婆幾無量幾阿僧祇幾阿哩誡拏幾嚩
訶幾龍力幾不可數是時菩薩不觀其河不
數其沙應聲答言此河具有若干數沙如其

菩薩所出之言即彼河沙更無增減亦同如
來智所知數菩薩所言如實無妄不假天龍
夜叉乾闥婆阿脩羅迦樓羅緊那羅摩睺羅
伽等并聲聞緣覺衆共作證唯佛如來所可
證知寂慧如是等緣而悉應知復次寂慧我
念過去久遠世中有一仙人^五名曰妙愛有婆
羅門名曰黑相彼時有一尼拘陀大樹其名
賢善有多枝葉周布垂蔭縱廣可及一俱盧
舍時妙愛仙人居其樹側以神通力經七日
中審細觀矚數其樹葉於後一時彼黑相婆

羅門入城乞食經遊至彼樹下飯食已訖即
詣妙愛仙人居所到已歡喜互以美言而相
慰問多種談論咸生適悅時仙人言大婆羅
門汝必應知於人世中可能有人於此尼拘
陀大樹審細觀知枝葉數不婆羅門言尊者
世亦有人仙人復言爲何人邪婆羅門言即
汝尊者應爲我說仙人答言大婆羅門汝爲
我說時婆羅門不觀其樹不數其葉應聲即
爲說伽陀曰

八千那庾多數量 俱胝復有九十二

六十阿閼婆應知 十六齊等其枝數
又復三十那庾多 九十六數兢羯羅
尾播舍量有十三 此等皆爲彼葉數
其樹所有枝及葉 如前數量無增減
我隨智力如實言 疑者自數應無失
是時妙愛仙人聞是說已深生驚異說伽陀
曰

汝婆羅門神通智 以真實語而善說
賢善尼拘陀樹王 所有枝葉如實知
汝亦不曾觀其樹 而復不曾算其數

即彼枝葉數難量 能以智心而解入

仙人說伽陀已又復問言大婆羅門如汝所
說爲自智力而能知耶爲諸賢聖助汝說耶
婆羅門答言尊者汝今善聽我以人中之智
如實而說虛空可破斯言無妄復次金剛手
大秘密主菩薩摩訶薩告寂慧菩薩摩訶薩
言汝今當知彼時彼妙愛仙人者即今大智
舍利子是黑相婆羅門者即今世尊釋迦師
子是由如是故菩薩所有語功德海即能安
住真實功德如理法義寂慧此等是名菩薩

語密語業清淨其中若有少解入者我說彼
爲最上慧人

菩薩心密品第三之一

復次金剛手大秘密主菩薩摩訶薩告寂慧
菩薩摩訶薩言云何名爲菩薩心密心業清
淨寂慧當知菩薩諸所作業皆智所作非慢
所作悉是不滅神通妙智以神通智遊戲示
現一切事業神通建立廣大勢力之所成辦
而彼神通智相即能成立一切行相又彼神
通妙慧即能觀見一切諸法又神通智即無

盡相於一切處悉能隨順又神通智即能隨
現一切色相於彼彼色而悉遍故又神通智
即能隨入彼一切聲於前後際音聲平等故
又神通智普能觀察諸有情心以心自性伺
察可見故又神通智善能思念無邊劫事以
前後際無所斷故又神通智能知一切種類
之法悉是解脫智行相故又神通智於漏盡
法順時所求於彼時分不過越故又神通智
即是出世間聖決擇分故又神通智聲聞緣
覺而悉不能徹其源底又神通智即甚深義

悉能降伏諸魔外道又神通智能至菩提道
場現證一切最上佛法又神通智悉能隨順
轉妙法輪又神通智善作調伏諸有情事又
神通智得大灌頂於一切法而能自在寂慧
此即是爲菩薩心密心業清淨心清淨故彼
即無染潔白明亮離諸煩惱能善調伏善作
諸業善入禪定解脫三摩地三摩鉢底亦不
畢竟墮於一切盡無生法隨念即生亦復不
爲欲界所動不由縛生不由縛滅不由縛起
所以者何謂能解脫一切分別解脫一切雜

染繫縛解脫顛倒執取依止即彼解脫生即
彼解脫滅即彼解脫起雖復有生而無所生
如是即能圓具大乘一切佛法然彼佛法若
於十方審諦伺求悉無所得亦非無得以一
切佛法無得非無得故即能隨得彼一切法
一切佛法是故於一切法一切佛法中無法
非無法何以故以一切法審諦伺求悉無所
得亦非無得若於諸法如實伺求悉無所得
非無得時即無有法而可算數謂一切法已
能出過算數量故若能了知彼一切法平等

性者是中無法亦非無法而可取著此即諸
法無著義若或領解是義即大無義若無領
解彼即無義亦非無義以現前安立無義可
見故若或有慧可了知者即爲障礙彼無礙
慧若或於慧無障礙故是即無著若無著即
無住若無住即無盡第二若無盡即無勤亦無墮
若無勤墮即無非我若無非我即亦無我若
無我即無取若無取即無諍若無諍即無論
即彼無論此說是爲沙門之法即沙門法譬
若虛空本來平等以虛空平等故非欲界繫

非色界繫非無色界繫由如是故於一切處
悉無所繫以無繫故無形顯色及諸相狀無
色相故即能隨順覺了若能如是隨覺了故
即能一切差別分別寂慧菩薩言云何名爲
隨順覺了復何名爲差別分別金剛手菩薩
言無有少法而可得者此名隨順覺了以覺
了故即無差別分別是故法中作此二說寂
慧當知此等名爲菩薩心密心業清淨

佛說如來不思議秘密大乘經卷第三

佛說如來不思議秘密大乘經卷第四

宋西天三藏朝散大夫試光祿卿傳梵大師護等奉詔譯

菩薩心密品第三之二

復次金剛手大秘密主菩薩摩訶薩告寂慧菩薩摩訶薩言善男子菩薩心密者謂修慈

卷二

九

行即知無我若修悲行即無衆生若修喜行即無壽者若修捨行即無有人若修布施行即心調伏若修持戒行即心寂靜若修忍辱行即心無盡相若修精進行即心離相若修禪定行即心安定若修慧行即心無伺察若

修四念處行即心無念亦無作意若修四正斷行即心正平等若修四神足行即心無戲論若修信根即心無著若修精進根即心無發悟若修念根即得自然智心若修定根即得平等性智心若修慧根即得無根本心若修五力即得心無屈伏若修七覺支即得慧分別心若修八正道即得無所修心若修奢摩他即得寂止心若修毗鉢舍那即得無所觀心若修四聖諦即得畢竟無了知心若修佛作意即得無作意心若修法作意即得法

界平等心若修僧作意即得無住心若修成熟有情行即得本來清淨心若修攝受正法行即得法界無差別心若修嚴淨佛土行即得虛空平等心若修無生法忍行即得無所得心若修不退轉地行即得無轉而轉心若修成就諸相行即得無相心若修莊嚴菩提果即得三界圓滿心若修降伏諸魔行即得普攝一切有情心若修趣向菩提行即得法界自性隨覺了心若修轉法輪行即得無轉非無轉心若修大涅槃行即得隨生死自性

心寂慧當知此等皆是得忍菩薩心秘密法心業清淨若彼菩薩如是清淨已即得一切有情心亦清淨而是菩薩乃能隨入諸有情心即彼一切有情之心皆從大菩提心光明中出譬如虛空於一切處住隨入一切處菩薩心者亦復如是於一切處住隨入於一切處金剛手大秘密主菩薩摩訶薩如是宣說菩薩所有身語心密不思議正法時會中有七萬二千年及人發阿耨多羅三藐三菩提心三萬二千菩薩得無生法忍八萬四千人

略二

十

遠塵離垢得法眼淨八千苾芻不受諸法漏
盡意解得心解脫時此三千大千世界六種
震動有大光明普徧照耀虛空自然雨衆天
華復於空中有百千種殊妙音樂不鼓自鳴
其音樂中出如是言若諸有情已得授記位
者方乃得聞此金剛手大秘密主菩薩摩訶
薩所說正法於中聞已受持讀誦如理修行
廣爲他人隨應宣說永不忘失大菩提心當
知彼人非少善根而能成就已於廣多佛世
尊所深植善本勤修一切最勝福行當爲一

切有情作大饒益

震吼音聲菩薩來會品第四

爾時世尊告寂慧菩薩摩訶薩言善男子汝
聞空中多種鼓樂妙音聲不寂慧菩薩白佛
言世尊我初已聞此是何等殊妙音聲願佛
爲說佛言寂慧汝今當知有菩薩摩訶薩名
震吼音聲從大雲世界雲音王如來所來此
娑婆世界瞻禮於我親近供養及欲聽受金
剛手菩薩宣說正法亦復樂見十方來會諸
大菩薩摩訶薩衆是彼震吼音聲菩薩隱自

卷二

十一

身相住虛空中雨衆妙華鼓勝音樂供養於我其樂音中出如是聲世尊如來於大會中非久宣說廣大正法發是言已即時震吼音聲菩薩摩訶薩從空而下入佛會中頭面禮足右繞七匝住於佛前而白佛言大雲世界雲音王如來問訊世尊少病少惱起居輕利氣力安不彼佛如來又作是說金剛手大秘密主菩薩摩訶薩有方便善說正法是佛威神之所建立乃能如是通達一切無量佛法爾時世尊告震吼音聲菩薩摩訶薩言善

哉善男子汝善來此大衆會中樂聽金剛手大秘密主菩薩摩訶薩宣說如來秘密不思議法汝當於此諦聽諦受持國輪王先行品第五之一爾時會中諸菩薩衆咸起是念此金剛手大秘密主菩薩摩訶薩往昔於何佛世尊所親近聽受深種善根復修何等廣大誓願乃能如是具大辯才善說諸法爾時世尊知諸菩薩心疑念已即告寂慧菩薩言善男子我念過去世中經阿僧祇劫復阿僧祇數無量無

邊不可思議劫前有劫名善現世界名莊嚴
有佛出世號無邊功德寶衆莊嚴王如來應
供正徧知明行足善逝世間解無上士調御
丈夫天人師佛世尊寂慧當知彼莊嚴世界
廣大妙好安隱豐樂人民熾盛地平如掌無
諸砂礫荆棘雜穢草木樹林青鬱可愛復有
聯二
名華軟草覆地青潤妙好如孔雀項右旋喜
十二
相有色有香令人適悅下足于地隨減四指
舉足還復隨起四指無極寒熱溫涼調適輒
美清風令人愛樂其地莊嚴如吠瑠璃彼時

人民色相嚴好少貪瞋癡及餘煩惱人有孝
愛復具勢力聞說善言能自開曉而彼世尊
無邊功德寶衆莊嚴王如來法中有十二那
庾多諸聲聞衆三十二俱胝諸菩薩衆彼時
人壽三十六俱胝歲於中有人趣命終者寂
慧當知而彼善現劫中莊嚴世界處于中四
大洲一一四大洲其量廣闊八萬四千由旬
每一由旬中有千國城郡邑聚落周而圍繞
彼莊嚴世界中有大國城名極清淨而彼國
城分量廣闊北六十四由旬南四十由旬東

西亦然有十千園苑而爲嚴飾國城之內復有十千州城縣邑彼極清淨國城之中有大轉輪聖王名曰持國七寶具足爲四大洲主於先佛所深植善根福德威光王中最勝不退轉於阿耨多羅三藐三菩提心寂慧而彼持國轉輪聖王所居國城縱廣正等十六由旬廣大殊妙有七重牆七寶所成其上復有七重樓閣七重寶網垂諸寶鈴牆內周匝有四大園一名衆華二名德喜三名孔雀喜四名時分快樂是諸園中各有大池一名歡喜

二名喜上三名香上四名順流其池縱廣半由旬量悉以衆寶砌其階級間浮檀金而爲其底金沙布地八功德水充滿其中有寶蓮華彌覆其內鵝鴈鴛鴦衆鳥游泳又彼持國轉輪聖王有其七萬宮嬪嫒女皆悉相好端嚴殊妙而爲女寶以用給侍是諸宮嬪皆悉已發阿耨多羅三藐三菩提心王有千子身相端嚴勇猛無畏能伏他軍人各具其二十八種大丈夫相以爲嚴飾深心淨信於阿耨多羅三藐三菩提法寂慧時彼世尊無邊功

德寶衆莊嚴王如來居極清淨大國城中彼持國轉輪聖王與諸大臣婆羅門長者乃至一切人民咸悉恭敬尊重供養其王淨信彼無邊功德寶衆莊嚴王如來及苾芻衆滿一俱胝歲承事供養廣持悅意種種飲食珍妙衣服乃至一切受用等物悉以奉上又諸苾芻衆各以三園用獻遊止寂慧彼轉輪王有諸太子心各清淨曾無放逸親近彼佛勇聞正法不以欲樂而爲染著由不放逸其心寂定聽正法故是諸太子不久之間得五神通

即時各各踊身空中猶如鵝王飛騰自在從園至園從此城邑至彼城邑乃至徧遊四大洲界隨行空中說伽陀曰

諸佛出世得何利 總聚人間利復深
仁者聽法淨信心 經百劫中極難得

佛二

十四

今此人中仙出世 宣說正法寂靜道
我今近彼善逝尊 由聞法故生善趣
聞正法已破惡趣 聞正法已善趣生
由聞法故煩惱除 心得清涼最上樂
空中說是伽陀時 此大地中六震動

天空中出妙聲 大雨衆華生悅意
若人得見佛大師 彼功德說不能盡
應當頂禮二足尊 合掌諦誠而恭信
彼佛能知人心意 如其所應爲說法
聞法三十六俱胝 人皆住勝菩提道
復有三百俱胝人 獲得最上淨法眼
一切皆生厭離心 歸佛出家依正教
又四俱胝那庾多 人受淨戒作佛事
聽法供養佛世尊 作已各還於本處
彼諸太子說伽陀已同爲其父持國轉輪聖

王作供養事擇以龍堅妙栴檀香造作樓閣
廣大殊麗妙好嚴飾縱廣正等十由旬量四
方四隅分量齊等樓觀門徑悉以龍堅妙栴
檀香製作圓具如天宮殿其龍堅香半兩價
直過於閻浮檀金價而彼樓閣巧施工力妙
好嚴成是時持國轉輪聖王欲詣世尊無邊
功德寶衆莊嚴王如來所瞻禮親近聽受正
法時王諸子并宮嬪眷屬侍從父王即入栴
檀大樓閣中其王處于蓮華莊嚴師子座上
太子宫嬪臣佐人民咸皆尊重以一切種華

卷二

十五

鬘塗香上妙衣服寶幢旛蓋微妙音樂廣伸
供養復以寶網垂覆樓閣衆共執擎而將前
進即時騰踊在虛空中猶如鵝王自在而行
前至佛所徐徐以彼樓閣安置地已持國轉
輪聖王并太子宮嬪從樓閣中安庠而下前
詣佛所頭面著地禮佛雙足并苾芻衆各敬
禮已右繞七匝還住佛前合掌諦誠聽受正
法時彼世尊無邊功德寶衆莊嚴王如來知
彼持國轉輪聖王來佛會中樂欲聽法佛即
如應爲說妙法示教利喜佛言大王汝今當

知有四種法若如理修行者即能安住大乘
趣向勝道所有善法而無壞失何等爲四大
王一者信法能向勝道復何名信謂有信故
而能隨順諸賢聖種所不應作而悉不作二
者尊重能向勝道以尊重故於諸聖者所說
妙法而能聽受諦受法故耳無外聽三者無
慢能向勝道以無慢故即能於彼一切賢聖
恭信頂禮四者精進能向勝道以精進故若
身若心悉得輕安所作善法皆能成辦大王
此等四法若如理修行者即能安住大乘趣

向勝道

佛說如來不思議秘密大乘經卷第四

嘆二

十六

音釋

鴛音秋熊胡弓切麀諸良切審吃審九聲
鳥名獸名
一切審吃
言難也
瞢莫巨切屬朱欲切
不明也
瞞朱欲切
視也

佛說如來不思議秘密大乘經卷第五

第六同卷

宋西天三藏朝散大夫慧光律師傳梵大師造華嚴經疏

持國輪王先行品第五之二

復次大王有四種法若圓滿者即能安住大
乘成就不放逸行心無流散何等爲四一者

戒三

戒護諸根二者觀欲過失三者攝受一切作
無常想四者於法決定爲勝命根大王如是
四法若圓滿者即能安住大乘成就不放逸
行心無流散大王有四種法王者修行若具
足說名仁王何等爲四一者常不棄捨大誓

提心二者以菩提教示他人三者以諸善根
迴向菩提四者於佛世尊大威德力若見聞
已亦復於彼一切天人聲聞緣覺所有威力
生歡喜心然即唯求佛大威力大王如是四
法王者修行若具足者說名仁王是故大王
應當常修不放逸行信心清淨忻慕正法起
樂法欲勤求正法常當遊戲正法園苑不著
境界所以者何大王當知欲無厭足彼所足
者是謂聖慧又復大王壽量微少命不久停
往趣他世罪業可怖白是應知常當親近供

養恭敬諸佛如來以此善根應於四處而用
迴向何寺爲四一者迴向無盡果報二者迴
向無盡法門三者迴向無盡妙智四者迴向
無盡辯才大王復有四法一者身清淨故能
成慧行二者語清淨故能成聞行三者心清
淨故能成戒行四者慧清淨故能成智行復
有四法一者方便圓滿故能成熟有情二者
慧圓滿故能降伏諸魔三者願圓滿故即如
說能行四者值遇佛故即得一切佛法圓滿
時彼持國轉輪聖王於彼佛所得聞正法示

教利喜生歡喜心適悅慶快持以無價真珠
妙寶及王者所有一切受用悉以獻佛而爲
供養乃至盡壽修諸梵行奉持五戒是時王
諸宮嬪於彼佛所聞正法已心大適悅踊躍
歡喜各以身所著衣莊嚴具覆於佛上乃至
盡壽修諸梵行奉持五戒悉發阿耨多羅三
藐三菩提心時持國轉輪聖王快得善利增
益法財已與諸宮嬪眷屬各各至誠頂禮佛
足及苾芻衆亦悉禮敬繞七匝已即時入於
大樓閣中踊昇虛空自在而行還極清淨大

卷三

二

國城中復次持國轉輪聖王於後一時擇月
圓日嚴駕出遊衆華大園而爲翫賞鼓吹清
音奏妙歌樂恣其所樂嬉戲遊從是時有二
最上宮女一名無毀二名無比同詣歡喜池
中清淨澡沐出已衣覆處于蓮華師子之座
是二宮女即於座中各有一童子自然化生
跏趺而坐童子端嚴色妙無比相好圓具人
所樂觀於剎那間即各踊身住於虛空是時
空中有賢聖言此二童子一名法思一名法
慧故此二名由斯而立彼法思童子於其無

毀宮女坐中化生彼法慧童子於其無比宮
女坐中化生時二童子在虛空中亦跏趺坐
異口同音說伽陀曰

仁者我今得善利 所謂發生菩提心
既發心已遇世尊 起清淨心而信禮

疑三

大海深廣難徹底 生死輪轉無休息

三

有情廣渡生死流 彼菩提心不捨離

有世界名無毀身 有世尊名時分王

我從彼來求法門 樂見牟尼功德聚

我時各各跏趺坐 分從二母坐中生

我父持國大聖王 故來合掌伸敬禮
願父同察聽我說 阿庾多劫善得法
乃至圓成大菩提 所得於中不棄捨
一切唯佛出世難 父母難得居法位
法中善友剎那逢 清淨妙寶隨意現
欲及精進不放逸 出家得利具正知
勤修利益心調柔 慚愧多聞具善戒
慈悲調寂為有情 普令獲得深法忍
精進勤力無著心 成熟攝受諸群品
心離相故得調暢 於其身命不顧惜

思惟正法如救然 願獲諸佛勝功德
父王最上難得者 我所稱讚最上法
我從彼佛剎中來 還歸彼佛本因處
我等已住菩薩位 普能攝受諸善法
剎那獲得五神通 隨念隨觀意能曉
時彼持國轉輪聖王與宮嬪眷屬并二童子
智者菩薩以神通力處虛空中同詣世尊無
邊功德寶衆莊嚴王如來會中到已各各項
禮佛足一切衆會普伸恭敬是時彼佛觀二
童子是真佛子樂欲聽受菩提道法佛知其

意即爲宣說甚深正法佛言善男子當知諸法從緣所生中無主宰亦無作者知內是空外無所行諸法皆空虛假無實於見於作應悉清淨猶如虛空而無所取彼佛世尊如是多種廣爲宣說清淨法時會有七十六那

第三

度多及三俱胝人得無生法忍是時持國轉輪聖王在佛會中經七晝夜作供養已與其諸子并宮嬪眷屬於剎那間還本所居時彼輪王後於一時獨處栴檀樓閣之中登於蓮華師子之座竊作是念我此千子悉已安住

阿耨多羅三藐三菩提法然於其中何者最先得成阿耨多羅三藐三菩提果我宜設法以驗其事作是念已即勅侍人用以七寶妙巧作瓶如其分量善施作已即命各書千子名字置寶瓶中復以七寶作妙蓮華於其華中安置寶瓶然後於七晝夜廣以微妙香華塗香末香等及鼓吹歌音嚴伸供養瓶中名字是時空中有十千天人助發種種妙供養事如是供養七晝夜已普召宮嬪眷屬及王千子并二童子咸集其前復以賢妙金床安

置寶瓶安已即時勅遣侍人於寶瓶中取其
名字侍人如命瓶中^三最先取一名字前奉於
王其名乃是清淨慧太子然後次第徧取其
名即時於剎那間而此大地六種震動所有
宮嬪先各執持諸妙樂器不鼓自鳴出妙歌
音寂慧當知彼時清淨慧太子^五最先瓶中取
其名者豈異人乎即是此賢劫中過去俱闍
孫如來次於瓶中取一名字其名最勝軍太
子者即是過去俱那舍牟尼如來次於瓶中
取一名字其名寂諸根太子者即是過去迦

葉如來次於瓶中取一名字其名一切義成
太子者寂慧當知即我身是次於瓶中取一
名字其名寶帶太子者即當成佛號慈氏如
來次於瓶中取一名字其名牛王太子者即
當成佛號師子如來次於瓶中取一名字其
名電天太子者即當成佛號大幢如來次於
瓶中取一名字其名賢王太子者即當成佛
號妙華如來次於瓶中取一名字其名淨光
吉祥太子者即當成佛號華氏如來次於瓶
中取一名字其名蓮華眼太子者即當成佛

號善宿如來次於瓶中取一名字其名無垢
光太子者即當成佛號妙眼如來次於瓶中
取一名字其名淨池太子者即當成佛號妙
臂如來次於瓶中取一名字其名慧王太子
者即當成佛號明燄如來次於瓶中取一名
字其名善莊嚴太子者即當成佛號明珠如
來次於瓶中取一名字其名增長分太子者
即當成佛號導師如來次於瓶中取一名字
其名淨嚴王太子者即當成佛號持勝功德
如來次於瓶中取一名字其名吉祥密太子

者即當成佛號勝財如來次於瓶中取一名
字其名妙光身太子者即當成佛號智積如
來次於瓶中取一名字其名勇健太子者即
當成佛號寶積如來次於瓶中取一名字其
名寶稱太子者即當成佛號普光明如來寂
慧當知如是等廣說彼千子中相繼而取乃
至取一名字其名大峯莊嚴太子者即當成
佛號無邊功德寶稱如來寂慧唯一名字在
寶瓶中最後取之其名無邊慧太子而此太
子於千太子中居最小位是時諸兄或輕侮

三

六

言我等諸兄當成佛時已作佛事已度有情
汝於最後當何所作時無邊慧太子說伽陀
曰

佛法無邊如虛空 有情及慧亦無盡
行願清淨戒薰修 當聽我說此行願
諸兄壽量若干數 王者衆會數若干
如我壽量總聚之 願當爾許聲聞衆
太子說是伽陀已 空中天人讚善哉
正士意樂淨周圍 利益有情無窮盡
寂慧當知彼時最小無邊慧太子者當得成

佛號樂欲如來於賢劫中最後成佛寂慧所
有賢劫中諸佛壽量及聲聞衆彼樂欲如來
而悉當得是彼如來善樂欲故是故如來名
爲樂欲復次寂慧汝且觀是菩薩摩訶薩善
巧方便圓具淨戒無毀大願滿足勝行彼諸
太子九百九十九人乃至無邊慧太子如上
卷三
功德皆悉成就是時彼千太子俱謂二童子
菩薩言汝此法思法慧二善男子往昔發何
殊勝願力今如是邪法思童子言諸仁者我
與汝等皆如金剛手菩薩相續勝行不離一

切如來無上秘密不離一切佛法聽受信解
法慧童子言今我諸兄具勝願力願我與汝
悉證菩提成菩提已我皆勸請轉妙法輪如
其願力於彼佛所受菩提記寂慧當知彼時
持國轉輪聖王者豈異人乎即是然燈如來
應供正等正覺往昔因中居輪王位時彼輪
王千太子者即是此賢劫之中千佛如來從
俱留孫如來至樂欲如來古經不譯但云樓至彼時法
思童子於無毀宮女坐中化生者即是金剛
手大秘密主菩薩摩訶薩神力所化彼時法

慧童子於無比宮女坐中化生者即是尸棄
梵王寂慧彼時持國轉輪聖王諸宮嬪者即
是今此會中諸菩薩衆彼諸宮嬪爾時得王
千子成熟化度而悉不退轉於阿耨多羅三
藐三菩提心安住大乘彼諸宮嬪次第當於
此賢劫中受菩提記寂慧汝復應觀緣生之
法理不相違善根諸因及發心勝行果無壞
失今此會中諸菩薩大士皆能增長最勝意
樂

佛說如來不思議秘密大乘經卷第五

佛說如來不思議秘密大乘經卷第六

宋西天三藏聖教大師慧覺大師惟淨等奉詔譯

菩提道品第六

佛告寂慧菩薩言若諸菩薩摩訶薩欲證阿
耨多羅三藐三菩提果者當學彼諸大士所
行非但以其語言得最勝道要當真實修行
乃得菩提正道此中云何名菩提道謂於一
切衆生無諸損害隨起慈心勤修波羅蜜多
以四攝法普攝一切修四梵行勤行三十七
品菩提道法圓滿六種神通事業以善方便

攝化衆生長養一切善根法行此說是名大
菩提道復次寂慧菩提道者所謂意樂信重
深心清淨正直無諂心平等故行平等法不
作諸罪故無諸怖畏彼菩提道增長法故即
是布施波羅蜜多彼菩提道向安樂道故即
是持戒波羅蜜多彼菩提道無損害故即是
忍辱波羅蜜多彼菩提道建立諸法故即是
精進波羅蜜多彼菩提道無雜亂故即是禪
定波羅蜜多彼菩提道善了知故即是般若
波羅蜜多彼菩提道通達出生無礙智故即

是大慈彼菩提道無退轉故即是大悲彼菩提道作歡喜故即是大喜彼菩提道隨入真實故即是大捨彼菩提道去除荊棘故即能遠離貪瞋害疑等染法彼菩提道順安樂法故即心無障礙彼菩提道離險惡故即不著色聲香味觸彼菩提道離邪外法故即善觀蘊處界彼菩提道能降諸魔故即能除去一切煩惱彼菩提道是廣大法故即能遠離聲聞緣覺作意彼菩提道順正法故即能隨順先佛如來應供正等正覺彼菩提道廣能積

集大法寶故即善隨順一切智寶彼菩提道常開明故即能顯發無礙智光彼菩提道爲善說者故即得諸善知識共所攝受彼菩提道離高下想故即無違順彼菩提道離塵暗故即無瞋忿疲懈彼菩提道向善趣故即能遠離諸不善法彼菩提道善住安樂方故畢竟趣證大涅槃法寂慧當知此如是等皆是菩薩所行大菩提道若非趣非道者所謂一切聲聞緣覺此中真實建立菩薩摩訶薩悉令成就阿耨多羅三藐三菩提果

如來身密不思議品第七之一

爾時寂慧菩薩摩訶薩前白金剛手菩薩大
秘密主言大秘密爲我略說如來秘密此中
云何是爲如來秘密之法金剛手菩薩告寂
慧菩薩言善男子諦聽諦聽我今承佛威神
爲汝宣說如來秘密有三種何等爲三一
者身密二者語密三者心密云何名爲如來身
密寂慧當知所謂如來於無思惟無分別中
而能示現諸威儀相善男子若天若人或有
見如來坐生尊重者即令彼等見如來坐或

有天人樂見行者即令彼等見如來行或有
天人樂見住者即令彼等見如來住或有天
人樂見卧者即令彼等見如來卧或有天人
樂聞說法生尊重者即令彼等見佛說法或
有天人樂見寂默者即令彼等見佛寂默或
有天人樂禪定者即令彼等見佛在定或有
天人樂出定者即令彼等見佛出定或有天
人樂見不瞬觀視者即令彼等見佛不瞬觀
視或有天人樂神變者即令彼等見佛神變
或有天人樂欲觀佛金色相者即令彼等見

金色身或有樂見白銀色者水精色者瑠璃色者瑪瑙色者珊瑚色者琥珀色者赤珠色者白珠色者青黃赤白等諸色者如月色者如日色者如火色者如光聚色者如帝釋色者如梵王色者如雪色者如雌黃色者如朱砂色者如水色者如無憂樹華色者如瞻波迦華色者如蘇摩那華色者如婆師迦華色者如俱母陀華色者如鉢訥摩華色者如奔拏利迦華色者如衆妙華色者如毗沙門天王色者如持國天王色者如初開蓮華色者

如吉祥藏寶色者如摩尼寶色者如帝青寶色者如虛空淨光色者此如是等種種色相乃至無邊功德色相隨喜信樂如來各各皆令彼等悉得見佛諸色相身復次寂慧乃至三千大千世界如殑伽沙數等一切衆生皆得人身彼彼衆生各於如來形顯色相及威儀事隨所思惟信解皆得成辦如十一一衆生如是信解亦然彼彼一切衆生皆於如來形顯色相及威儀事思惟信解皆得成辦又復衆生心所信解而各差別寂慧以是緣故如來

普令一切衆生各隨信解威儀事等心生歡喜隨信解已令諸衆生了知如來威儀事等亦非如來若身若心有所動亂亦無發悟而能善知一切衆生往昔行業心意差別是故如來隨應普現威儀事等譬如清淨圓鏡置諸方所光照衆色隨安掛處一切影像悉於中現所照平等無增無減而是圓鏡無所思惟亦無分別寂慧如來亦復如是了知一切衆生心意隨所現相悉令歡喜而佛如來無所思惟亦無分別復無發悟此即是名如來

身密復次寂慧如來身者非蘊處界之所成立非業所成非煩惱生不從父母胞胎所生非羯邏藍等大種所生非血肉染汙筋骨聯續出入息等資養所生復次寂慧如來身者即非身也所謂法身如虛空身非色相身離諸戲論無所行身若諸衆生樂見色相而生信重所應度者如來乃現色身諸對礙境若諸衆生樂法離相生信重者於一切處一切種類無對礙境天眼亦復不能觀見寂慧當知一佛會中所有大衆其見各異或有衆生

見佛身者或不見者或遠處即見近處不見
或近處即見遠處不見或遠處亦不見近處
亦不見或專注心見散亂心不見或散亂心
見專注心不見或他觀即見自觀不見或自
觀即見他觀不見或夢境中見寤已不見或
覺寤已見夢中不見或定中見出定不見或
出定見定中不見或善相即見不善相不見
或不善相見善相不見或發悟心見無發悟
心不見或無發悟心見發悟心不見或加行
心見無加行心不見或無加行心見加行心

第三

十二

不見此如是等及餘無量種相觀如來身彼
色界天子身相寂靜所行寂靜善威儀道住
等引心善寂善調然目雖動亦復不能觀如
來身分量色相何以故如來身者具無量種
莊嚴色相與虛空等以其法身所成性故譬
如虛空廣大無際如來身相廣大亦然又如
虛空徧入一切處一切處通達如來身相亦
復如是徧入一切處一切處通達又如虛空
離諸戲論如來身相亦復如是離諸戲論又
如虛空普能滋養一切衆生如來身相亦復

如是普能滋養一切衆生又如虛空無其種類亦無分別如來身相亦復如是無其種類亦無分別又如虛空隨入一切色相光明如來身相亦復如是隨入一切色相光明又如虛空所有一切色相光明悉住其中如來身相亦復如是一切衆生色相光明住佛身中

聯三

十三

而不可以語言宣說亦復不能觀其頂相復次寂慧我不見有世間一切天人魔梵沙門婆羅門等而能觀見如來應供正等正覺最勝頂相所以者何寂慧當知我念一時世尊如來成道未久在波羅柰國仙人墮處鹿野苑中轉妙法輪是時東方有佛世尊號瞻波迦華色世界名如幻國名調究彼有菩薩名曰風持來此娑婆世界瞻禮親近世尊釋迦牟尼如來到已頭面頂禮佛足右遶七匝住立佛前爾時風持菩薩承佛威神即作是念

今佛世尊身相廣大無量無邊不能觀其頂
相我今或可於佛世尊身量邊際求以度量
風持菩薩作是念已自見其身長六萬八千
由旬見佛身相長八百四十萬由旬復作是
念我今或以自所得者遊戲神力而可度量
如來身相分量邊際邪作是念已即時菩薩
承佛威神以自通力乃往上方過百俱胝
加沙數等佛土有世界名大蓮華佛號蓮華
吉祥藏王如來現住說法教化衆生菩薩到
已審諦觀察不能得見如來頂相亦復不能

度量佛身分量邊際時風持菩薩前詣世尊
蓮華吉祥藏王如來所頭面禮足右遶七匝
住立佛前白佛言世尊我所來此其遠近耶
彼佛告言善男子過百俱胝加沙數等佛
國土已到此世界風持菩薩白彼佛言世尊
我爲不能觀彼世尊釋迦牟尼如來頂相亦
復不能觀彼佛身分量邊際故遠來此而伸
請問彼佛答言善男子假使汝今盡其神力
極盡上方一切世界經千那由他沙數等劫亦
復不能知彼佛身分量邊際又善男子假使

盡諸喻法不能譬喻彼佛如來所有戒定慧
解脫解脫知見種種功德若身語心若色若
相一切喻法皆不能喻以彼如來超數法故
唯除虛空而可喻之所謂如來戒定慧解脫
解脫知見悉如虛空故若身語心若色若相
此說一切皆如虛空是故應知虛空無量故
如來身相亦復無量寂慧彼風持菩薩於彼
佛所聞是說已發希有心踊躍歡喜適悅慶
快即時頭面禮彼佛足右遶七匝承佛威神
於剎那間隱彼佛土還復至此娑婆世界住

立世尊釋迦牟尼佛前頂禮佛足右遶三匝
合掌諦誠向佛世尊說伽陀曰

一切佛法極廣大 與虛空等無邊際
若人意欲度其邊 彼即自招於損害
我過百俱胝數量 殫伽沙等佛刹土
往一如來刹土中 欲觀如來身分量
我既至彼佛刹已 世界名曰大蓮華
不能觀佛頂相高 亦復不知身分量
化主世尊居彼刹 其名吉祥藏王尊
彼佛知我意所思 發如是言為我說

第三

十五

若人欲以譬喻法 喻其無邊諸佛法
彼佛不可隨相知 是人返招謗佛罪
唯其一法可爲喻 與諸佛法等無異
所謂周廣太虛空 分量邊際不可得
如其虛空廣大故 佛功德聚亦復然
謂戒定慧解脫門 及彼解脫知見等
如其虛空無分量 佛色相等亦復然
頂相高廣不能觀 與彼虛空界無異
如其虛空廣大故 佛身廣大亦復然
由身廣大無邊 光明廣大亦如是

由其光明廣大故 語密廣大亦復然
語密廣大無邊 心密廣大亦如是
由其心密廣大故 佛慈廣大亦復然
佛慈廣大無邊 佛智廣大亦如是
由其佛智廣大故 佛身廣大亦復然
菩提出生勝福門 廣大無際亦如是
由菩提心所生福 勝相從彼福門生
圓滿虛空界無邊 出生勝上諸功德
所有一切衆生類 普攝一切諸福蘊
一切菩薩亦復然 皆從菩提心所出

所有一切菩薩衆 宣說福蘊極廣大
若能護持正法門 所獲福聚多於彼
假使諸佛加行智 經俱胝劫共宣揚
護持正法福無邊 畢竟不知其邊際
大菩提心所生福 護持正法福無邊
勝三 空解脫門若校量 十六分中不及一
空解脫門此所攝 亦復不離菩提心
護持正法諸福門 一切皆同此中攝
若能了此妙法趣 是即菩薩大名稱
菩提功德獲無邊 此乃是修菩薩行

我今說是伽陀時 俱胝刹土皆震動
有千俱胝衆天人 鼓吹歌音俱胝數
有千俱胝衆生數 悉發廣大菩提心
聞佛如是大威神 風持我今如實說
佛有如是不思議 無重無邊復無上
諸佛普現衆相門 即自然智真秘密
寂慧當知如是等說是即名為如來秘密
佛說如來不思議秘密大乘經卷第六

佛說如來不思議祕密大乘經卷第七

第八同卷

宋西天三藏朝散大夫號祿卿光梵大師惟淨等奉詔譯

如來身密不思議品第七之二

復次寂慧如來身相一衆會中有得見者有
不見者其得見者歡喜瞻仰其不見者默然
惜瞪寂慧當知如來不以段食資養或有衆
生見佛亦受世間食者謂有威力具足修善
提行諸賢聖衆常隨佛後於食器中承受其
食是乃衆生見佛如來數數舉食置食器中
彼諸賢聖既受食已若有衆生於佛法中所

應化度宿種善根業障盡者雖復在在所生
不得飲食饑渴羸劣以其宿善力故彼等衆
生得佛如來殘食而食食已飽滿心得輕安
身肢潤益身心清淨即發阿耨多羅三藐三
菩提心若諸衆生墮在地獄餓鬼諸惡趣者
即不能發大菩提心以是緣故乃至盡涅槃
界寂慧是故當知如來不受世間飲食如來
資養所謂法食佛身堅固如那羅延天真寶
故不壞故金剛所成寂慧如來身者非生熟
藏之所成養亦非涕洟雜惡不淨所成如來

身者如閻浮檀金無缺無斷離諸過失如來身者具大威力體堅重故猶如金剛極柔軟故如迦左隣那衣隨所觸身皆獲妙樂寂慧當知一時有諸具大威力天子天女禮敬佛足隨禮敬時手觸佛足觸已即發阿耨多羅三藐三菩提心是故當知如來不從雜染所生復次寂慧世間所有貪行衆生暫見如來身已即於自身生離貪想瞋行衆生暫見如來身已即起慈心癡行衆生暫見如來身已即得智光照耀等分行衆生暫見如來身已

即於已身離諸煩惱慳慳衆生暫見如來身已即能信解捨法破戒衆生暫見如來身已即能信解戒法清淨忿恚心衆生暫見如來身已即得忍法懈怠衆生暫見如來身已即起精進散亂心衆生暫見如來身已即得寂定愚癡衆生暫見如來身已即得勝慧善男子取要而言若諸衆生暫見如來身者一切善法皆不捨離一切不善疑等染法悉得銷除安立善心然佛如來而常安住無分別捨此說是名如來身密復次寂慧又如如來化

所化人作諸佛事而佛如來心無加行亦無發悟復無作意佛亦不作是念我能化彼所化人等然所化衆生可應度者若此世界若他世界乃至阿僧祇百千世界一切衆生爲成熟故作諸利益此說是名如來身密復次寂慧如來身放廣大光明具有無數百千種色其光普照十方一切殑伽沙等諸佛刹土廣爲成熟一切衆生而佛如來無所發悟亦無加行復無作意此等是名如來身密身業清淨寂慧當知今此皆是少略宣說如來身

密身業清淨若廣說者縱經一劫或過一劫而亦不能得其邊際金剛手菩薩大祕密主說是如來身密不思議法時會中有十千人發阿耨多羅三藐三菩提心八千菩薩獲得忍法爾時會中有諸天人以諸妙華散於佛上及供養金剛手菩薩大祕密主是時世尊舒右金色臂置金剛手菩薩大祕密主頂上作是讚言善哉善哉祕密主汝善宣說如來身密不思議法我悉知之汝所說法我今隨喜

如來語密不思議品第八之一

復次金剛手菩薩大祕密主告寂慧菩薩摩訶薩言復何名爲如來語密語業清淨所謂如來於晝夜中成證阿耨多羅三藐三菩提果於晝夜中入大涅槃然其中間如來未嘗宣說一字亦無詮表何以故以佛如來常在三摩呬多故如來亦無出息入息若尋若伺以無尋伺故所出語言離諸邪妄而佛世尊無尋無伺無所分別無廣分別無說無示復無詮表然諸衆生亦聞如來有所宣說而是

如來畢竟在定於一切種及一切時亦以文字而能詮表復無所表若有衆生因以文字生信重者而彼衆生自謂如來爲我說法然佛如來心常安住無分別捨復次寂慧如來亦非唇齒舌喉及其面門出諸音聲有所聞聽如來所出音聲從虛空出但以衆生謂佛如來所有音聲從口門出寂慧當知如來語言具有六十四種殊妙之相何等名爲六十四種一者流澤二者柔軟三者悅意四者可樂五者清淨六者離垢七者明亮八者甘美

九者樂聞十者無劣十一者圓具十二者調
順十三者無澀十四者無惡十五者善柔十
六者悅耳十七者適身十八者心生勇銳十
九者心喜二十者悅樂二十一者無熱惱二
十二者如教令二十三善了知二十四者
分明二十五者善愛二十六者令生歡喜二
十七者使他如教令二十八者令他善了知
二十九者如理三十者利益三十一者離重
復過失三十二者如獅子音聲三十三者如
龍音聲三十四者如雲雷吼聲三十五者如

龍王聲三十六者如緊那羅妙歌聲三十七
者如迦陵頻伽聲三十八者如梵王聲三十
九者如共命鳥聲四十者如帝釋美妙聲四
十一者如振鼓聲四十二者不高四十三者
不下四十四者隨入一切音聲四十五者無
缺減四十六者無破壞四十七者無染汙四
十八者無希取四十九者具足五十者莊嚴
五十一者顯示五十二者圓滿一切音聲五
十三者諸根適悅五十四者無譏毀五十五
者無輕轉五十六者無動搖五十七者隨入

一切衆會五十八者諸相具足復次寂慧五十九者如來所出語言普令十方一切世界一切衆生心意歡喜佛亦不作是念我能宣說諸法所謂契經應頌記蒱諷誦自說緣起本事本生方廣希法論議譬喻又復秘密先行法說本緣法說略四昔因法近說五多說廣說教示安立分位分別解釋開明如來所說如是等法於彼一切大衆會中若苾芻苾芻尼優婆塞優婆夷衆會若天龍夜叉乾闥婆阿脩羅迦樓羅緊那羅摩睺羅伽等諸衆會佛能

各各隨其根性精進分量如其所應爲作法施彼等衆會聞說法時皆謂所說從佛如來口門而出然所說法亦無互相語言重複而諸衆會各隨音聲曉了諸法寂慧此即是名如來語密復次寂慧六十者一切衆生其數無量一切衆生行亦無量如來所說衆生心行略有八萬四千種類但爲根性下劣衆生令其解入如來所說寂慧當知衆生心行無其分量世間所有貪行衆生瞋行衆生癡行衆生等分行衆生彼彼衆生心行差別若佛

如來於一劫中或過一劫乃至如來住世經百千劫隨幾許壽量極壽分限而亦不能說諸衆生心行邊際若佛但說衆生心行無邊際者而諸衆生不能解入返生癡迷是故如來以善方便於諸衆生無量行中略說數有八萬四千又復如來所說諸法隨諸衆生心行差別如其所應皆令開覺寂慧此即是名如來語密復次寂慧六十一者如來語秘密智隨入一切衆生心意然其語言不從如來口門中出但從虛空而出若有衆生謂佛如

來所有語言從口門出者彼勿起是見何以故或有衆生見佛語言從烏瑟膩沙相出或從頂出或髮際出或從肩出或從額出或眉間出或毫相中出或從眼出或從耳出或從鼻出或從頰出或口門出或從頸出或從臂出或從手出或從指出或兩脇出或臂前出或背後出或從臍出或陰藏出或從腿出或從膝出或從臍出或從踝出或從足出或從相好中出或從一切毛孔中出如是等衆生和解有異寂慧此即是名如來語密復次寂

慧六十二者如來所出語言隨諸衆生種種
信解隨諸衆生心意成熟普使隨應而得了
知然佛如來常住無分別捨譬如世間假法
所成諸音樂器隨彼所作而悉巧妙手不觸
近非假人力微風吹動出美妙聲其所出聲
皆是先業差別風所吹擊如來語言亦復如
是隨諸衆生一切音樂智風吹擊亦非如來
勤力所出如來隨順一切衆生先業差別衆
生境界如應所說寂慧譬如響聲隨有所表
其所出聲非內非外亦非中間如來語言亦

復如是隨其所出但爲表了衆生心意而如
來聲非內非外亦非中間又如大海之中有
如意珠寶其名圓滿一切意樂懸高幢上自
然出聲謂言此珠能滿一切衆生意樂而是
珠寶亦無分別如來亦復如是語言妙寶深
心清淨懸至大悲幢上隨諸衆生所有意樂
如來出妙語言悉令曉了然佛如來常住無
分別捨寂慧此即是名如來語密復次寂慧
六十三者諸佛如來所有音聲無其分量我
不見有世間一切天人魔梵沙門婆羅門等

能知如來音聲邊際及分量者何以故我念一時佛在王舍大城鷲峯山中諸菩薩衆而共圍繞宣說音聲輪清淨法門廣爲衆生顯明宣示於後一時以慈氏菩薩摩訶薩加持力故尊者大目乾連即作是念如來音聲淨輪分量幾何遠耶作是念已乃於本坐隱而不現以自神力即往須彌山頂聽佛如來音聲遠近復運神力徧往三千大千世界又過須彌山西復過四大洲界又過鐵圍山大鐵圍山乃至世界邊際還住鐵圍山頂審聽如

來音聲分量是聲平等無所增減爾時世尊知其事已即作是念大目乾連意欲度量我之音聲所有分量我於今時宜攝神力于是世尊攝神通已大目乾連承佛威神所加持故以自通力於此世界西之方分過九十九殑伽沙數佛刹土已往一世界名光明幢彼有如來號光明王現住說法教化衆生是時尊者大目乾連到彼土已審聽世尊釋迦牟尼如來音聲分量譬如十肘地方分中此聞彼人所說音聲大目乾連在彼世界聽佛音

聲亦復如是其聲平等無所增減彼光明王
如來所有身量高百由旬諸菩薩身高五十
由旬是時大目乾連以自神力於彼諸菩薩
衆所用鉢中循環而行彼諸菩薩見是相已
極生輕笑即白佛言世尊今云何有如沙門
相小蟲來此鉢中呪曰循行彼佛告言諸善男子
汝等不應生輕慢心所以者何今此鉢中行
者是彼世尊釋迦牟尼如來上首聲聞弟子
於大聲聞衆中神通第一爾時尊者大目乾
連前詣光明王如來所頭面禮足右繞七匝

住立佛前彼佛告言尊者大目乾連此諸菩
薩有所輕笑汝今宜應承彼世尊釋迦牟尼
如來應供正等正覺所加持故以自通力現
諸神變尊者大目乾連白彼佛言我今如佛
教勅踰跢而坐於此寶洲作變化事佛言今
正是時尊者大目乾連即時湧身空中高七
俱胝多羅樹量作變化事於其坐中化現百
千俱胝那庾多真珠瓔珞廣大莊嚴而彼瓔
珞各出百千俱胝光明一一光明門皆生蓮
華是諸蓮華臺中皆有世尊釋迦牟尼如來

形像安處其上彼如來像皆悉宣說妙音聲
輪清淨正法大目乾連白彼佛言世尊我今
跏趺而坐於此四大洲一切世界亦能作諸
神通變化乃至此小千世界中千世界三千
大千世界悉能作諸神通變化彼佛告言今
正是時爾時尊者大目乾連^四如其所應現神
變已收攝神力還住佛前時彼諸菩薩衆咸
生希有之心前白佛言世尊今此尊者大目
乾連其何所爲到此世界彼佛告言諸善男
子此大目乾連爲欲度量彼世尊釋迦牟尼

如來聲輪分量故來至此時彼世尊光明王
如來告尊者大目乾連言汝自今而往勿復
再起是心欲度如來聲輪分量謂以如來清
淨音聲無其分量不可度量故假使以汝威
勢神力極西方分經于殑伽沙數等劫畢竟
不能得彼世尊釋迦牟尼如來音聲妙輪分
量邊際以佛如來音聲妙輪無分量故

佛說如來不思議秘密大乘經卷第七

佛說如來不思議秘密大乘經卷第八

宋雷天藏翻散失天竺禪光梵大師惟淨等奉譯

如來語密不思議品第八之二

爾時尊者大目乾連禮彼佛足作是白言世尊我今悔罪我今悔罪我於釋迦牟尼如來無量音聲清淨妙輪輒欲度量我斯深罪又復世尊我所來此幾何遠邪彼佛答言大目乾連汝過九十九苑伽沙數等世界已到此刹中大目乾連白言我此所來而極遙遠身力疲懈不能還復本刹土中彼佛告言大目

乾連於汝意云何汝勿起是見謂汝以自神力能到此刹何以故但以釋迦牟尼如來加持力故汝能至此汝今欲還本刹土者應向彼佛虔伸敬禮大目乾連汝今當知若以汝自通力欲還本土縱經一劫亦不能往或復未至彼土中間而入涅槃大目乾連汝今至此東西南北謂何方分邪大目乾連言我心迷昧不知今時在何方分彼佛告言以是緣故汝今當知若以汝自通力縱經一劫畢竟不能還彼刹土大目乾連言彼世尊釋迦牟

釋四

十

尼如來今在何方彼佛告言大目乾連彼世尊釋迦牟尼如來現處東方是時尊者大目乾連即向東方五輪著地至誠敬禮世尊釋迦牟尼如來說伽陀曰

二足聖尊攝受我 人天供養大威德

無邊智具無邊音 我今欲還於本土

寂慧今此王舍城鷲峯山中一切衆會以釋迦牟尼如來威神力故悉聞尊者大目乾連號哭之聲爾時尊者阿難前白佛言世尊今此所聞號哭之聲爲何相邪佛言阿難此是

目乾連苾芻往西方分去此佛刹過九十九
殑伽沙數等刹土到光明幢世界世尊光明
王如來刹中現在於彼將欲還復此娑婆界
故有如是號哭之聲阿難白佛言世尊尊者
大目乾連以何緣故到彼世界佛言阿難大
目乾連將還此土其事因緣汝自當知爾時
鷲峯山中一切衆會合掌恭敬咸白佛言世
尊我等樂見彼光明幢世界瞻覩世尊光明
王如來及欲見彼諸菩薩衆并尊者大目乾
連爾時世尊受勸請已即於眉間放大光明

名一切處通達其光普照九十九苑伽沙數等佛刹相續不斷於彼光明幢世界廣大照耀是時此會一切大衆悉得見彼光明幢世界瞻覩世尊光明王如來及見彼諸菩薩及見大目乾連五輪著地向佛作禮發聲號哭爾時世尊釋迦牟尼如來告尊者大目乾連言汝今宜應隨光所照來復此土爾時尊者大目乾連承佛世尊大光明輪於思念間即時還此娑婆世界住立佛前向佛世尊頭面禮足右繞七匝重復諦誡五輪著地作是白

言世尊我今悔罪我今悔罪我於世尊無量音聲清淨妙輪輒欲度量我斯深罪故我遠適他界聽佛音聲既至彼已所聞佛聲與此無異佛言目乾連如汝所說如來音聲無有分量猶如虛空無其分量復無邊際不可度量若其虛空可度量者如來音聲亦可度量何以故虛空廣大故如來音聲亦復廣大當王舍城中往昔說是大目乾連去來事時有十千人發阿耨多羅三藐三菩提心金剛手菩薩告寂慧菩薩言寂慧當知此即是爲如

來語密復次寂慧六十四者所有一切衆生
心心所轉而一衆生心多於彼寂慧菩薩言
大祕密主若一衆生心心所轉假使徧滿三
千大千世界一切衆生皆居緣覺之地縱經
一劫而亦不能思惟稱量校計伺察何況一
切衆生金剛手菩薩言寂慧我今告語於汝
使汝開覺所有一切衆生心心所轉即彼如
來音聲妙輪出種種聲宣說法時令諸衆生
咸生歡喜然佛世尊常住無分別捨爾時金
剛手菩薩說伽陀曰

三千世界諸衆生 一切皆證緣覺果
縱經一劫盡籌量 一衆生心不能曉
世間所有一衆生 唯佛能知彼心意
隨衆生心雖了知 佛無發悟無分別
乃至一切衆生類 總聚思惟有其三
世尊隨順如所應 淨妙聲輪宣正法
法中自在演妙音 一切聞者咸欣悅
隨所宣說名相生 以諸法名善開示
所有一切衆生類 色相名字及思惟
一毛孔中放光明 如來隨應善分別

所有世尊大慈化 一切毛孔放光明
光明超勝人中尊 音聲輪中宣妙法
假使佛經一劫中 以諸譬喻善宣說
然佛語及音聲輪 畢竟不得其邊際
一切煩惱無色相 所說語言亦無相
由其語言無相因^{第十} 煩惱無相自息滅^{十三}
是故語言諸色相 於一切處不可得
以其畢竟無得故 煩惱色相亦如是
由其語言不實故 所說非內亦非外
煩惱不實亦復然 染性非內亦非外

以無少法可得故 佛所說言徧十方
煩惱無得亦復然 是故有所言宣說
一切衆生語言道 上中下品有其三
語言非身亦非心 此中無住非無住
譬如假法成樂具 內成吹擊衆音聲
所出音聲無所從 是中亦無造作者
由其宿昔善淨住 一切衆生意風吹
故佛世尊出妙音 然佛亦無分別想
譬如應聲而對響 音響非內亦非外
人中尊出妙語言 非內非外亦如是

又如珠寶無分別 令諸衆生喜樂生
佛無分別亦復然 一切音聲皆圓滿
復次寂慧當知如來語秘密智隨入一切衆
生宣說諸法所有三千大千世界一切衆生
種種生處如來隨入一切衆生語言音聲以
種種名字安立四諦寂慧如其所說苦苦集
苦滅向苦滅道諦
所有地居諸天作如是說
珂呌珂縛牟黎珂縛那曳珂縛度魯
即是此說苦苦集苦滅向苦滅道諦

彼空居諸天作如是說
多哩帝阿縛哩帝阿縛哩多尾誡彌阿縛哩
多你薩多囉尼

即是此說苦苦集苦滅向苦滅道諦
彼四天王天作如是說

伊尼 彌尼^{易曰} 捺紕 捺羅紕^{十四}

即是此說苦苦集苦滅向苦滅道諦

彼忉利天作如是說

阿縛哩多你 阿西縛帝 义野縛帝 义
野耨誡彌

即是此說苦苦集苦滅向苦滅道諦

彼夜摩天作如是說

輸黎 輸羅西縛你 輸羅义曳 輸羅义

野 婆縛你

即是此說苦苦集苦滅向苦滅道諦

彼兜率天作如是說

烏珂黎 目珂黎 尾縛努 散左哩

即是此說苦苦集苦滅向苦滅道諦

彼化樂天作如是說

多囉多 散多囉多 多囉义野多囉目珂

即是此說苦苦集苦滅向苦滅道諦

彼他化自在天作如是說

訶訶呼 訶訶尾那曳 訶訶尾誡彌 訶

囉你誡彌

即是此說苦苦集苦滅向苦滅道諦

張四

十五

彼魔衆天作如是說

盎誡覽 盎誡囉毋藍盎誡羅播都桑 盎

誡囉你悉帝囉赦

即是此說苦苦集苦滅向苦滅道諦

彼梵衆天作如是說

林毗 林毗葛哩 林毗尾舍那 林婆嚩
哩多那

即是此說苦苦集苦滅向苦滅道諦

彼梵輔天作如是說

彌訶哩僧訶哩 娑羅尼 娑羅娑羅尼

即是此說苦苦集苦滅向苦滅道諦

彼梵會天作如是說

沒囉拏 沒囉拏散提 沒囉拏沒嚕訶拏

沒嚕訶努波舍摩

即是此說苦苦集苦滅向苦滅道諦

彼大梵天作如是說

多囉訥哩 多囉左俱哩 多薩布哩俱囉

嚩訶你

即是此說苦苦集苦滅向苦滅道諦

彼少光天作如是說

𠵽𠵽 係𠵽 呼護 訶囉奴散提

即是此說苦苦集苦滅向苦滅道諦

此下合有無量光天光音
天說四諦文梵本元明

彼少淨天作如是說

烏𠵽多 你嚩𠵽多 你誡叱多 你誡摩

你

即是此說苦苦集苦滅向苦滅道諦

彼無量淨天作如是說

西縛你 散西縛你 刹野西縛你 阿西

縛你

即是此說苦苦集苦滅向苦滅道諦

聯四

十六

彼徧淨天作如是說

波哩砌你 波哩砌努捺曳 縛那俱黎

菩陀尾林提

即是此說苦苦集苦滅向苦滅道諦

彼廣果天作如是說

阿訖哩多 阿迦囉尼 阿囉拏尾誡帝

迦囉拏你瑟恥

即是此說苦苦集苦滅向苦滅道諦

於第四禪九天之內合有無雲福生無想三天梵本元闕

彼無煩天作如是說

阿耨誡摩那 阿那 誡摩那 阿耨散提

阿耨散提誡摩那

即是此說苦苦集苦滅向苦滅道諦

彼無熱天作如是說

林提 林馱縛帝 林馱波哩 林提 林

馱誡摩你

即是此說苦苦集苦滅向苦滅道諦

彼善見天作如是說

捨摩摩 捨摩彌 摩那耨誡摩野 摩那

聯四

十七

耨誡摩

即是此說苦苦集苦滅向苦滅道諦

彼善現天作如是說

目訖底 目訖多縛底 目訖多女黎 目

訖多摩多耨散提

即是此說苦苦集苦滅向苦滅道諦

彼色究竟天作如是說

你瑟恥 阿顛多 你瑟恥 訶羯臘波你

阿鉢囉底散提

寂慧當知如是等諸天各各以其隨天語言

安立四諦并餘龍眾夜叉眾乾闥婆眾阿脩

羅眾迦樓羅眾緊那羅眾摩睺羅伽眾及堅

身夜叉眾持鬘夜叉眾等各以彼彼種類語

言安立四諦寂慧此闍浮提諸國土中少略

而言滿千國土乃至十六大國一切人眾隨

彼方處種種語言種種音聲種種心想如來隨入一切語言音聲施設名字所立四諦悉能解了所謂尸迦國人乃至世界邊際所住國人如是等閻浮提中滿千國土一切人衆種種語言種種音聲種種心想施設名字各說四諦如來隨入一切語言音聲悉能解了亦非如來心識語言有所流散寂慧此小千世界中有九十四俱胝那庾多百千種類語言名字各說四諦總攝一切所說言音皆悉同歸一四諦義即是勝義諦即是無生諦即

是如實諦即是不動諦寂慧此即是爲如來語密復次寂慧如來語言而能斷除一切衆生疑惑不決所謂十方無量阿僧祇世界普攝一切衆生以佛智所知而衆生界多於地界寂慧正使一切衆生各各獲得智慧具足與尊者舍利子等無有異以是緣故一切衆生各各皆以如舍利子所等智慧以疑惑事於一劫中或過一劫共相問難思惟稱量伺察而一衆生復勝於一是諸衆生以所疑事互思惟已一時俱來請問世尊時佛世尊於

彈指間應問皆答是故世尊隨了一衆生所起心念普攝一切衆生咸以一音悉爲宣說斷諸疑網令諸衆生得斷疑已咸生歡喜寂慧此即是名如來語言普能斷除一切衆生疑惑不決然非如來心及語言有所動轉一切皆是如實所說寂慧當知如是等說皆是如來祕密之語希有之語此即名爲語業清淨金剛手菩薩大祕密主說是如來語祕密時會中有三萬二千衆生發阿耨多羅三藐三菩提心十方一切諸佛刹中所有賢劫諸

菩薩衆各各在彼佛世尊所修梵行者是諸菩薩爲供養佛及金剛手菩薩大祕密主故垂諸寶蓋散以妙華是華盤旋來此會中散於佛上及金剛手菩薩之身乃至徧散一切衆會其諸寶蓋旋復空中住佛頂上而諸寶蓋出妙音聲作如是言我等賢劫諸菩薩衆遣此奉用供養世尊及金剛手菩薩大祕密主惟願攝受隨佛如來向所宣說未曾有法一切衆會皆悉聞已各復增勝發希有心即向金剛手菩薩大祕密主虔伸頂禮極生最

頌曰

十九

上信重之想咸作是言大秘密主我等今時
快得善利獲聞金剛手菩薩宣說如來語密
不思議法門若諸衆生聞此所說信解無疑
是諸衆生所得人身切不唐棄即爲如來所
應化度彼得不退轉於阿耨多羅三藐三菩
提爾時世尊普告一切衆會讚言善哉善哉
乃謂寂慧菩薩摩訶薩言寂慧當知所有如
來真實之理如來正法如來所行一切世間
實難信解而此正法金剛手菩薩大秘密主
能善宣說若諸衆生不久當得具是法者即

能於此所說正法隨其聞已而生信解生信
解已即能受持不驚不怖隨人義趣了真實
性是人當得受阿耨多羅三藐三菩提記當
佛如來稱讚金剛手菩薩大秘密主善說法
時十方無量阿僧祇世界六種震動有大光
明普徧照耀空中自然雨衆妙華鼓吹歌音
種種振擊有阿僧祇衆生發菩提心阿僧祇
菩薩得隨順忍阿僧祇菩薩得無生法忍阿
僧祇菩薩善根成熟故得一生補處時彼大
衆會中佛世尊前六萬八千由旬之內地界

忽然而悉破裂大水騰涌如惡义聚高起空中散于梵界時此一切三千大千世界香華充滿是時佛告寂慧菩薩摩訶薩言寂慧汝今見此水騰涌不寂慧菩薩白佛言我見世尊今此所有是何先相佛言寂慧今此大地

張四

二十

忽然破裂水騰涌者非所思念其有受持此

正法者彼等衆生亦復如是於正法中解如

實理豁然開悟而彼所有一切無明見等諸

罪業門悉能開豁無盡法光勝慧辯才所說

理教皆能出現乃至金剛手大士善爲衆生

宣說正法令諸衆生心生歡喜寂慧當知今此正法悉是如來不共勝相

佛說如來不思議祕密大乘經卷第八

首釋

懣

切懣

母總切

懣

不切

澄

澄

應

喘

乳充切

腓

腸也

蹠

戶切

足

也

骨

紕

蒲切

盜

於浪

被

八切

版

舍

舍

舍

舍

舍

舍

舍

舍

永樂北藏

秘密大乘經

第七四冊

佛說如來不思議秘密大乘經卷第九

第十卷

宋西天三藏朝教大師詔光祿卿光祿寺大僧正等奉 詔譯

如來心密不思議品第九

復次金剛手菩薩大秘密主告寂慧菩薩摩訶薩言復何名爲如來心密心業清淨寂慧譬如無色界天衆生生已同以一識而爲所緣住八萬四千劫彼識亦非隨餘識轉盡壽邊際於彼滅已隨業成熟隨處受生如來亦復如是以無住識於晝夜中菩薩成證阿耨多羅三藐三菩提果於晝夜中如來入無餘

依大涅槃界於其中間而佛如來無心可轉無心伺察無心不伺察無心知解無心思念無心限量無心積集無心離散無心動亂無心可高無心可下無心防衛無心趣向無心勇悍無心觀矚無心惱害無心流蕩無心寂定無心喜悅無心逼惱無心安處無心徧行無心分別無心差別無心徧計無心在止無心在觀無心隨流於識無自心建立無他心觀察無心依止於眼無心依止耳鼻舌身意無心依止色無心依止聲香味觸法無心住

所緣處無心住意處無心住內處無心住外
處無心依法行無心依智行無心觀察過去
未來現在等法寂慧此是如來心業清淨如
來心者無少法可取於諸法中但以無著無
礙知見而轉如來自心既清淨已於諸衆生
不清淨心亦復不見於彼有見及彼無見無
所分別雖有所見而無戲論見無所見是名
爲見彼如來智不與肉眼所見相應不與天
眼所見相應不與慧眼所見相應不與法眼
所見相應不與佛眼所見相應不與天耳所

聞相應不與他心智所知相應不與宿住隨
念智所思相應不與神通智所作相應不與
有漏智相應於彼一切法所可相應者謂一
切法無礙之智然佛如來而無加行亦無發
悟復無作意善住如來智光明中觀察一切
衆生心行了知一切法若染若淨所有如來
十力四無所畏十八不共佛法以如來智悉
不捨離然佛如來於是法中而無加行亦無
發悟復無作意如來離心意識常住三摩地
中亦不捨離一切佛事於一切佛法無礙智

中而無所著寂慧譬如如來化如來像彼所
化像無心意識無身行語行意行所轉以佛
加持力故而能施作一切佛事如來亦復如
是與所化像等無異故見一切法皆悉如化
故無分別於身語心無所發起而能施作一
切佛事然無加行亦無發悟復無作意何以
故如來了知一切法相自性如化是故如來
自覺悟已爲悲愍故方便開覺一切衆生寂
慧當知彼如來智不住有爲不住無爲不住
蘊處界不住於內不住於外不住善法不住

不善法不住世間不住出世間不住有罪不
住無罪不住有漏不住無漏不住過去不住
未來不住現在不住擇滅不住非擇滅如是
乃至不住於識如來於一切衆生心行意樂
之中但以無著無礙知見而轉然無加行亦
無發悟復無作意寂慧此即是爲如來心密
不思議法是故當知如來常在三摩呬多亦
不捨離一切衆生心意表了

稱讚金剛手菩薩大祕密主功德品第十
爾時尊者舍利子前白佛言世尊所有十方

世界賢劫諸菩薩衆現於諸佛世尊所修梵行者彼金剛手菩薩大祕密主於是諸菩薩衆中常隨何等菩薩之後佛言舍利子止此是不思議行世間天人於菩薩行不信心者返招迷亂若有衆生爲善知識所攝受者即於是中聞已淨信不生驚怖舍利子白佛言我於如來極生淨信惟願世尊爲我宣說佛言舍利子金剛手菩薩大祕密主常隨我後汝能見不舍利子白佛言我以世尊威神力故今方得見亦非宿昔自能知見佛言舍

利子如是如是汝今當知彼賢劫中諸菩薩衆而金剛手菩薩大祕密主常隨其後於一切處現金剛手菩薩形相以宿願力及神通力故能如是舍利子乃至三千大千世界所有一切諸衆生類而是金剛手菩薩大祕密主現本形相亦常隨後然於所現加持智力亦未圓滿又舍利子彼金剛手菩薩常隨慈氏菩薩之後汝能見不舍利子白佛言世尊我今初見非昔所見佛言舍利子彼常隨後汝自不見他方世界若諸菩薩若梵王帝釋

護世天等常來見彼金剛手菩薩執金剛杵
隨慈氏菩薩之後又舍利子或於一時彼賢
劫中諸菩薩衆爲慈氏菩薩現俱胝那庖多
百千種諸變化事而是金剛手菩薩大祕密
主亦隨彼諸菩薩之後助加持故又舍利子
乃至如來作變化事時彼金剛手菩薩大祕
密主亦隨佛後以願力故助揚聖化舍利子
是故當知此如是等皆是金剛手菩薩大祕
密主不思議神通加持智力悉具足故
菩薩苦行超勝以受食緣成熟衆生品第十

一
爾時寂慧菩薩摩訶薩白金剛手菩薩大祕
密主言祕密主汝可樂說菩薩苦行詣菩提
場降伏魔軍轉正法輪莊嚴佛土等事我今
欲聞願爲開發此如是等希有之事汝現證
知金剛手菩薩大祕密主告寂慧菩薩摩訶
薩言寂慧當知菩薩苦行等事具有無量功
德莊嚴假使住世一劫盡其壽量而亦不能
廣分明說我今爲汝略說寂慧菩薩苦行非
一種相菩薩但爲降伏諸魔及外道故乃至

禁戒諸相或五熱炙身及餘一切威儀事等
悉爲降伏諸魔外道令其最勝最上出過於
彼所有禁戒修行諸難作事彼諸外道不能
作者菩薩一切悉能現作使其超勝寂慧或
有衆生見其菩薩一足翹立或見菩薩舉其
雙臂或見菩薩向日諦瞻或見菩薩五熱炙
身或見菩薩肘步而行或見菩薩蛇立不動
或見菩薩上起雙足或見菩薩頭頂向下或
見菩薩卧於棘上或見菩薩卧牛轡上或見
石上踰趺而坐或卧牆上或卧果蓏之上或

卧椽上或卧土上或著蓑衣或著草衣或著
鹿皮衣或以衣覆身或復裸形或隨日而轉
或著塚間衣或著樹皮衣或食莠稗或食於
根或食於葉或食於華或食於果或食於莖
或食於枝或食藕根或六日不食或食穢豆
或食穢稻或食蕎麥或食菰豆或食青豆或
食於稻或食脂麻或食粃米或但飲水而爲
貧養或食酥滴或食蜜滴或食乳滴或常不
食或魔衆中住或單已坐或一向立寂慧此
如是等諸威儀事及餘無量難行苦行菩薩

爲降伏外道故悉能現同彼苦惡相菩薩如是於六年中未嘗壞彼一威儀相示現滿足禁戒修行精進治鍊菩薩所作最勝最上堅固不退如是六年現作諸相亦無餘信解者更互得見所修禁戒所有別外修禁戒者見彼菩薩如是所修皆悉降伏寂慧菩薩於一切處所作所現悉住捨心離諸過失復次寂慧菩薩如是修苦行時有六十四那庾多天人於三乘中善根成熟寂慧當知有諸天具大信解作善業者彼見菩薩在寶樓閣中

安詳而坐入阿塞頗那迦定受定中樂菩薩經六年已從定而起諸天人中有法欲者志求法者爲彼成熟如應說法彼諸天人見是菩薩聞所說法悉無別異所作事業寂慧當知此名菩薩大智積集大悲方便解入不思第五議甚深理法降伏一切邪魔外道入苦行智六清淨法門又復寂慧菩薩於六年中成辦如是所應示現極難行事過六年已往泥連河隨順世間澡沐作淨既沐身已住於岸側是時有一聚落中女其名善生聲以百牛成乳

糜粥淨心捧持詣菩薩所而以上之是時復有六十俱胝天龍夜叉乾闥婆阿修羅迦樓羅緊那羅摩睺羅伽等衆各各辦造上妙飲食持奉菩薩咸作是言惟願菩薩大士受我飲食惟願大士受我飲食寂慧是時菩薩最先受彼善生女人所施乳糜其彼六十俱胝天龍夜叉乾闥婆等所施飲食亦悉受之互不相見各各皆謂菩薩受我所施飲食菩薩受已當證阿耨多羅三藐三菩提果菩薩普爲所施諸衆成熟阿耨多羅三藐三菩提善

根法故寂慧此即是爲菩薩苦行超勝以受食緣成熟衆生方便勝行

佛說如來不思議秘密大乘經卷第九

佛說如來不思議秘密大乘經卷第十

宋西天三藏朝散大夫試光祿卿光祿大師惟淨等奉詔譯

菩薩詣菩提場品第十二

爾時菩薩既澡沐已復受飲食身力充實即時往詣大菩提場到已告語善地天子并諸

地居天子衆等說伽陀曰

任持大地不動搖 菩薩離愛斷害者
今此樹下證菩提 汝等莊嚴於此地
善哉地居天歡喜 普徧清淨三千界
廣散最上妙香華 徧灑香水皆清淨
所有堅手及持鬘 常憍天等至空居
歡喜瞻仰菩薩尊 散衆妙華伸供養
四護世天并衆會 乃至一切四大洲
徧三千界金網嚴 覆以供養人中勝
三千界中帝釋主 供養菩薩大威德

如廣勝殿天妙嚴 三千界嚴亦如是
夜摩天衆咸欣悅 覆瑠璃網以嚴治
廣三千界寶珍奇 爲人中仙伸供養
兜率天衆咸欣悅 布眞珠網作嚴飾
珠璣其猶半月形 復散眞珠廣如雨
化樂天王并天衆 閻浮檀金爲寶網
金網寶鐸出妙聲 徧三千界聞皆喜
諸有天上淨妙寶 無邊照耀淨光明
他化自在天所嚴 供養一切義無畏
所有龍及乾闥婆 摩睺羅伽修羅等

各於自宮廣莊嚴 及以妙嚴於欲界

復次寂慧是時大梵天王見是菩薩詣菩提
場殊勝相已即告一切梵衆天子言汝諸仁
者知是事不今此菩薩摩訶薩於大誓願廣
大甲冑而不棄捨復於堅固甲冑無懈退意
能善成辦諸菩薩行修諸波羅蜜多善住彼
岸於一切菩薩地中善得自在一切菩薩意
樂悉能清淨復善通達一切衆生種種根性
深入一切如來祕密分位諸魔業道已悉超
越於一切善根得不壞信諸佛威神共所建

立普示一切衆生正解脫道爲大導師摧破
一切魔外境界三千大千界中一勇猛尊積
集法藥爲大醫王覆以解脫繒帛爲大法王
放大慧光建大法幢世間八法皆不能染真
實清淨大蓮華生於一切法總持無忘大海
出生離諸增損不動不搖如須彌山妙善無
垢妙善清淨自淨妙慧大摩尼寶之所出生
一切法中而得無礙大梵所生心業調暢具
如是等功德菩薩今詣大菩提場欲證阿耨
多羅三藐三菩提果降諸魔軍爲令圓滿如

來十力四無所畏十八不共佛法普爲一切
轉大法輪作獅子吼於諸衆生廣行法施令
諸衆生法眼清淨以其正法攝伏一切邪異
外論爲欲圓滿往昔誓願爲欲親近諸佛世
尊於諸法中得富饒自在汝諸仁者當發勤
勇之心於菩薩所親近供養時大梵天王以
清淨心復告一切梵衆天子言諸仁者今此
菩薩於多百千劫中精修禁戒是即最上清
淨大士今詣大菩提場將成正覺汝等宜應
於一切三千大千世界廣作殊妙莊嚴等事

釋五

九

爾時大梵天王說伽陀曰

清淨大士戒決定	廣爲人天作利益
人中天俱天中天	詣菩提場大寂默
降伏一切魔軍衆	一切智智真覺了
一切佛法悉圓明	轉正法輪行利樂
大智一振獅子吼	一切衆生聞皆喜
令開法眼清淨因	人中尊詣菩提樹
邪異外論皆攝伏	往昔誓願悉周圓
正覺事業現今成	人中尊詣菩提樹
善哉和合皆專志	普徧地方作莊嚴

三千大千世界中 普見莊嚴於欲界
如其欲界所嚴事 色界莊嚴亦復然
善哉梵衆清淨心 廣作莊嚴三千界
欲界所現供養事 上界亦現諸供養
徧散最上妙香華 寶嚴衆樂皆吹擊
三千世界諸天衆 見聞欣躍伸敬禮
乃至色究竟天中 各各自宮廣嚴飾
上中復上勝中勝 普現莊嚴衆天宮
天女六十百俱胝 建菩提場金剛座
一切徧灑於香水 復散種種微妙華

徧列衆寶此地方 大菩提場廣嚴好
語不能讚諸功德 此有無量種莊嚴
大士決定戒精修 世間善利大威德
將詣菩提樹王下 降伏魔軍諸惡慧
一切和合聖者行 廣作三千界嚴飾
天人中尊法自在 供養彼得無邊福
梵衆聞彼人中尊 殊妙莊嚴三千界
妙華寶幢作嚴事 變化世界實所成
俱胝妙蓋化空中 如日光極嚴麗
娑羅樹華衆最上 化現悉如歡喜園

大仙循道歡喜行 變化莊嚴七車量
寶成金蓮華密覆 七重界道而圍繞
帝釋天主作莊嚴 人天希有昔未見
如忉利天廣勝殿 四大洲嚴亦復然
夜摩梵率化樂天 他化嚴同色究竟
勇發勤力皆迅疾 共嚴最上菩提場
如欲界中勝莊嚴 天龍等衆亦如是
於剎那間皆化現 菩薩於中所行詣
四方天女數俱胝 詣菩提樹衆圍繞
塗香末香衆妙華 一切處灑妙香水

大菩提樹本妙嚴 如忉利天園生樹
所有一切莊嚴事 語不能讚諸功德
那庾多數彼諸天 彼彼莊嚴皆殊妙
復次寂慧菩薩既至菩提場已始下雙足千
輻輪相按彼地時即有廣大光明出現是光
普照一切地獄第五傍生餓鬼趣中諸衆生類蒙
光照燭所受諸苦暫得停息迦黎迦龍王宮
中大光普照爾時迦黎迦龍王見是菩薩光
明照已心生歡喜踊躍慶快即時爲彼自宮
眷屬及諸龍衆說伽陀曰

如金色光極晃曜 大明照我龍王宮
我蒙光照適其身 亦復心生大歡喜
如我於彼先佛所 昔曾見此瑞光明
而今所覩定無疑 佛大無畏當出世
汝等各持妙香華 塗香末香華鬘等
真金及彼摩尼珠 以爲瓔珞并上服
復持種種妙樂具 珠寶所嚴衆幡蓋
及寶所成妙高幢 爲人天師伸供養
所有龍王妙宮殿 廣大莊嚴悉清淨
汝等應生歡喜心 皆同親詣於佛所

爾時迦黎迦龍王與自宮人眷屬并諸龍衆
各持種種上妙香華衣服幢蓋及衆樂具鼓
吹歌音上踊空中香水如雲徧灑一切復雨
龍華龍真珠等如是廣以龍王威神龍王通
力現諸化事詣菩薩所到已即時與諸眷屬
禮菩薩足鼓妙音樂虔伸供養作供養已是
時龍王右繞而住說妙伽陀伸讚歎曰
人中尊放大光明 普照一切佛刹土
刹那惡趣苦皆停 我等龍宮俱照耀
龍衆蒙光照燭已 咸生歡喜作是言

菩薩成佛定無疑
金色光明乃如是
有那庾多龍女衆
恭敬捧持妙香華
及勝衣服妙幡幢
詣菩薩所伸供養
今此地方華蓋等
一切殊妙廣莊嚴
又復藥草諸樹林
低垂悉向菩提樹
江河停流而寂靜
風止搖擊悉安然
菩薩今日證菩提
世間最勝降魔者
梵王帝釋諸光明
日月光等悉映蔽
蒙光照者得清涼
佛出世故咸歡喜
復有諸妙吉祥瓶
右旋宛轉在空中

仙衆龍衆等居空
右旋其狀亦如是
世間若天若人等
各各至誠伸供養
菩薩今日證菩提
爲求慧者開正道
我等今日於佛所
增益威光得善利
我昔供養拘留孫
及迦諾迦大聖主
迦葉最上人中勝
乃至今供釋迦仙
此求菩提大神通
最勝希有昔未見
具德最上人中尊
出大梵音獅子吼
堅求菩提決定心
是心超勝無比等
而彼日月可墮落
須彌山王可破壞

今日不圓十力尊 世間無復有是處

復次寂慧時迦黎迦龍王上首之妃名曰金
光與諸龍女恭敬圍繞持以種種殊妙寶蓋
種種妙衣及天華鬘種種巧嚴真珠瓔珞種
種上妙摩尼珠寶及彼種種衆妙香瓶奏妙
歌音詣菩薩所到已禮敬散諸寶華而伸供
養住菩薩前說伽陀曰

頌五

十三

心無動亂無恐懼 無貪無瞋亦無癡
能調難調無染尊 能離諸惡無所著
我今頂禮淨解脫 大仙拔除諸疑箭

以大智光破無明 能度世間諸苦惱
世間無依無救者 菩薩善爲作依救
光明普照三界中 天人歡喜心清淨
空中徧雨衆妙華 及散妙衣廣嚴飾
如是勝相我所知 今日大仙成正覺
勝者勇詣菩提樹 降伏諸魔無染尊
煩惱黑暗網蠲除 證大菩提心寂靜
汝經多俱胝劫中 於先佛所求菩提
難行能行爲世間 今時圓滿勝意樂
復次寂慧爾時菩薩將成正覺有諸賢聖以

威神力而爲警發即時有一刈草之人名曰
吉祥自然住立菩薩之右持以淨草是草柔
輒如孔雀項復如迦左隣那衣色香具足一
一右旋時刈草人即持其草詣菩薩前奉上
菩薩深發最勝阿耨多羅三藐三菩提心復
次寂慧彼時吉祥刈草人者以宿願深固昔
發願言願我悉於賢劫之中諸菩薩衆成正
覺所大菩提場皆布淨草何以故寂慧我念
過去於此賢劫之前九十一劫中有佛出世
號毗婆尸如來應供正等正覺明行足善逝

世間解無上士調御丈夫天人師佛世尊彼
佛法中圓滿一千大菩薩衆修持梵行時彼
世尊爲賢劫中諸大菩薩授阿耨多羅三藐
三菩提記是時有一長者名曰具慧在大會
中聞彼世尊授諸菩薩菩提記已即發阿耨
多羅三藐三菩提心時彼長者發是願言願
我於此賢劫諸佛如來菩提場中悉布勝妙
獅子之座或施淨草寂慧當知無復疑念彼
時具慧長者豈異人乎即是釋迦菩薩成正
覺時奉淨草者吉祥刈草之人以是緣故汝

今應知彼吉祥刈草之人隨宿願力於諸佛
所或施淨草或布妙好獅子之座隨諸衆生
信解智力善根成熟其事如是復次寂慧是
時菩薩既至菩提樹已彼菩提樹神及十千
天女皆悉捧持諸上妙華及塗香等詣菩薩
前各以所持諸妙香華用散供養各各頭面
禮菩薩足異口同音說伽陀曰

歸命威德大無畏 善寂善調破諸惡
離過勇猛大威光 清淨導師無染者
能救無依諸苦惱 唯一聖尊施諸樂

世間煩惱病能除 爲大醫王普救療
歸命清淨大名稱 天歡喜散華如雨
決定令速證菩提 起大慈心攝一切
往詣樹王登勝座 摧破一切諸魔闇
覺悟寂靜證菩提 亦如先佛所證悟
俱五 俱胝劫修清淨行 難作能作利世間
大仙意樂今已圓 安坐樹王成正覺
復次寂慧是時菩薩持以淨草詣菩提場到
已即於金剛座上自布其草然後乃向菩提
樹王恭敬頂禮右繞七匝菩薩布草之後是

時即有八萬四千天子持以八萬四千妙好莊嚴獅子之座奉上菩薩其座高廣嚴好殊麗衆寶莊飾覆以寶網及真珠網復垂珠璣而爲交絡妙巧施設無數百千上妙衣服菩薩爾時即現其身各各安處八萬四千獅子座上彼諸天子互不相見皆謂菩薩在我所施獅子座中菩薩坐已成證阿耨多羅三藐三菩提果是諸天子咸生歡喜清淨之心皆悉不退轉於阿耨多羅三藐三菩提佛說如來不思議祕密大乘經卷第十

音釋

菰 魯果切 草實也 菰 云九切 根芳也 稗 旁卦切 稗也 蕎 都堯切 麥名
 菰 盧谷切 豆名 聲 居侯切 牛羊乳也

永樂北藏

秘密大乘經

第七四冊

佛說如來不思議祕密大乘經第十一

十二同卷

宋西天三藏朝散大夫試光祿卿傳梵大師法護等奉詔譯

降魔品第十三

復次寂慧菩薩安處大菩提場師子座已即放眉間白毫相光普徧照耀是光名曰警照

映六

諸魔時此三千大千世界有百俱胝魔衆蒙光照燭各各於自所止宮中身毛悚豎復於自宮心生逼惱其光映蔽魔宮暗冥時彼諸魔乃作是念何因何緣我等宮殿皆悉暗冥豈非釋迦菩薩坐菩提場成證阿耨多羅三

藐三菩提果耶彼諸魔衆即時觀見菩薩已坐大菩提場是時諸魔即各隱自所止宮中彼一一魔各有無量無數百千俱胝那庾多夜叉侍衛種種色相種種狀貌種種形體奔馳往復周章惶怖有種種頭面種種器仗種種旌幢周帀圍繞發大惡聲哮呼號叫恃魔威力起魔業通諸魔首領普徧縱廣二萬由旬魔衆眷屬亦復廣多八萬四千由旬皆以菩薩攝化力故咸悉來至菩提樹下寂慧當知彼諸衆到已即時運魔業力化現種種醜

惡容相發起多種不可意聲佯戾兇殘哮吼
震擊意欲攝伏毀害菩薩是時會中有未離
貪諸衆生類聞惡聲已生大驚怖即趣命終
或未終間受多苦惱以菩薩威神力故而彼
惡聲久不能息菩薩乃起大悲之心愍其逼
惱即爲息滅諸有惡聲不令燒害一切衆生
寂慧當如此是菩薩善巧方便最勝境界爾
時菩薩聞彼種種極惡聲已不生驚悚何以
故菩薩所聞諸聲若美若惡悉如響應復次
寂慧彼諸魔衆以諸惡相燒菩薩時即有守

護大菩提場修菩提行諸賢聖衆以十六種
言詞毀訾諸魔謂言惡者汝宜止止勿得固
起惡戾之相而生燒害菩薩大士所以者何
今汝諸魔欲壞菩薩而菩薩力最大最勝能
壞汝等如羸力人敵大力者又汝諸魔欲勝
菩薩而菩薩力能勝汝等如劣弱軍戰大勇
者又汝諸魔欲超菩薩而菩薩力能超汝等
猶如星宿比月光明又汝諸魔欲破菩薩而
菩薩力能破汝等猶如猛風吹其糠粃又汝
諸魔欲摧菩薩而菩薩力能摧汝等猶如大

樹斷截其根又汝諸魔欲怖菩薩而菩薩力
能怖汝等猶如群獸遇大獅子又汝諸魔欲
令菩薩處枯涸地而菩薩力能涸汝等猶如
炎日涸牛跡水又汝諸魔欲毀菩薩而菩薩
力能毀汝等如邊小國戰大國土又汝諸魔
欲窺覘菩薩而菩薩力能窺汝等如惡人處
脫其殺命又汝諸魔欲亂菩薩而菩薩力能
亂汝等猶如賈客廣積珍財爲火所焚又汝
諸魔欲令菩薩生大憂惱而菩薩力能令汝
等生大憂惱如非法王失其王位又汝諸魔

欲於菩薩起恚惡心而菩薩力制汝恚心猶
如老鴈折其翅羽又汝諸魔欲殺菩薩而菩
薩力制汝殺心如人經遊曠野險難中竭財
物又汝諸魔欲令菩薩作奔馳者而菩薩力
能令汝等奔怖馳走如涉大海中破船舫又
汝諸魔欲令菩薩作萎悴者而菩薩力能令
汝等悉皆萎悴如劫火洞然焚燒草木又汝
諸魔欲斷菩薩而菩薩力能斷汝等如大金
剛斷諸小石寂慧而彼守護大菩提場修菩
提行諸賢聖衆以如是等十六種言詞毀訾

第六

三

諸魔讚歎菩薩然彼諸魔亦未退伏爾時菩薩即以百千俱胝那更多阿僧祇劫積修妙行謂布施持戒忍辱精進禪定勝慧慈悲喜捨念處正勤神足根力覺道奢摩他毗鉢舍那明智解脫等法極善所作柔軟細妙右金色臂舒置魔頂而復徧身按息捫摩起大悲意慈眼觀視深心解脫一切衆生一切世界諸佛世尊現前作證正念正知菩薩即時以手按地菩薩大士手按地已爾時大地六種震動所謂動徧動等徧動震徧震等徧震吼

徧吼等徧吼涌徧涌等徧涌爆徧爆等徧爆擊徧擊等徧擊東涌西沒西涌東沒南涌北沒北涌南沒邊涌中沒中涌邊沒如是等六種震動起十八變周徧大地皆悉動搖於刹那間現諸異相時諸魔衆佞戾兇殘哮吼震擊欲興害者罪業等輩見是相已咸生驚怖又以菩薩威神力故聞空中聲說伽佉曰應當歸命聖大士 諸仙衆中最上仙 廣施無畏大慈悲 普能救護諸群品 復次寂慧彼諸惡魔聞是聲已於魔衆中有

八百萬俱胝那庾多惡夜叉衆偃仆于地俱發聲言救苦救苦大士救我餘諸魔衆咸欲奔走盡其魔力不能前詣爾時菩薩以悲愍故舉身放光由彼光明所照燭故時諸魔衆悉離怖畏即各還復所止宮中寂慧當其菩薩爲諸魔衆現神通時有八百萬俱胝那庾多惡夜叉衆悉發阿耨多羅三藐三菩提心會中復有九百九十萬俱胝那庾多人發阿耨多羅三藐三菩提心八萬四千天子以宿善力故皆得無生法忍

轉法輪品第十四之一

復次寂慧或有天人知彼菩薩降伏魔軍或有天人知彼一切諸惡魔衆不曾來詣菩薩之所或有天人初知菩薩敷吉祥草就菩提座或有天人見釋迦菩薩處于衆寶蓮華莊嚴師子座上或有天人見其菩薩處于地上或見菩薩在阿說佉樹下安詳而坐或見菩薩在波利質多羅樹或俱毗陀羅樹或菩提樹下或見菩薩在衆寶所成菩提樹下或有天人見菩提樹高一多羅樹量或有天人見

師子座高一多羅樹量或有天人見菩提樹
高七多羅樹量或有天人見師子座高半多
羅樹量或見菩提樹乃至高于八萬四千由
旬之量或見師子座高四萬二千由旬之量
或有天人見彼菩薩降伏魔軍或有天人見
一魔軍或有天人見有廣多惡魔軍衆或見
菩薩以遊戲神通破魔軍衆或見菩薩處虛
空中或見菩薩於虛空中踞師子座或見菩
薩菩提樹下安處寶座成證阿耨多羅三藐
三菩提果寂慧當知菩薩成就無量最勝清

淨境界皆是菩薩處于最上最勝大菩提場
具足如是無量功德現諸勝相復次寂慧菩
薩安處最勝最上大菩提場降魔軍已即有
十方無量阿僧祇世界住昔同修最勝道行
諸菩薩衆咸來至此俱發清淨無畏等聲謂
吉善聲快樂聲歡喜聲迅速聲捷利聲善哉
聲不空聲勇猛聲士夫聲不退轉聲增益聲
吉祥聲無熱惱聲大悲愍聲往昔意樂聲功
不唐捐聲悅可意聲堅固和合聲大士遊戲
聲最勝利益聲刹那相應聲一切智智聲成

等正覺聲彼諸菩薩出如是等清淨聲時又十方世界所來集會最上最勝菩提場中諸菩薩衆復以俱胝那更多百千美妙音廣作安慰施設種種殊妙供養復作種種最勝稱讚時彼宿修善行諸菩薩衆并十方世界所來集會勝菩提場諸大菩薩如是安慰供養稱讚而釋迦菩薩雖降魔軍然於魔所無違無順何以故菩薩已離違順法故菩薩能於剎那心中勝慧相應或有所知或有所見或有所得或有所證而彼一切皆得成就復

次寂慧如來成道果已即時十方無量阿僧祇世界諸佛如來咸舒右手按菩薩身安慰問言佛子身肢無疲懈耶樂觸行耶以自然智所成證耶無障礙心所成證耶以平等智所成證耶無綺飾行耶被大悲鎧耶令三寶種不斷絕耶第六於一切法得自在耶寂慧當知彼時善根已成熟者即能親近大菩提場知勝所作所有善根未成熟者不能親近亦復不知復次寂慧如來成道果已七晝夜中審諦思惟真實法樂而復諦觀大菩提樹目未

嘗瞬是時乃有百千天子廣伸供養稱讚頂
禮復有百千天女各各虔恭頂禮稱讚是諸
天女瞻觀如來勝威儀已悉發阿耨多羅三
藐三菩提心復次寂慧如來成道果已有四
大天王各持寶鉢來詣佛所而伸供獻四天
王者所謂東方持國天王南方增長天王西
方廣目天王北方毗沙門天王如是等此四
大洲四大天王既至佛所餘復亦然有百俱
胝四大洲百俱胝四大天王各持寶鉢咸來
佛所亦伸供獻爾時如來受是四百俱胝諸

寶鉢已即以神力合成一鉢一一四大天王
各起是心如來受我所施之鉢於我鉢中如
次受食彼彼咸生最上清淨歡喜之心不退
轉於阿耨多羅三藐三菩提復次寂慧如來
成道果已有二商主一名怛囉布沙一名縛
梨迦并餘六萬天子咸來佛所最初奉上清
淨飲食是商主等皆由宿昔咸發願言願我
最初奉上如來清淨飲食願彼如來最初納
受我所施已生歡喜心皆得不退轉於阿耨
多羅三藐三菩提復次寂慧菩薩初登最勝

第六

七

大菩提場未圓一切智今成道果已覺智周
圓然未轉彼廣大法輪廣爲衆生作大利益
何以故菩薩從初發心乃至於今坐菩提場
成等正覺欲爲衆生作利益故寂慧以是緣
故汝今當知隨諸菩薩成菩提果已彼彼亦
然皆爲無量衆生作大利益復次寂慧如來
成道果已時有梵王名曰尸棄與六百八十
萬梵衆天子俱恭敬圍繞隱彼梵界即至佛
前頂禮佛足右繞七匝合掌諦誠勸請世尊
轉妙法輪作是白言惟願世尊惟願善逝廣

爲衆生轉妙法輪會中所有具法器者而能
了知佛所說法如彼往昔持國天王子宿發
勝願願我於此賢劫之中諸佛如來成道果
已皆悉勸請轉妙法輪復次寂慧非唯今此
尸棄梵王勸請如來轉妙法輪所以有何尸
棄梵王初勸請已復有十俱胝梵王衆十俱
胝帝釋天衆十俱胝大菩薩衆亦皆勸請如
來轉妙法輪爾時尸棄梵王知佛世尊默然
受請即於波羅柰國仙人墮處鹿野苑中爲
佛世尊敷設妙好師子之座高四萬二千由

旬殊妙嚴飾勝相具足衆所樂觀安置于地
如其尸棄梵王初設妙好師子座已即時復
有十俱胝大菩薩衆皆爲世尊施設妙好師
子之座殊妙嚴飾勝相具足衆所樂觀

佛說如來不思議祕密大乘經卷第十一

佛說如來不思議祕密大乘經卷第十二

宋西天三藏朝散大夫試光祿卿傳梵大師法護筆奉詔譯

轉法輪品第十四之二

爾時世尊即詣波羅柰國仙人墮處鹿野苑
中到已現身各各處于衆師子座是時梵王

帝釋諸大菩薩一一各見如來在我所施座
中處于座上轉大法輪是彼諸衆咸生清淨
歡喜之心皆悉不退轉於阿耨多羅三藐三
菩提是時世尊安處最上師子座已即時十
方無邊世界皆悉震動有大光明普徧照耀
爾時世尊即入無邊境界三摩地入是三摩
地已時此三千大千世界普徧大地坦平如
掌又此三千大千世界所有衆生若地獄餓
鬼畜生人天諸趣一切衆類皆得安樂無一
衆生爲貪瞋癡并諸煩惱所娆害者互起慈

心如父母想復次世尊入是無邊境界三摩地時即有十方無量阿僧祇菩薩咸來集會聽受正法是時乃至三千大千世界所有一切具威力者天龍夜叉乾闥婆阿修羅迦樓羅緊那羅摩睺羅伽人非人等咸來佛會聽受正法寂慧當知世尊欲說法時而此三千大千世界普徧他方一切人天廣大之衆皆來集會周匝充滿一毛端量中無空隙皆為聽受世尊宣說正法爾時世尊知彼一切人天大衆皆集會已即從三摩地安詳而起發

大悲心乃以如來清淨慈眼普徧觀察一切衆會轉正法輪若沙門若婆羅門并餘一切皆同一法復次寂慧如來所轉法輪皆為一切衆生令其心意歡喜故轉復令衆會一切衆生各各了知佛所說法隨佛世尊欲轉法輪先有十方無量阿僧祇菩薩咸來集會聽受正法即時復有百千俱胝那庾多欲界天子色界天子亦來集會聽受正法爾時世尊作是說言諸仁者眼非常法何以故若以苦言應得度者即聞所說此眼是苦若以無我

言應得度者即聞所說此眼無我若以空言
應得度者即聞所說此眼是空若以寂靜言
應得度者即聞所說此眼寂靜若以離言應
得度者即聞所說此眼法離若以無常言應
得度者即聞所說此眼無常若以無依止言
應得度者即聞所說眼無依止若以如幻言
應得度者即聞所說此眼如幻若以如夢言
應得度者即聞所說此眼如夢若以如水月
言應得度者即聞所說眼如水月若以如影
像言應得度者即聞所說眼如影像若以如

對響言應得度者即聞所說眼如對響若以
空無相無願無作無生無起等言應得度者
即聞所說此眼是空無相無願無作無生無
起若以緣生言應得度者即聞所說此眼緣
生說眼既然耳鼻舌身意亦復如是乃至若
以緣生之言應得度者即聞所說意是緣生
色聲香味觸法其義亦然或聞空言或聞五
蘊無常之言或聞十八界無常之言或聞十
二處無常之言或聞苦言或聞集言或聞滅
言或聞道言或聞四念處言或聞四正斷言

或聞四神足言或聞五根言或聞五力言或聞七覺支言或聞八正道言或聞奢摩他言或聞毗鉢舍那言或聞緣生法言或聞聲聞相應法言或聞緣覺相應法言或聞大乘法言復次寂慧如來所轉法輪皆爲一切衆生令其心意歡喜故轉又復如來所轉法輪廣爲一切衆生作大利益假使有人與舍利子智慧等者意欲籌量解入斯法縱經百劫終不能入何況餘者寂慧當知如來從初作行詣菩提場降伏魔軍以勝莊嚴震師子吼遊

戲神通轉大法輪作如是等勝利益時有八萬四千人發阿耨多羅三藐三菩提心無量衆生於三乘中而得成熟

所緣品第十五之一

爾時金剛手菩薩大秘密主白佛言世尊如佛世尊所說法時豈非我於如來所說有違第六背耶或隨順耶如來所說甚深廣大如來所說甚深秘密一切世間難信難解罔徹源底世尊諸如來心真實決定我於如來所說深法或有知解皆是如來勝智在我身中此非

我有士夫力用佛言秘密主如是如是如汝
所說所以者何汝今當知所有如來安立譬
喻演說諸法而彼一切衆生皆有如來勝智
在於身中何以故秘密主而諸衆生徧一切
處隨其如來所說秘密若不容受如來加持
之力而能隨順如來法性者無有是處又復
於彼如來所說秘密深法若聞若說若有知
解皆是如來加持力故復次秘密主如來正
語有所說時應知如來法性如實法性真常
又復如來所行如實所行真常是故如來以

正語言說是正法又秘密主所有過去未來
現在諸佛世尊以一切世間難信難解阿耨
多羅三藐三菩提如是正法宣說引導廣爲
開示而彼衆生若於如是難信難解甚深正
法聞已即能生信解者當知彼等衆生非於
一佛十佛親近承事當知已於廣多俱胝那
庾多百千佛所親近承事應知彼人是爲正
士精修福行又秘密主假使須彌山王或摧
墜時尚能有人或以頂肩而爲荷負若彼不
種善根衆生能於如是甚深正法一念生起

淨信解者無有是處何況受持讀誦如說修行又祕密主若有衆生能於大乘正法之中聞已信解者當知是人非於一佛親近承事已於廣多佛所親近承事大乘法中廣修勝行植善根種爾時寂慧菩薩摩訶薩前白佛言世尊如佛世尊說近止法此以何義而名近止此近止者何所從來佛言善男子所說近止者即是近止煩惱增語此近止煩惱即是近止思惟分別徧計增語此近止思惟分別徧計即是近止想作意增語此近止想作

意即是近止顛倒增語此近止顛倒即是近止因所緣增語此近止因所緣即是近止無明有愛增語此近止無明有愛即是近止我所增語此近止我所即是近止名色增語此近止名色即是近止斷常見增語此近止斷常見即是近止有身見增語寂慧當知若與所緣因見相應即諸煩惱而亦隨轉一切皆從有身見起若能近止有身見者即諸見止息若有身見近止即一切願求亦止若有身見近止即諸煩惱亦止寂慧譬如大樹

若斷其根即枝葉莖幹而悉枯悴此有身見亦復如是若近止已諸煩惱亦止寂慧當知一切衆生始以不能覺了有身見故即諸取煩惱隨逐而生若能覺了有身見者即諸取煩惱不復隨生亦無所害寂慧菩薩白佛言

第六

十三

世尊彼有身見何能覺了佛言寂慧若我人衆生壽者等見而不起者即能覺了彼有身見復次寂慧彼有身見不住於內不住於外於一切處而悉不住以不住故見無所住寂慧此無住智如實覺了彼有身見又復寂慧

當知有身見即是空增語若能隨順空智忍者即見無所取此即是爲如實覺了彼有身見又有身見者即是無相無願無作無生無起等見是見無所取此即是爲如實覺了彼有身見復次寂慧當知有身見者即是無身非開非合一切皆是不實分別以其不實所分別故彼即無分別亦不離分別由無分別不離分別故即無所作無障無起以無起故即無所行由無所行故如是此說乃名近止寂慧菩薩言何名近寂佛言寂慧有所緣心

如火熾然若無所緣及無所作即不熾然不熾然法此名近寂又如大火有新即然無薪即滅所緣心火熾然亦若無所緣心火自滅寂慧當知具善巧方便菩薩於般若波羅蜜多清淨所緣法中平等了知善根所緣勝法而不息滅煩惱所緣染法制令不起波羅蜜多勝法常令增進魔業煩惱所緣染法永令斷滅菩提分法清淨所緣不應棄捨聲聞緣覺意樂所緣而不取著一切智心最上所緣不應捨離於空所緣審諦伺察一切衆生

大悲所緣深生願樂寂慧當知具善巧方便菩薩於般若波羅蜜多清淨所緣法中而得自在無生所緣思惟決定和合生起所緣亦不厭捨無作所緣而復趣入諸有善根施作所緣悉令開曉無相所緣而善思擇菩提心所緣永無厭離第六無願所緣以慧正觀十四三界所緣不生厭離菩薩以慧方便於其無生一切所緣法中自在而轉若見不淨所緣即於如來清淨身心中住若無常所緣即於生死無疲倦心住若苦所緣即令一切衆生快樂安

置涅槃平等心住若無我所緣即於一切衆生大悲心住若貪所緣即於貪行衆生中以淨大藥開明心住若瞋所緣即於瞋行衆生中以慈大藥開明心住若癡所緣即於癡行衆生中以緣生大藥開明心住若等分所緣即於等分行衆生中以中常想大藥開明心住若離貪所緣即於聲聞法中開化心住若離瞋所緣即於緣覺法中開化心住若離癡所緣即於菩薩法中開化心住若色所緣即於獲得如來最上色相心住若聲所緣即於

獲得如來妙好音聲心住若香所緣即於獲得如來戒香清淨心住若味所緣即於獲得如來所有味中上味大人勝相清淨心住若觸所緣即於獲得如來所有細軟手足妙觸心住若法所緣即於獲得如來所有一切法中決定心住若施所緣即於獲得如來最上相好心住若戒所緣即於嚴淨佛土心住若忍所緣即於獲得梵音聲相妙金色身清淨心住若精進所緣即於一切衆生救度心住若定所緣即於神通所起妙用心住若慧所

略六

十五

緣即於斷一切衆生煩惱諸見相續心住若
慈所緣即於一切衆生起無障礙心住若悲
所緣即起護持正法心住若喜所緣即起說
法歡喜心住若捨所緣即離諸違順成辦一
切衆生事業心住若四攝法所緣即起成熟
一切衆生心住

佛說如來不思議祕密大乘經卷第十二

音釋

悚鬼勇切
 惟也
 糝補委切
 成栗也
 不
 涸曷各切
 水竭也
 覘蚩占切
 也
 視秦邑危切
 也
 萎悴枯也
 悴芳故切
 也
 仆僵也
 也

永樂北藏

秘密大乘經

第七四冊

佛說如來不思議祕密大乘經卷第十三
第十四
卷

宋西天三藏闍維大師光祿卿傳梵大師法護等奉詔譯

所緣品第十五之二

復次寂慧若諸菩薩為欲對治慳悋過失所緣法者即起能捨已之所有心住若為對治破戒過失所緣即起持戒心住若為對治瞋恚過失所緣即起堅固忍辱心住若為對治懈怠過失所緣即起精進成辦如來勝力心住若為對治散亂過失所緣即起獲得如來

禪定心住若為對治染慧過失所緣即起圓滿無礙智心住若為聲聞作意所緣即起積集大乘心住若為厭離所緣即起不作諸罪心住若為惡趣所緣即起剎那所生諸惡趣中救度心住若為天趣作意所緣即起若成若壞後邊心住若為人趣作意所緣即起不堅固心住若為念佛作意所緣即起諸佛攝受心住若為念法作意所緣即起於法不悞心住若為念僧作意所緣即起獲得不退轉於法輪心住若為念捨作意所緣即起一切

能捨心住若爲念戒作意所緣即起圓滿求
願勝定覺支心住若爲念天作意所緣即起
諸天稱讚佛智加持心住若爲身作意所緣
即起獲得佛身清淨心住若爲語作意所緣
即起獲得諸佛語言清淨心住若爲心作意
所緣即起獲得佛平等心清淨心住若爲有
爲法所緣即起圓滿如來智心住若爲無爲
法所緣即起圓滿佛智心住寂慧當知此如
是等或有所緣而諸菩薩無有不於一切智
智現前法門中住又諸菩薩於一切所緣法

中皆悉迴向善提此即是名菩薩善巧方便
覺了一切法通達觀察寂慧譬如所有三千
大千世界一切大地隨諸所生無有不是一
切衆生受用之所彼諸菩薩亦復如是所有
一切所緣境界無有不是善巧方便菩薩共
所受用善提道分略七無不成熟善提道法又如
色法一切皆是四大所造善巧方便菩薩亦
復如是或有所緣一切皆以善提勝相和合
相應復次寂慧若有衆生慳吝惡作者菩薩
即爲圓滿布施波羅蜜多持戒波羅蜜多若

諸衆生起瞋恚行及懈怠者菩薩即爲圓滿
忍辱波羅蜜多精進波羅蜜多若諸衆生起
散亂心及愚癡行者菩薩即爲圓滿禪定波
羅蜜多勝慧波羅蜜多若諸衆生不可悲愍
者菩薩於彼無違害心若諸衆生所應饒益
者菩薩於彼無隨順心若諸衆生常稱讚者
菩薩於彼而無高心若諸衆生不稱讚者菩
薩於彼亦無下心若見一切若惱衆生菩薩
即起大悲之心若見一切快樂衆生菩薩即
起歡喜之心若見一切羸癯衆生菩薩即起

調伏之心若見一切調順衆生菩薩即起慈
愛之心若見具有緣力衆生菩薩即起衛護
之心若見具有因力衆生菩薩即起攝化之
心隨攝化已乃爲教授若見智慧開明衆生
菩薩即爲宣說甚深之法若見具演說智衆
生菩薩即爲廣大說法若見如理衆生菩薩
即爲次第說法若見衆生樂著文句者菩薩
即以少略文句而爲說法若見衆生樂以奢
摩他爲先導者菩薩即爲宣說毗鉢舍那若
見衆生樂以毗鉢舍那爲先導者菩薩即爲

第七

宣說趣入三摩地法若見衆生樂持戒者菩薩先爲宣說不究竟法後復爲說地獄等事若見衆生樂多聞者即爲宣說無疑惑法若見衆生樂三摩地者即爲宣說趣入慧法若見衆生樂曠野住者即爲宣說心寂淨法若見衆生樂修頭陀行者即爲宣說聖慧根法若見鈍根衆生即爲宣說聞隨順法若見堅著貪法衆生即爲宣說不淨之法若見堅著瞋法衆生即爲宣說慈心之法若見堅著癡法衆生即爲宣說緣生之法若見等分行衆

生即從中入中廣爲說法所謂不淨法慈心法緣生法若隨順諸法所應度者菩薩即爲宣說增上戒法增上心法增上慧法若見衆生以佛勝相所應度者即爲宣說真實隨順菩提分法若見輕慢衆生所應度者先爲杜止輕慢之門後爲說法若見衆生相續樂觀菩薩聖相共菩薩即爲常現其身然根未熟者不爲說法若見衆生樂巧說法所應度者即以緣起譬喻解釋說法若見衆生樂甚深法所應度者即爲宣說緣生無我無人無衆

生法若有衆生著諸見者爲說空法若見衆生起尋求行者即爲宣說無相之法若見衆生起求願者即爲宣說無願之法若見衆生著諸蘊者即爲宣說如幻之法若見衆生著諸界者即爲宣說善決擇法若見衆生著諸處者即爲宣說如夢之法若見衆生著欲界者即爲宣說逼惱之法若見衆生著色界者即爲宣說諸行若法若見衆生著無色界者即爲宣說彼一切行無常之法若見衆生樂以苦法所應度者即爲宣說令於聖種生歡

喜法若見衆生樂以樂法所應度者爲說無量禪定之法若見衆生樂天趣法所應度者即爲宣說純一樂法若見衆生樂著諸相所應度者爲說無我無取之法若見衆生樂以聲聞法所應度者即爲教授取證之法若見衆生樂以緣覺法所應度者即爲宣說於事於義少略之法若見衆生樂以初發心菩薩法所應度者即爲宣說深心發起大悲之法若見衆生樂以久修道行菩薩之法所應度者即爲宣說於輪迴中無懈怠法若見衆生

樂以不退轉菩薩之法所應度者即為宣說
嚴淨佛土之法若見衆生樂以一生補處菩
薩之法所應度者即為宣說大菩提場莊嚴
之法若見衆生樂以佛身所應度者為說菩
薩勝行相續不空之法寂慧當知如是等法
皆是具足智慧方便諸大菩薩於彼清淨所
緣法中而得自在是故廣說不空之法其所
說法為令一切衆生歡喜故說說是法時會
中有十千人發阿耨多羅三藐三菩提心五
千菩薩得無生法忍

金剛手菩薩大秘密主授記品第十六之一
爾時會中有諸菩薩咸起是念此金剛手菩
薩大秘密主其何久近當得成就阿耨多羅
三藐三菩提果邪所居佛土當何名字菩薩
成佛復名何等眷屬圓滿其數幾何爾時世
尊知諸菩薩心所念已即時微笑法爾諸佛
現微笑時必有因緣爾時世尊從其面門放
種種色廣大光明所謂黃赤白紅紫碧綠其
衆色光普徧照耀無邊世界乃至梵世其光
盤旋還來佛所右繞三匝從佛世尊頂門而

入爾時寂慧菩薩摩訶薩即於佛前合掌虔
恭以妙伽陀而伸請問

如金色光妙無垢 寂靜月面體凝然
破暗最上日光明 人仙微笑今何爲
安處寂定蓮華相 大悲震吼進力增
念智功德妙香薰 善逝蓮華笑何爲
念如淨器定如油 悲炷然燈破三垢
妙慧光明息暗冥 善逝智光笑何爲
悲輪光明慧觀察 息除三垢滅諸冥
淨開智眼利世間 佛日妙光笑何爲

佛知三有世間意 徧照一切天人心
大仙慈眼視衆生 今何大仙現微笑

寂慧菩薩說伽陀已爾時世尊即告寂慧菩
薩摩訶薩言今此金剛手菩薩大秘密主於
此賢劫諸佛如來應供正等正覺所持金剛
杵作供養事以利益心守護正法今於我此
秘密法中廣大施作普爲無量一切衆生成
熟最上菩提善根於此賢劫乃至最後樓至
如來法中隱沒即於極樂世界阿閼如來佛
刹中生而彼世界阿閼如來爲彼諸菩薩宣

說秘密一百八印時金剛手菩薩大秘密主
聞其所說不假加行解入義趣如理如實隨
順所行其後復於無量無數諸如來所親近
恭敬尊重供養彼彼佛所皆修梵行護持正
法廣爲無量俱胝那更多百千衆生成熟阿
耨多羅三藐三菩提法而後復過殑伽沙數
劫中圓滿菩提分法而乃得成阿耨多羅三
藐三菩提果號金剛步如來應供正等正覺
出現於世明行足善逝世間解無上士調御
丈夫天人師佛世尊世界多普淨劫名清淨

寂慧而彼普淨世界金剛步如來剎土之中
安隱豐樂嚴淨可觀天人熾盛菩薩廣多七
寶具足勝妙莊嚴七寶所謂金銀瑠璃碑磲
碼碯珊瑚琥珀及赤珠寶彼世界中周徧盈
積可八步量地平如掌柔軟復如迦左隣尼
具諸樂觸建妙^{勝七}幡幢寶繩交絡天妙寶華處
處垂下最止精妙衆香氣馥空中自然奏諸
音樂無諸惡趣及衆險難如堯率天最勝受
用又彼世界隨意所思宮殿舍宇園林樓閣
飲食衣服衆莊嚴具皆悉具足隨諸所用皆

與天人受用無異受諸天人具大信解深信
佛智又彼世界亦復不聞聲聞緣覺二乘名
字彼佛所說純一清淨大菩薩法又彼金剛
步如來廣多百千菩薩眷屬又彼世界不壞
律儀不減壽命不破戒行不失正見亦無顛
狂驚癡跛偃蹇吃獷惡鬪競缺減諸根等者
一切皆具二十八種天人勝相而為莊嚴彼
佛如來壽八中劫亦無天人中間夭逝寂慧
當知彼金剛步如來具如是等及餘無量勝
功德事彼佛世尊隨欲說法即放光明彼諸

衆生見是光已即知如來宣說妙法若衆生
互起思念欲詣佛所瞻仰聽法即以彼佛神
通智力所加持故尋至佛所或有以自神力
至佛所者即時天人大衆咸來集會時彼世
尊踊身空中高百千多羅樹時四大洲悉
如來廣大身相又十方世界悉聞震發顯是
如來清淨妙音一切衆生聞者適悅又復如
來為諸菩薩說正法時無一衆生於其如來
宣說之法有所違背彼諸衆生皆悉利根開
明知解又彼世界而無王者唯佛世尊金剛

步如來最上法王又彼世界一切衆生無我
無執復次寂慧只彼金剛步如來於彼刹中
諸天人所欲行乞食彼時若天若人即見如
來聖像住在其前執持應器彼諸天人見聖
像已各欲奉上如來清淨飲食及隨意樂所
欲方處座卧之具百味食等皆悉嚴備彼佛
知時隨受所施佛受施已即出其舍還復如
來所止僧坊諸菩薩衆亦復隨應入三摩地
寂慧當知彼佛如來所住世界具如是等及
餘無量勝功德事是故名爲普淨世界

佛說如來不思議秘密大乘經卷第十三

佛說如來不思議秘密大乘經卷第十四

宋西天三藏朝散大夫號光祿卿傳梵大師法護筆奉詔譯

金剛手菩薩大秘密主授記品第十六之二
爾時世尊爲金剛手菩薩大秘密主當授記
時會中有二萬人發阿耨多羅三藐三菩提

心皆願生彼普淨世界金剛步如來刹土之
中爾時金剛手菩薩大祕密主聞佛世尊與
授記已心生慶快踊躍歡喜即以金剛杵擲
虛空中當其戲擲金剛杵時而此三千大千
世界六種震動天雨衆華鼓奏音樂復於一
切衆會右手自然皆出種種妙色最上華鬘
爾時金剛手菩薩大祕密主即於佛前合掌
諦誠說伽陀曰

廣博大法王 無盡妙法藏 欲爲利世間
善分別諸法 已於諸法中 捨除恠惜意

隨法依法修	善住我歸命	佛清淨大士
圓滿清淨行	功德王名稱	徧聞於三界
能於三世中	常持無盡智	平等善所行
頂禮無障礙	月光極圓淨	徧淨復清淨
日光極光明	妙光勝光聚	梵音極妙音
淨音深妙響	三寶勝金光	故我今頂禮
常現淨妙身	亦無身繫屬	常說妙語言
離語言分別	雖爲大法師	不生於法想
解脫諸衆生	而無衆生想	世間何所作
能報佛大恩	功德勝利中	唯出家能報

諸聞佛教授 無異法可轉 隨所授法門
真修如理作

爾時金剛手菩薩大祕密主并餘一切在會
大衆各以所持衆妙華鬘散於佛上以佛威
神力故所散華鬘即時普徧此三千大千世
界皆現衆妙華鬘莊嚴周匝盈積可八步量
無二無說品第十七

爾時寂慧菩薩摩訶薩前白金剛手菩薩大
祕密主言祕密主世尊如來授仁者記邪金
剛手言善男子佛授我記如夢自性寂慧言

今汝授記有何所得金剛手言無所得故而
我得記寂慧言何法無所得金剛手言我人
衆生壽者悉無所得彼蘊處界亦無所得乃
至若善不善有罪無罪有漏無漏世間出世
間有爲無爲若染若淨生死涅槃皆無所得
寂慧言若法無所得云何是中有授記乎金
剛手言由無所得故即於是中以通達智而
乃授記寂慧言智何有二而可觀邪金剛手
言若有二可觀即無授記可得然以彼智無
二可觀是故諸菩薩於無二智中如是授記

寂慧言若智無二可觀者復云何有能記所
記邪金剛手言若能記若所記以平等性於
無二際中悉無所得寂慧言祕密主無二際
中云何有記金剛手言若彼際如是即是無
二際即於彼際中故如是授記寂慧言何名
爲際復於何處而得授記金剛手言我際處
授記衆生際處壽者際處人際處授記寂慧
言且我際處復在何處金剛手言我際處者
即是如來解脫際處寂慧言如來解脫際處
而在何處金剛手言如來解脫際處在無明

有愛際處寂慧言無明有愛際處復在何處
金剛手言在畢竟無生無起際處寂慧言畢
竟無生無起際復在何處金剛手言在無表
了處寂慧言若無表了有何開示金剛手言
若有開示即非無了寂慧言云何無開示金
剛手言諸有所表悉無開示寂慧言若無開
示何有教令金剛手言若有教令即無開示
若無開示即無教令寂慧言云何得教令金
剛手言雖有表了即無所受寂慧言云何表
了而無所受金剛手言若不著文字即無所

受寂慧言云何不著文字金剛手言謂隨順
義寂慧言此復云何是隨順義金剛手言謂
即於義而無所見寂慧言云何於無所見邪
金剛手言若義非義悉於是中求不可得寂
慧言若於義非義求不可得者即何所求邪
金剛手言由於義非義求不可得故即無法
可求寂慧言若無法可求者即於一切悉無
求邪金剛手言此中無有少法可求何以故
以無法可求故法即無法寂慧此中何者名
爲法邪金剛手言若法之聲尚不可得是中

復何而有法邪善男子如是應知若言法者
謂於文字不著不行是說言一切諸法無言
無說善男子若有人言有所說者彼即非說
以非說故彼即無法亦非如理寂慧言秘密
主若爾者豈非如來諸所說法亦非說邪余
剛手言寂慧豈非我先曾爲汝說世尊如來
不說一字以無說故如來即以神通願力隨
衆生意示有所說寂慧言設有說者何過失
邪金剛手言有所說者語業過失寂慧言彼
語業者復何過失金剛手言文字思惟取著

過失寂慧言此復何能離過失邪 手言

一切法中若有所說若無所說悉無少法而可表了無表了故即離過失又復於已無所開示亦離過失寂慧言其過失者何為根本金剛手言彼過失者取為根本寂慧言取孰為本廣七金剛手言執著為本寂慧言執著孰為本十二金剛手言虛妄分別為本寂慧言虛妄分別孰為本金剛手言增上所緣見為本寂慧言增上所緣見孰為本金剛手言色聲香味觸法即是增上所緣根本寂慧言云何無所

緣金剛手言受不相續即無所緣寂慧當知如佛所說一切法中若斷於愛即無所緣金剛手菩薩大祕密主說是法時會中有五百苾芻得心解脫二百菩薩得無生法忍佛說如來不思議祕密大乘經卷第十四

音釋

獷古猛切 跛補火切 偃於語切
惡也 偏竅也 僂也

永樂北藏

秘密大乘經

第七四冊

佛說如來不思議祕密大乘經卷第十五
第六同

宋西天三藏翻經大失試光祿卿傳梵大師道等奉詔譯

入曠野大城受食品第十八

爾時金剛手菩薩大祕密主滿所思念得授
第八
記已安慰其心生大歡喜踊躍慶快前白佛
言世尊我今勤請世尊降赴我所居止祕密
宮中微伸供養期滿七日并請菩薩聲聞大
衆願佛慈悲哀受我請何以故世尊曠野大
城中有多夜叉羅刹鳩盤荼必舍左乾闥婆

摩睺羅伽等異類衆生悉住於彼令彼等衆
得見佛已於長夜中利益安樂息除癩戾恚
惡之心復令四大天王諸眷屬等於長夜中
獲大利益安隱而住若佛世尊悲愍我故降
赴我宮菩薩聲聞隨受微供使令無量諸衆
生類增長善根復令我等圓滿意樂佛即默
然而受其請爾時金剛手菩薩大祕密主知
佛世尊默受請已心生歡喜踊躍慶快即時
頭面頂禮佛足右繞七匝速離佛會還復所
止曠野大城時金剛手菩薩大祕密主至自

宮已乃起思念我今如何施設供養復依何等境界莊嚴而爲嚴飾令欲色界諸天子衆起希有心復令十方世界所來集會大菩薩衆咸生歡喜我亦於佛廣大施作妙供養事作是念已即自記憶往昔一時佛於夜分入三摩地其名寂靜不思議廣大所行我亦隨佛即入是定東方去此過殑伽沙數等佛刹土已到一世界名無邊功德寶莊嚴彼有如來號莊嚴王其佛刹中化主世尊爲十千菩薩授菩提記我於爾時見彼佛刹不可思議

天人莊嚴起勝一切妙莊嚴事我宜依彼無邊功德寶莊嚴世界所莊嚴相而爲嚴飾當爲世尊作供養事爾時金剛手菩薩大秘密王即入大莊嚴王三摩地於是三摩地中如實觀觀彼無邊功德寶莊嚴世界種種殊妙莊嚴等事如其所觀即運神力於此曠野大城中施設莊嚴與彼無異而彼無邊功德寶莊嚴世界者東西南北縱廣正等六十四由旬以青瑠璃而爲其地帝青大寶作其牆界垂珠華璫衆寶嚴飾閻浮檀金而爲蓮華衆

寶枝葉衆寶瓔珞間錯垂布復有無數天妙
寶衣復有無數珠瓔嚴飾復有無數殊妙繒
絲垂以無數妙寶華鬘燒香塗香衆妙寶瓶
亦復無數周帀徧散種種色華人所觀者殊
妙悅意若身若心歡喜調暢出現無邊功德
寶聚復現無量色相莊嚴又有廣多百千莊
嚴妙師子座寶机承足寶繩交絡寶華莊嚴
垂真珠網周帀盈積可八步量又復布設無
數天衣空中復有寶網垂覆如是種種妙莊
嚴事於餘廣多世界之中昔所未見昔所未

聞又復嚴辦百味精珍上妙飲食又復布列
百千莊嚴妙師子座安處空中一一師子座
空中自然有妙寶蓋各各垂覆殊妙莊嚴衆
相具足爾時金剛手菩薩大祕密主於其定
中安布如是殊妙勝相施設莊嚴師子座已
從定而起過於夜分至明旦時嚴辦最上清
淨食已深心清淨將欲供養世尊如來菩薩
大衆爾時金剛手菩薩大祕密主又過夜分
即告四大天王言諸仁者汝等當知我今請
佛并大菩薩諸聲聞衆降我所止祕密宮中

期滿七日微伸供養以佛世尊悲愍我故而
受我請法等各有力能廣多眷屬於七晝夜
中勿生放逸勿起亂心亦復且止諸餘作事
專一精勤供養於佛乃至此曠野大城所止
一切夜叉羅刹必隸多鳩盤荼必舍左乾闥
婆摩睺羅伽等并餘所住諸衆生類以我教
勅悉告語之衆等應知金剛手菩薩請佛世
尊來降於此曠野大城期滿七日作供養事
汝等宜應攝諸恚惡發清淨心復起廣大歡
喜之意嚴供世尊聽受正法爾時金剛手菩

薩大秘密主即告長子金剛軍言賢者汝今
宜應以自神力往彼梵界自梵衆天至色究
竟天於彼諸天各告語云金剛手菩薩大秘
密主請佛世尊來降曠野大城秘密宮中期
滿七日作供養事汝等諸天欲見佛者宜速
來此是時大秘密主長子金剛軍受父教令
即如其命爾時金剛手菩薩大秘密主復告
次子妙臂言賢者汝今宜應以自神力往地
居天至空居天謂四大王天忉利天夜摩天
兜率天化樂天他化自在天於彼諸天各告

語云金剛手菩薩大祕密主請佛世尊來降
曠野大城祕密宮中期滿七日作供養事汝
等諸天欲見佛者宜速來此是時次子妙臂
受父教令即如其命爾時於剎那間即有廣
多無數百千欲界天子色界天子周匝充滿
百千由旬之量填塞空中爾時金剛手菩薩
大祕密主又過夜分即為世尊敷設卧具妙
嚴飾已右膝著地合掌諦誠向佛世尊說妙
伽陀而伸勤請

善來最勝人中尊 善來人中無上士

人中增勝願降臨 佛大牟尼時已至
善來最勝二足尊 善來二足尊最上
二足尊勝願降臨 佛大牟尼時已至
佛大蓮華淨戒王 精進定水常增長
如蜂採華衆所歸 寂靜蓮華願來降
最初安立四聖諦 以慈悲眼徧觀察
常能震吼無我音 佛大師子願來降
戒為根本念為莖 覺支華秀常茂盛
解脫智果已周圓 佛大樹王願來降
妙慧甚深復廣博 湛然定水徧清涼

衆行圓明大導師 佛功德海願來降
大悲所成吉祥體 大慧光明廣莊嚴
蓮華開覺衆所歸 佛日光明願來降
正語震伏諸邪論 解脫藥樹救沉痾
小根群鹿悉開明 佛大山王願來降

頌八

五

爾時世尊受金剛手菩薩大秘密主至誠勤
請知時已至即告苾芻衆言汝等宜應著衣
持鉢往赴金剛手請期滿七日作供養事善
哉行矣今正是時付囑守護僧坊之者今此
衆中諸有已得神通之者菩薩聲聞各各隨

應以自神力游空而往若復未具神力之者
應當隨入如來清淨大圓光中游空而往爾
時世尊即於王舍大城鷲峯山中隱身不現
菩薩聲聞恭敬圍繞放大光明普徧照耀天
人天女導前從後歌詠稱讚奏百千種俱胝
那更多鼓吹音樂震動大地天雨種種殊妙
寶華於佛刹中廣現種種佛大威力佛大神
通佛大施作佛大變化佛大吉祥佛大勝光
佛大威儀佛大遊戲等相游空自在往詣於
彼曠野大城是時世尊處虛空中猶如鵝王

進止安詳自在時行彼欲色界諸天子衆遙見世尊高處空中猶如鵝王宛轉自在咸生歡喜適悅慶快又如日輪初出清淨可愛如圓滿月瑩潔光明衆星圍繞如帝釋天主天種圍繞如大梵王梵衆圍繞天衆見已即起清淨希有之心各持種種天妙香華供養於佛所謂天優鉢羅華俱母陀華奔拏利迦華曼陀羅華摩訶曼陀羅華波利質多羅華摩訶波利質多羅華曼殊沙華摩訶曼殊沙華可愛華大可愛華輪大輪華陸生諸華及餘

殊妙最勝香華具有百葉或千葉者及焰光華光味華徧香華常香華常開華悅目華此如是等并餘無量勝妙香華徧散佛上又復安立殊妙幡幢奏以百千殊妙音樂爾時世尊現如是等殊妙勝相香華幢蓋鼓奏音樂衆莊嚴事於須臾頃即至曠野大城而先暫照八適毗沙門天王宮佛及菩薩聲聞大衆從空而下至彼宮中爾時大地普徧震動而復柔軟殊妙可愛亦不燒惱一切衆生爾時四大天王知佛世尊已至曠野大城之中各從所

守方分與諸眷屬持以種種殊妙香華速來
佛所時四天王到已頭面頂禮佛足即以所
持殊妙香華散以佛上而伸供養合掌諦誠
退住一面彼諸眷屬亦各至誠頂禮佛足合
掌而住佛即略為四天王等眷屬衆會宣說
法要是時會中即有十千夜叉羅刹龍乾闥
婆鳩盤荼等覩佛勝相悉發阿耨多羅三藐
三菩提心彼四天王宮嬪眷屬中有十千
天女發阿耨多羅三藐三菩提心爾時金剛
手菩薩大秘密主與自眷屬各各持以如無

邊功德莊嚴世界之中殊妙香華塗香末香
寶幢幡蓋鼓吹歌音作諸妓樂速詣毗沙門
天王宮中佛世尊所到已頭面頂禮佛足右
繞七匝即以所持妙香華等諸供養具嚴潔
諦誠供養世尊諸眷屬等奏妙音樂嚴奉肅
恭歸命頂禮迎導世尊并諸菩薩聲聞大衆
入自宮中到已如次請各就座爾時世尊處
彼殊妙種種莊嚴獅子之座并諸菩薩聲聞
衆亦各就座爾時金剛手菩薩大秘密主即
告帝釋梵王護世天等并餘一切諸天子言

汝等宜應各務精勤隨喜成辦嚴供世尊當
令汝等增長施福爾時諸天子衆見是最勝
境界殊妙莊嚴獅子座已生希有心咸作是
言此之勝相何力致邪爲佛世尊威神力邪
爲金剛手大祕密主威神力邪即聞空中有
聲告言諸仁者此是大祕密主威神所致東
方去此過殍伽沙數等佛土已有世界名無
邊功德寶莊嚴佛號莊嚴王金剛手菩薩大
祕密主見彼世界種種殊勝妙莊嚴事以大
祕密主威神力故令此宮中同彼世界勝莊

嚴相爾時世尊安處勝妙獅子座已即時曠
野大城所居一切夜叉羅刹必舍左鳩盤荼
乾闥婆摩睺羅伽等衆皆悉來詣佛世尊所
頭面著地頂禮佛足合掌虔恭退住一面爾
時金剛手菩薩大祕密主即告四大王并餘
一切諸衆會言汝等宜應咸來助我同發至
誠嚴以清淨殊妙飲食喜上世尊使令汝等
獲大利益爾時金剛手菩薩大祕密主即與
眷屬衆會自手清潔嚴辦最上百味精珍菩
薩深心清淨如來所應供養發最勝心奉上

世尊并諸菩薩聲聞大衆悉令充足飯食事訖而復奉上清淨香水盥手滌器乃於佛前退坐聽法是時曠野大城所居一切夜叉羅刹必舍左等各各諦誠瞻仰世尊合掌虔恭歸命頂禮

佛說如來不思議祕密大乘經卷第十五

佛說如來不思議祕密大乘經卷第十六

宋西天三藏朝散大夫試光祿卿光祿寺卿惟淨等奉詔譯

護世品第十九

爾時金剛手菩薩大祕密主勸請世尊宣說正法作是白言惟願世尊爲未發菩提心衆生隨宜說法令入法理即當發起大菩提心住不退轉又此夜叉羅刹必舍左乾闥婆隱密神摩睺羅伽等諸衆會令彼長夜利益安樂善行相應獲得勝中最勝高顯而不減失諸善法分爾時世尊普告金剛手菩薩大祕

密主等諸衆會言諸仁者汝等諦聽極善作
意我今宣說爲令一切悉入法理諸修善行
善男子善女人等普令獲得最勝高顯於善
法分而不壞失于是金剛手菩薩大祕密主
等諸衆會一心善聽佛告大衆諸仁者若善
男子善女人深發阿耨多羅三藐三菩提心
已即能具信廣多清淨欲見諸聖樂聞正法
善捨無恡手出無盡善樂積集施作福行捨
心具足於布施中樂行平等無障礙心無濁
染心信有業報離諸分別疑惑猶豫善惡業

果而不壞失如是知已於命緣等不應作者
而悉不作不殺生不偷盜不邪染不妄言不
綺語不兩舌不惡口不貪不瞋不邪見於此
十善業道堅持積集於其十種不善業道捨
而不作普行淨信與沙門婆羅門及有戒有
德者正道法中同修淨行於諸善法多聞勤
行深固作意善行相應寂靜調伏常悅愛語
攝伏他論修善離惡無高無下無毀無譽隨
起正念住等引心閉三有門息滅諸病離諸
重擔超越疑惑出離諸有如是知者即於諸

佛及聲聞弟子若沙門若婆羅門善知識所
隨其所應親近恭敬承事尊奉彼等善知識
所聽受正法示教利喜謂說布施感大富果
持戒生天多聞大慧淨觀不亂此行布施即
是布施報此行慳悋即是慳悋報此持戒即
是持戒報此毀戒即是毀戒報此忍辱即是
忍辱報此瞋恚即是瞋恚報此精進即是精
進報此懈怠即是懈怠報此禪定即是禪定
報此散亂即是散亂報此勝慧即是勝慧報
此惡慧即是惡慧報此身善作即是身善作

報此身惡作即是身惡作報此語善作即是
語善作報此語惡作即是語惡作報此意善
作即是意善作報此意惡作即是意惡作報
此是善此是不善此應作此不應作此業作
已於長夜中得利益安樂善行相應此業作
已於長夜中無利苦惱得不善行相應如是
等法於善知識所聞其所說示教利喜又復
觀察知是法器即爲宣說甚深之法謂空無
相無願加行等法復說無生無起無我無人
無衆生無壽者甚深緣起之法此法是有此

即有得此法は無此即無得此法若有此即
走生此法若無此即是滅此是無明緣行行
緣識識緣名色名色緣六處六處緣觸觸緣
受受緣愛愛緣取取緣有有緣生生緣老死
憂悲苦惱如是即一大苦蘊生若法不有此
即無得即是滅法謂無明滅即行滅行滅即
識滅識滅即名色滅名色滅即六處滅六處
滅即觸滅觸滅即受滅受滅即愛滅愛滅即
取滅取滅即有滅有滅即生滅生滅即老死
憂悲苦惱滅如是即一大苦蘊滅此等諸法

若生若滅於勝義諦中無有少法可得何以
故一切法緣生故無主宰無作者無受者因
緣故轉然於是中無法可轉亦非無轉亦無
異法隨轉和合施設三界但以煩惱業轉故
有施設愚迷之者於不實法中觀以為實智
者應知無有少法作者可得^{十一}以作者不可得
故無法可轉亦非無轉如是所說甚深之法
若能聞已不生疑惑是人即入一切法無障
礙性不著色受想行識不著眼色耳聲鼻香
舌味身觸意法眼識乃至意識信一切法自

性本空信一切法自性本離諸仁者彼信不退菩薩信是法故即不減失見佛聞法承事淨衆在在所生常得見佛聽受正法承事淨衆常生有佛世時隨彼生已發起精進勤求善法以精進故於白衣舍無義利事謂妻子男女奴婢眷屬及所作用而悉棄捨及盛年戲樂不生愛著起賢善心願於諸佛世尊清淨教中正信出家得出家已近善知識與善知識同登善道而能獲得諸善意樂聽聞善法隨所聞已真實修行不以語飾勝慧具足

發起精進勤求多聞隨所聞法爲他廣說無所希求所得名聞利養無愛著心以如實語爲他說法隨聞隨住亦然如實爲他說法使聽法者獲得大慈於一切衆生起大悲心於彼多聞而不厭捨於身命緣少欲喜足寂靜圓滿增長善行樂閑寂處隨所聞法審觀其義於諸義理攝而無散不著於文歸趣實義普爲一切天人世間非但爲己勤修勝行廣爲衆生勤求無上最勝之智令他衆生於佛智中得不放逸此復云何名不放逸所謂最

初調攝諸根見眼色等不取於相不著相好
諸色境中於味於染如實知故常求出離耳
聲鼻香舌味身觸意法亦然智了知已不取
於相不著相好於味於染如實知故常求出
離此名不放逸復次不放逸者能於自心善
調伏已亦復隨應攝護他心煩惱染愛而善
息除法愛隨轉欲尋瞋尋害尋止而不行貪
瞋癡等諸不善根亦悉不行復能制止身語
意業諸不善行不深固作意而亦不起以要
言之一切罪不善法皆悉斷除此名不放逸

諸仁者此如是等不放逸法菩薩勤行即得
淨信而不放逸大祕密主汝等當知信之一
法廣多清淨即能當時專求善法若具信補
特伽羅於他世中離惡趣怖亦復不墮諸惡
作心而常獲得衆聖稱讚復次大祕密主住
法行人即能獲得正法善趣常樂見佛安住
聖道得大自在得自在已復令他人普皆圓
滿自在之法住菩提心得如來智大祕密主
若人欲得最勝妙樂應當畢竟善修正行修
涅槃法大祕密主今此衆會皆承宿善根力

故來集此善修正行於諸善根不減失云
何善根得不減失謂修不放逸行是故若天
若人所有善根皆不減失何以故彼不放逸
心善護諸境故能離一切貪愛欲染近習法
愛即能制止欲瞋害尋復能息除不深固作
意諸不善法喚八離貪瞋癡於身語意羂重過失
而悉止息乃至一切諸善法分若有減失皆
悉不行此名不放逸若人信解不放逸法即
能隨順諸精進事以精進不放逸故是人乃
能積集修作淨信功德由修淨信及不放逸

精進法故即能修作正念正知以正念正知
故即於一切菩提分法而不壞失若具淨信
不放逸精進正念正知者即能勤修深固之
法大秘密主菩薩若於深固法中得解脫者
即於有於無如實能知此中云何是有云何
是無謂正修聖解脫法此即是有若不正修
聖解脫法此即是無若有業有報此即是有
若無業無報此即是無若世俗諦中眼耳鼻
舌身意此即是有勝義諦中眼耳鼻舌身意
此即是無菩薩於大菩提發起精進即有於

大菩提懈怠即無顛倒所起五蘊即有無因所起之法即無色是無常是苦是壞滅法即有色是常是堅牢是相續是不壞滅是安住法即無受想行識是無常是苦是壞滅法即有受想行識是常是堅牢是相續是不壞滅是安住法即無無明緣行即有不實無明行即無行緣識即有不實行識即無識緣名色即有不實識名色即無名色緣六處即有不實名色六處即無六處緣觸即有不實六處觸即無觸緣受即有不實觸受即無受緣愛

即有不實受愛即無受緣取即有不實愛取即無取緣有即有不實取有即無有緣生即有不實生有即無生緣老死憂悲苦惱即有不實生老死憂悲苦惱即無布施得大富即有布施感貧窮即無持戒生天即有持戒墮惡趣即無多聞具大慧即有多聞成染慧即無禪觀不散亂即有禪觀散亂即無不深固作意生起煩惱即有深固作意生起煩惱即無不起增上慢人趣證涅槃即有增上慢人得佛授記即無於一切處通達空即有於內

執我即無以智勤行得解脫即有我慢相應
出離者即無又若我人衆生壽者於不實五
蘊中求其實法即無復次大秘密主勤行不
放逸深固作意菩薩於有於無如實了知世
間一切智者許可如實知己雖行於有而不
取著雖行於無亦不取著即能通達諸佛世
尊所說實義復次大秘密主如來於一切法
中總略而說有四法印何等爲四一者諸行
無常爲諸沙門婆羅門及長壽天執常語者
破常想故二者諸行是苦爲諸天人計樂想

者破樂想故三者諸法無我爲彼執我諸外
道等破其我想四者涅槃寂靜爲諸增上慢
者起尋求行破彼增上慢故此言無常者即
是畢竟無有常法增語此言苦者即是遠離
願求增語此言無我者即是空相增語涅槃
寂靜者即是無相作證增語大秘密主此如
是法若諸菩薩深固信解勤行修習即於善
法而不減失速能圓滿菩提分法爾時護世
四大天王前白佛言世尊我等四王皆名護
世當以何法而能護世佛告四大天王言汝

諸仁者當修正法行即能護世其正法行者所謂十善何等爲十一者不殺二者於自富樂而生喜足無其分量三者他妻室不起染汚四者不破他衆五者不出惡言六者所言如實七者言無綺飾八者於他富樂無所希望九者止息瞋恚十者正見清淨諸仁者此十善法乃能護世復有八法而能護世何等爲八一者如說能行二者於一切處尊重師長三者順行正道四者心意質直五者心常柔軟六者於一切衆生常起慈心七者不作

諸罪八者集諸善根如是八法乃能護世復有六法而能護世何等爲六一者行慈身業於師尊所及善知識同梵行者乃至一切衆生悉起尊重愛樂意念是爲第一身業和敬二者行慈語業於師尊所及善知識同梵行者乃至一切衆生悉起尊重愛樂意念是爲第二語業和敬三者行慈意業於師尊所及善知識同梵行者乃至一切衆生悉起尊重愛樂意念是爲第三意業和敬四者依法所得一切利養少略乃至鉢中之食與彼知識

同梵行者周普均平等同受用又復尊重愛
樂意念是爲第四利養和敬五者於戒修法
無斷無缺圓具無濁所應受者不生貪取智
所稱讚離諸譏毀以如是等淨戒之法與善
知識同梵行者共所修持又復尊重愛樂意
念是爲第五戒修和敬六者於諸正見出離
法中及勝決擇分隨何等法修其正行即當
如應與善知識同梵行者共所修作又復尊
重愛樂意念是爲第六同見和敬諸仁者此
六和法乃能護世復有四法而能護世何等

爲四一者不貪以不貪故不墮惡趣二者不
瞋以不瞋故不墮惡趣三者不癡以不癡故
不墮惡趣四者不怖以不怖故不墮惡趣諸
仁者如是四法乃能護世復有二法而能護
世何等爲二一者有慚二者有愧具足二法
即能護世復有一法而能護世何等爲一謂
真實行以真實故即能護世又復善語又無
諂曲此等一法皆能護世諸仁者如是等法
汝等勤行即能護世自能護已復令他人亦
能護世

佛說如來不思議祕密大乘經卷第十六

音釋

髮莫班切 盟古玩切
澡也

千七

永樂北藏

秘密大乘經

第七四冊

嚩栗多二合奴娑引哩尼十一部引多引奴

塞密哩三合帝二十呼引那引祇引喃十四藥引祇引

合三帝二十呼引那引祇引喃十四藥引祇引

引十五二合嚩引祇引喃十四藥引祇引

祇十七二合嚩引祇引喃十四藥引祇引

薩埵引喃十八尾計引嚩都引摩訶引鉢哩引

合二多十九三合咩引他旦引馱羅尼十一三合祇引哩引

引二合都引三母捺囉二合尾引祇引壹三十帝三十

金剛手菩薩大秘密主說是秘密章句時一切魔宮皆悉振動大地傾搖大海騰涌一切

衆會皆悉戰怖咸詣佛所頂禮求救是時世

尊復以一足按地大千世界皆悉動搖時諸

衆會俱向佛所作是白言救我世尊救我善

逝我等一切驚怖戰掉佛言勿怖勿怖此是

諸佛大明章句威神境界能使大地振動大

海騰涌日住虛空亦復動搖爾時世尊即爲

金剛手菩薩及諸衆會如其所應略說法要

是時會中有八萬人發大菩提心有無量人

住有學地爾時金剛手菩薩大秘密主長子

金剛軍持妙寶網覆於佛上前白佛言世尊

菩薩云何能於阿耨多羅三藐三菩提得不
退轉佛言善男子菩薩若能具修十法即於
阿耨多羅三藐三菩提得不退轉何等爲十
一者常行無礙大慈二者常起無倦大悲三
者精進辦諸事業四者善修空三摩地五者
現前通達勝慧六者於一切處皆善通達七
者能以妙智清淨三世八者以無礙方便觀
實業報九者雖了知空而植衆德本十者如
其所說自性清淨而善入聖道菩薩若具如
是十法即於阿耨多羅三藐三菩提得不退

轉金剛軍復白佛言世尊菩薩當修何法於
佛不思議門聞已安然不生驚怖佛言善男
子菩薩當修八法即能於佛不思議門聞已
安然不生驚怖何等爲八一者增長勝慧二
者增長妙智三者常爲善友之所攝受四者
具大信解五者善達如幻無生之法六者信
解無常之法七者心行平等猶如虛空八者
於諸法中善知障礙所起之相菩薩若具如
是八法即能於佛不思議門聞已安然不生
驚怖金剛軍復白佛言菩薩當修何法即能

於諸所作而得自在佛言善男子菩薩當修四法即能於諸所作而得自在何等爲四一者善修現前無滅之法具五神通二者善觀勝解脫門具四禪定三者超勝梵世具四梵行四者以方便慧於一切處善修無生菩薩若具如是四法即能於諸佛所作而得自在金剛軍復白佛言菩薩有幾種法門佛言善男子菩薩有四種法門何等爲四一者智門善入一切衆生根性二者慧門能善分別宣說句義三者陀羅尼門善入一切言音總持

四者無礙解門能善宣說諸無盡法此爲菩薩四種法門金剛軍復白佛言菩薩有幾種力佛言善男子菩薩有九種力何等爲九一者定力大悲起故二者精進力不退轉故三者多聞力勝慧生故四者信解力圓滿解脫故五者修習力離散亂故六者忍力善護衆生故七者菩提心力降伏諸魔故八者大悲力成熟衆生故九者無生忍力圓滿十力故如是名爲菩薩九力當佛世尊說是法時彼長子金剛軍得無生法忍證是忍已復白佛

言惟願世尊威神建立令此正法於金剛手
 菩薩大秘密主宮中而得久住使彼具法器
 衆生獲得聞慧光明照燭乃至如來般涅槃
 後於閻浮提中廣令流布使不隱沒爾時世
 尊受金剛軍勸請已即告金剛手菩薩大秘
 密主言秘密主汝今宜應宣說我於大菩提
 場初成道時護諸菩薩降伏攝受諸魔軍衆
 所有秘密大明章句建立加護令正法眼久
 住世間攝伏諸魔邪異外法爾時金剛手菩
 薩大秘密主承佛教勅從座而起偏袒右肩

右膝著地合掌恭敬頂禮世尊說大明白
 怛鞞佉引虎盧二虎羅引虎梨四提引哩五
 訶引哩引底六阿引訶引設羅利曳七左梨八
 左羅嚩帝九娑引哩十芻哩十一羼引帝末利
 二翅彌三羼引帝葛哩四刹彌五設彌六扇
 引帝葛哩七虎呼八阿梨九詰詰哩十珂
 哩二十阿引尾設你二十囉婆三十囉婆你
 二十惹曳五十惹野嚩帝六十體哩七十二
 阿引嚩哩帝八十尾嚩哩帝九十阿引嚩
 哩多合你三梅引底哩二合部引多引喃引

僧誡囉合呼引一彌三十捺摩三鉢你三十

帝引蘭多引囉曳引三部引莎焰莎悉

帝合祢尾毗踰三合那引倪毗踰三合

藥如毗踰三合七引獻馱哩尾合二毗踰三合八

藥又西毗踰三合九引摩奴賒引摩奴試毗藥

二合沙悉底合二哩婆合縛都引薩捺引蘇欠

四十

說是大明時一切山王皆悉振動大地傾搖
大海騰涌所有一切邪異外法皆悉攝伏歸
正法語善護一切正法寶藏一切天衆互相

慶悅說伽陀曰

秘密大明宣說已 能令正法久住世

三千世界悉傾搖 求人中尊願救護

大師善說真實語 普為衆會施無畏

威神建立此法門 能令正法久住世

爾時世尊於金剛手菩薩宮中住經七日廣
為無量一切衆生作利益已乃至曠野大城
一切情品廣大周徧無不蒙益即離本宮還
處空中菩薩聲聞人天恭敬圍繞復有無數
百千夜叉羅刹阿脩羅迦樓羅等前後導從

梵王帝釋護世天等布光明網奏妙音樂雨
衆異華時諸刹土皆悉振動以佛成德神通
勢力加持神變及威儀事譬如鵝王遊戲自
在漸次還詣鷲峯山中金剛手菩薩大秘密
主以佛威神而隨佛後

佛說如來不思議祕密大乘經卷第十七

佛說如來不思議祕密大乘經卷第十八

宋西天三藏朝散大夫試光祿卿光祿大師惟淨等奉詔譯

勇力菩薩先行品第二十一

爾時世尊與諸菩薩聲聞大衆遊止鷲峯山
中於日後分離本住處爲諸大衆隨宜說法
時阿闍世王知佛世尊已復山中宮嬪眷屬
并王舍城中六萬人衆各持種種上妙香華
塗香末香等諸供養出王舍大城詣鷲峯山
佛世尊所到已頭面頂禮佛足各住一面時
阿闍世王前白佛言世尊我諸所作隨宜安

處我子來白父王當知世尊大師於金剛手
菩薩宮中赴請已竟今已還復驚峯山中我
乃思念希有世尊佛於一切衆生大悲隨轉
於衆生聚中無一衆生如來世尊起厭捨者
於曠野大城金剛手宮中赴請受供還復來
此廣爲衆生成熟利益世尊彼金剛手菩薩
大秘密主甚爲希有具大威力能善宣說如
來法律生大歡喜而金剛手者往昔曾於何
佛如來應供正等正覺所植種德本乃能成
辦如是辯才佛告阿闍世王言大王當知彼

不種善根衆生於如是事極難信解而彼決
定種善根者乃能於此生其信解大王假使
十方如殫伽沙數等諸世界尚能算數知其
邊際彼金剛手菩薩大秘密主於佛世尊所
親近供養修諸梵行成就辯才假使諸佛世
尊而亦不能算其邊際以是緣故大王當知
昔因緣者我念過去阿僧祇劫復過於前廣
大無量不思議劫時有如來應供正等正覺
出現世間號曰多聞明行足善逝世間解無
上士調御丈夫天人師佛世尊世界名極嚴

劫名無毀時彼世尊爲彼清淨大菩薩衆宣
說正法彼佛告言諸善男子汝等當知若有
菩薩能發大精進者即於身命而悉棄捨時
彼會中有一菩薩名曰勇力前白佛言如是
世尊如是善逝如佛所言若有菩薩發精進
者即於身命而悉棄捨如我解佛所說義菩
薩若生懈怠豈能速證阿耨多羅三藐三菩
提果何以故能發精進諸菩薩者於生死中
不起厭倦之意而彼菩薩於生死中常當稱
讚不樂涅槃但爲成熟諸衆生故世尊菩薩

勤行爲利衆生故具精進信解於生死中自
得其樂不樂涅槃之樂所以者何菩薩爲利
諸衆生故隨其所應諸有施作亦隨所應皆
獲其樂若住涅槃而何能作是故諸菩薩於
生死境界中自得其樂而即不取涅槃境界
世尊菩薩於生死境界中所得樂者謂即勤
行利衆生故而常得見無量諸佛常聞無量
清淨正法常能成熟無量衆生菩薩以住生
死境界故即能隨入衆生境界而於涅槃境
界之中不著捨行菩薩住生死境界者以怖

墮於非境界中何以故非境界中不復能作
利衆生事不能安住如來境界以不能住如
來境界故不能長養一切衆生此中何名非
境界邪所謂聲聞緣覺之地若樂住者即棄
捨衆生不能成熟何以故聲聞緣覺境界是
爲菩薩非境界故以聲聞緣覺怖畏生死若
能攝受無量生死者惟除清淨大菩薩爾是
故菩薩能於生死境界中住大王當知時彼
多聞如來讚勇力菩薩言善哉正士善說此
語復善尊重菩薩境界所作諸行而不復墮

非境界中勇力菩薩白彼佛言云何是菩薩
自境界邪彼佛答言善男子菩薩自境界者
謂能攝受無量生死不生怖畏稱讚菩薩廣
大勝行而不樂住聲聞緣覺之地以無礙智
和合三界若損若益能善增長一切善根以
增益智成衆德本而復能以盡智成就無盡
福行雖觀無生而善成辦有生之法雖知無
衆生而善成熟一切衆生雖知諸法離性而
善攝受正法雖知諸佛國土自性如空而以
智嚴淨佛土雖觀諸佛法身無相而善勤求

如來所有殊妙相好雖觀諸法本無造作而以妙智於衆德本所作精進雖觀有爲法不實而於諸事業少求少作復能善爲一切衆生隨宜施設雖觀身心離著而以妙智說法無厭雖離憤閑而從禪定所生不著禪味雖復覺了甚深之法而以妙智隨諸衆生種種行轉善說法要雖知無生以智善思普攝三有雖以智觀諸法皆空而善護所得之果雖觀聲聞緣覺境界而善求如來解脫輕安之法雖不厭捨諸菩薩行而常善觀諸佛境界

善男子此即是爲彼諸菩薩自境界門復次大王彼時勇力菩薩於彼多聞如來所聞說如是清淨境界法已生希有心白彼佛言希有世尊能善說此諸大菩薩自境界門清淨正法如我解佛所說義即是具善巧方便菩薩入一切法自境界門譬如虛空一切色像境界普照無著一切色像亦無障礙虛空境界亦無障礙具善巧方便菩薩亦復如是現前覺了彼一切法自境界故又如虛空普照一切色像境界而無障礙所有一切毒樹藥

樹棘刺之樹華果香樹彼等一切生長於空
然彼虛空無染無淨無違無順具善巧方便
菩薩亦復如是從慧出生彼一切法自境界
門謂異生法有學法無學法緣覺法菩薩法
如來法等何以故彼一切法現所證故又如
世間草木叢林而火不能爲其作護何以故
火若上騰悉皆燒焚極熾焰故菩薩亦復如
是於一切法自境界中慧光發明極熾熾故
又如金剛堅固之身火不能燒刀不能斷毒
不能中他力不能伏菩薩亦復如是非聲聞

習非緣覺習非一切衆生諸煩惱習而能染
故菩薩隨諸習染悉以勤行增上慧力咸開
曉故又如水清摩尼寶珠而能清彼諸濁水
故菩薩亦復如是以勝慧寶普能清淨一切
衆生諸煩惱垢又如張九有藥名曰十離毒不與一
切惡毒同處而能息除一切毒故菩薩亦復
如是具方便慧力故不與一切衆生煩惱及
自煩惱而共同處復能止息一切衆生諸煩
惱毒此如是等皆是一切法自境界門大王
當知彼勇力菩薩說是法時有八千人發阿

耨多羅三藐三菩提心二百菩薩得無生法
忍大王當知彼時多聞如來法中勇力菩薩
者豈異人乎即此會中金剛手菩薩大祕密
主是此大士者能於彼時被堅固精進之鎧
於多佛所親近恭敬深種善根

阿闍世王問答品第二十二之一

爾時阿闍世王即起是念此金剛手菩薩大
祕密主右手所持大金剛杵幾何輕重而祕
密主有大力勢能善執持時金剛手菩薩大
祕密主知其所念即告阿闍世王言大王當

知此金剛杵亦輕亦重王言以何緣故亦輕
亦重金剛手言爲欲調伏憍慢貢高諸衆生
故此杵即重爲示無慢正直諸衆生故此杵
即輕時金剛手菩薩即以所持大金剛杵置
之于地當置地時以神力故三千大千世界
六種振動即告阿闍世王言大王汝今宜應
以此地中大金剛杵而自舉之時阿闍世王
即時以自堅固勇力欲舉其杵竭其力勢不
能動搖一毛端量即生希有尊重之心前詣
佛所合掌白佛言世尊我昔曾於戰陣之所

取被甲大象一手執持舉擲于遠此金剛杵其量微小我今竭自力勢不能動搖況復舉邪以何緣故其事如是佛言大王無自惱心此金剛杵至極重故時阿闍世王即白帝釋天主言憍尸迦今宜舉此地中所置大金剛杵時帝釋天主即時以自勇猛神力欲舉其杵盡竭其力不能動搖即生希有尊重之心前詣佛所而白佛言世尊我若與彼阿脩羅王鬪戰之時我力堅勝勇銳無敵右手取彼毗摩質多羅阿脩羅王所有大車量廣七百

由旬我時執持如迅風行此金剛杵竭自力不能動搖豈非世尊廣大威神所制止邪佛言憍尸迦此亦非我神力所制但爲彼金剛杵至極重故憍尸迦於汝意云何須彌山王至極重邪天主白佛言須彌山王至極重邪喻所不及佛言天王此金剛杵金剛所成重復過彼須彌山王而金剛手菩薩能以此杵擲碎輪圍諸山猶如糠粃以其金剛大力勢故爾時帝釋天主即白尊者大目乾連言佛說尊者於聲聞衆中神通第一願今尊者

舉此地中大金剛杵尊者大目乾連即自思
念我若於此人天大衆之前不能舉動此金
剛杵豈非於我生慢心邪作是念已運自神
力方欲前舉彼金剛杵即時三千大千世界
六種振動海水騰涌大地普皆怖畏振擊唯
金剛杵不動不搖是時尊者大目乾連前詣
佛所頂禮佛足作是白言佛說我於聲聞衆
中神通第一具大威神名稱力勢能以四大
海水置於掌中亦能轉此三千大千世界猶
如有人以一金錢轉於指端又能空中止其

日月制彼威光不令轉動又能取彼須彌山
王擲過梵世又能調伏難陀烏波難陀二大
龍王又能於彼陽焰世界周行乞食此金剛
杵其量微小然我亦復不能動搖世尊豈非
我今神力減邪佛言大目乾連非汝神力有
所減少但爲菩薩威力加持一切聲聞緣覺
悉不能動況餘衆生又目乾連假使殫伽沙
數諸佛剎中所有須彌山王悉能振動唯金
剛杵隨置地方不能動搖目乾連白佛言世
尊金剛手菩薩具大力勢而能戲擲此金剛

杵誠哉希有佛言大目乾連假使三千大千
世界諸須彌山尚能合入一須彌山悉能動
搖此金剛杵而不能動爾時尊者大目乾連
生希有心前白佛言希有世尊此金剛手菩
薩大秘密主具大力勢善能持彼大金剛杵
此大秘密主為即父母所生力邪第九為神力邪
佛言大目乾連父母所生之力隨所入處皆
有分量而諸菩薩神通力者無盡無限我若
開示使天人世間咸生迷惑爾時世尊普徧
觀察諸眾會已告金剛手菩薩大秘密主言

汝今宜應自當舉其地中所置大金剛杵時
金剛手菩薩大秘密主神力振動三千大千
世界已即以左手舉取其杵戲擲空中旋繞
七匝杵旋空已即時接置安右手一切眾
會生希有心合掌頂禮大秘密主咸作是言
希有秘密主能具如是廣大力勢善持最勝
大金剛杵普願一切眾生皆悉獲得如是勝
力時阿闍世王復白佛言世尊菩薩具修幾
法即能獲得如是勝力佛言大王菩薩若修
十法獲得勝力何等為十一者菩薩寧捨身

命終不棄捨無上正法二者於一切衆生作
 謙下想不增慢心三者於彼劣弱衆生起愍
 念心不生損害四者見饑渴衆生施妙飲食
 五者見怖畏衆生施其無畏六者見疾病衆
 生施藥救療七者見貧乏衆生惠令滿足八
 者見佛塔廟形像塗飾圓淨九者出歡喜言
 安慰衆生十者見彼負重疲困苦惱衆生爲
 除重擔菩薩若具足如是十法即能獲得如
 是最勝之力

佛說如來不思議祕密大乘經卷第十八

音釋

訶

寧也切

嚧

語塞切

𠵽

力淡切

𠵽

連馬切

𠵽

初眼切

𠵽

𠵽

永樂北藏

秘密大乘經

第七四冊

佛說如來不思議秘密大乘經卷第九

卷十同

宋西天三藏朝散大夫試光祿卿光祿大師惟淨等奉詔譯

阿闍世王問答品第二十二之二

復次阿闍世王白佛言世尊菩薩當修幾法

獲得自在之法趣向自在佛言大王菩薩當

修八法即得自在之法趣向自在何等爲八

一者出美善語心意質直二者心常柔軟三

者心善愛樂四者心常平正五者無諂六者

無誑七者不嫉八者心常調暢菩薩若具如

是八法即得自在之法趣向自在阿闍世王

復白佛言菩薩當修幾法能於自在中住佛

言大王菩薩當修四法能於自在中住何等

爲四一者若生人間願爲轉輪聖王值佛出

世二者願爲帝釋值佛出世三者願爲娑婆

界主大梵天王值佛出世四者願爲豪勝長

者值佛出世菩薩若具如是四信能於自在

中住阿闍世王白佛言世尊淨信以何爲畢

竟佛言大王善知識爲畢竟王言多聞何爲

畢竟佛言多聞慧爲畢竟王言布施何爲畢

竟佛言大富爲畢竟王言持戒何爲畢竟佛
言持戒能生善趣而爲畢竟王言忍辱何爲
畢竟佛言忍辱隨護諸生而爲畢竟王言精
進何爲畢竟佛言精進善能圓滿一切佛法
而爲畢竟王言禪定何爲畢竟佛言禪定近
寂爲畢竟王言勝慧何爲畢竟佛言勝慧息
諸煩惱而爲畢竟王言聽法何爲畢竟佛言
聽法斷諸疑惑而爲畢竟王言問法何爲畢
竟佛言問法離諸雜說而爲畢竟王言居處
閑寂何爲畢竟佛言居處閑寂得禪定神通

而爲畢竟王言觀想何爲畢竟佛言觀想離
念爲畢竟王言無常聲何爲畢竟佛言無常
聲離諸執著而爲畢竟王言苦聲何爲畢竟
佛言苦聲無取爲畢竟王言無我聲何爲畢
竟佛言無我聲滅我我所而爲畢竟王言寂
靜聲何爲畢竟佛言第十寂靜聲隨止爲畢竟王
言深固作意何爲畢竟佛言深固作意發起
正見而爲畢竟王言若身心離何爲畢竟佛
言離發起禪定神通而爲畢竟王言聖道何
爲畢竟佛言聖道現前三昧果而爲畢竟王

言信解何爲畢竟佛言信解解脫圓滿而爲
畢竟王言諸佛出世何爲畢竟佛言諸佛出
世成就一切菩提分法而爲畢竟王言如何
是佛出世佛言大王隨發菩提心即是佛出
世王言云何發菩提心佛言所謂大悲出生
王言云何大悲出生佛言謂即發起淨信王
言云何發起淨信佛言若發菩提心即是發
淨信王言當云何發彼菩提心佛言深心不
退轉是發菩提心王言云何是深心不退轉
佛言即是所起大悲王言云何能發大悲佛

言於一切衆生不生厭捨之心即是大悲王
言云何於衆生得不厭捨佛言所謂不著已
樂王言云何是不著已樂佛言謂於三寶常
不捨離王言云何能於三寶不捨離邪佛言
若能除去一切煩惱即於三寶而不捨離爾
時阿闍世王重復肅恭前白佛言希有世尊
希有善逝善說如來清淨法律如來能善施
設學處復能隨順諸佛世尊所說正法不壞
因果遠離斷常隨諸所說成辦事業善惡果
報俱無壞失離諸虛誑如佛所說如是最上

廣大清淨教中誰人敢破復誰問難及生毀
謗唯除不種善根諸罪業者世尊我昔不曾
深種善根於佛勤孝不能出自血肉報佛深
恩願佛今時威力加護令我一切煩惱一切
罪業皆悉消滅世尊彼妙吉祥童真菩薩是
善知識長夜利樂爲我息除諸有惡作法先
照我我亦不能報彼深恩世尊大慈大善知
識能爲我說普盡梵行最上正法

賢王天子品第二十二

爾時寂慧菩薩摩訶薩前白金剛手菩薩大

祕密主言如佛世尊化所化事汝祕密主可
能隨作諸化事邪金剛手菩薩言今佛現前
爲我作證所有殞伽沙數等諸佛如來諸有
化事而我亦能隨佛施作所謂種種色相遊
戲神通但以宿世深心清淨而爲畢竟爾時
寂慧菩薩復白金剛手菩薩大祕密主言我
今勸請大祕密主願以神力加持護念令此
正法於後時後分後五百歲廣宣流布使彼
正法所攝諸大士等得此正法墮於手中金
剛手菩薩言善男子諸佛如來於此正法已

共加持何以故今此正法即是文字所成而彼文字無生無盡亦不隱沒以其文字及所說義不能隱故如來此說甚深正法亦不能隱所以者何無法可生若法無生即法無滅如是當知如佛所言若佛出生若不出世諸法常住所謂法性法界法住實際清淨法如是故如其所說諸法緣生亦不相違若法緣生不相違故即是正法以正法故即不隱沒如是所說乃名正法寂慧菩薩言秘密主云何能被精進鎧攝護正法金剛手菩薩言若

於一切法不相違即能被精進鎧攝護正法何以故而此正法與一切法不相違故寂慧菩薩言何法是相違金剛手菩薩言文字相違故即法相違而不復與生法相違若彼不相違是爲攝護正法者寂慧菩薩言彼攝護正法有與一切世間相違不金剛手菩薩言有善男子何以故世間衆生取著諸見有執空語者彼即世間相違又謂世間是常樂我淨而世間者是無常是苦無我不淨彼即世間相違又世間衆生順生死流逆正法流彼

即世間相違又世間衆生尊現世法護正法者尊他世法彼即世間相違又世間衆生取蘊處界護正法者說一切法無取著故彼即世間相違寂慧當知以是緣故護正法者與彼世間相違寂慧菩薩言大祕密王汝當云何攝護正法金剛手菩薩言如我攝護者謂無我無衆生無法而乃攝護寂慧菩薩言此復云何金剛手菩薩言謂我離故衆生離故法離故我衆生法離故過去離故未來離故現在離故過去未來現在不離故三世離故

三世不離故諸佛離故諸佛不離故刹土離故刹土不離故法離故法不離故若能通達如是法者即能攝護正法爾時世尊讚金剛手菩薩大祕密王言善哉善哉大士汝善攝護正法若於一切法無執無取即能攝護正法若於一切法有相戲論無取無集乃至一切分別徧計悉無分別即能攝護正法爾時會中有一天子名曰賢王前白佛言世尊近止近寂是佛所說若如所說者即一切所緣皆悉寂止而無所觀以彼近寂不復和合發

生諸法雖法寂靜徧寂近寂而復住持如來
正法亦不棄捨雖復住持然於一切法無所
住持亦無棄捨當彼天子說是法時會中有
千苾芻得心解脫有千天子得法眼淨爾時
寂慧菩薩白賢王天子言云何得是辯才天
子答言能斷一切習氣離語言道無所記說
勝義諦中無法可取故得辯才寂慧菩薩言
天子辯才云何出生天子言無辯才故離辯
才故所以者何無辯才者此說即是無和合
義離辯才者此說即是離戲論義復次善男

子如所說故何有辯才可得若爲他表了識
即不轉若自表了識亦無住以如是故乃得
辯才若於諸所緣以意表了者又無障礙法
性之中而無所住故得辯才又一切法中智
無所轉無有少法智可知解故得辯才又無
任法中無出無入第十越諸染法故得辯才又一
切法無生而生無滅而滅故得辯才爾時寂
慧菩薩白佛言希有世尊此賢王天子具大
辯才佛言寂慧此賢王天子從極樂世界阿
閼佛刹中而來至此欲聽金剛手菩薩大祕

密主宣說如來秘密正法又此天子已得隨入一切法相陀羅尼故於百劫中無所願求自然獲得無礙辯才隨所宣說辯才無礙總持功德讚說譬喻無盡品第二十四之一爾時寂慧菩薩白佛言世尊云何名為隨入一切法相陀羅尼佛言寂慧隨入法相者即是文字無盡隨入之智謂阿字門隨入一切法故又阿字者是即諸法初生後際又阿字者於一切處成辦事業隨起語業無所了知非無了知以阿字門隨入一切法故此說是

名隨入法相陀羅尼門復次寂慧所言隨入者於一切處無有少法如微塵許可出可入無文字故從何所來復從何入中亦何住以其文字中無住故而即無出何方而去又以文字無和合故即無文字而可記說亦非無說無增無減以無文字故無有是法亦無非法而可分別以無文字故無法可主無法可滅無法可成無法可壞寂慧當知如是文字算數即是心之算數如心算數即是一切法算數如一切法算數即非算數何以故法無

算數可得故以無算數法可算數故即一切
法算數不可得如是即能隨入法相本來如
是隨入無生若入無生亦復無起此即無有
少法可入是故諸法無入而入寂慧若能如
是入諸算數即於辯才而不能斷何以故法
性無斷故若如是通達即能隨應爲他說法
隨有所說現前作證由如是隨入諸法相故
即是隨入衆生相以其隨入衆生相故即如
所信解善說諸法寂慧得陀羅尼菩薩其心
離垢意樂清淨正行潔白其心高勝所行善

住妙慧最上而獲神通堅固圓滿不爲魔軍
之所破壞降伏外道制諸煩惱解除怨結身
有力勢心無疲倦辯才無盡演法無邊善說
無際勝智無礙具深妙慧善說深法多聞如
海住三摩地如須彌山所有衆會如師子王
世法清淨如彼蓮華長養衆生如其大地息
煩惱愛猶如大水成熟衆生猶如火於一
切衆生起平等心猶如妙月破煩惱癡暗猶
如大日除煩惱怨如勇力者心善調伏猶如
大龍高振法音如大雷吼普施法雨如澍大

雨療治衆生諸煩惱病如大醫王作大法王
如王自在善護世法如護世天善觀天人如
帝釋天主心得自在具增上力猶如梵王無
所繫著猶如飛鳥怖諸憤鬧猶如猴鹿於一
切衆生忍伏諸惡猶如慈母教授藝能開諸
學門猶如慈父施諸法寶流注無盡如毗沙
門大王得福莊嚴具諸相好人所樂觀見者
歡喜具七珍財無貧乏苦攝諸無智稱讚智
者具智慧故離諸過失善護諸天善護諸龍
及夜叉等說法自在神通無礙了知一切衆

生意樂隨入一切衆生根性聽法無厭不求
一切名聞利養說法無惱無染著故具戒清
淨無怨害故忍力清淨善能成辦諸事業故
精進清淨得自在故禪定清淨潔白智故勝
慧清淨梵行最上故具四無量善修出世靜
慮等持成就無上菩提聖道以具如是諸相
功德故當得無上法王灌頂寂慧當知得陀
羅尼菩薩尚獲如是無量功德若復如來神
力加持諸有事業比得陀羅尼菩薩功德經
百十歲稱讚譬喻而不能盡爾時寂慧菩薩

白賢王天子言仁者汝今快得善利能善稱讚如來無量無邊功德時賢王天子白寂慧菩薩言善男子勝義諦中無有少法可得稱讚何以故法無有相非形顯色是故功德不可稱讚得其邊際若形顯色中決定有相者即可以言詞宣說稱讚

第十

九

佛說如來不思議祕密大乘經卷第十九

佛說如來不思議祕密大乘經卷第二十

宋西天三藏朝散大夫試光祿卿光祿大師 惟淨等奉詔譯

總持功德讚說譬喻無盡品第二十四之二
爾時賢王天子白佛言世尊一切法無攝受無我無取無續無斷然以方便隨宜所作諸勤行者以正方便現前得法世尊譬如大水積於地下須假人力勤行施作或開以坑或鑿以井由勤力故方獲其水若無坑井水乃何得勤行方便之者亦復如是以勤力故於一切處勝智通達若無勤力智從何得是故

求菩提者常勤方便發起精進即能現前獲得聖法又如世間生盲之人所生色像而不能見衆生煩惱暗蔽亦然於所生法而不能見又如世間有目之人於黑暗中若無明炬即不能見一切色像修天眼者亦復如是若無善知識說法教導不能於法而生信解又如已具淨天眼者不假世間光明所照菩薩亦復如是所作已辦者不假他人而爲教導又如世人處胎藏者都無所見亦復不見有所增長發起精進菩薩亦復如是雖修佛法

亦不見菩提有所增長又如大雪山王所有諸樹依之而生諸樹必無中有破壞及彼焦枯菩薩亦復如是勤行方便修諸正法依智所生亦不於中破壞滅失又如轉輪聖王出於世間七寶隨出所謂輪寶象寶馬寶珠寶十女寶主藏神寶主兵神寶等菩薩亦復如是若發菩提心七寶亦隨出所謂布施持戒忍辱精進禪定勝慧方便等又如轉輪聖王統行四大洲界於諸衆生平等愛念而無異想菩薩亦復如是以四攝法普攝衆生而無異

想四攝所謂布施愛語利行同事又如轉輪
聖王行王法化一切悉無鬪戰爭訟菩薩亦
復如是安居說法悉無一切邪外戰訟又如
三千大千世界最初成立大須彌山及彼大
海菩薩亦復如是初發菩提心先以深固大
悲建立又如世間日光出時先照高山菩薩
亦復如是最初發起大智光明令諸衆生發
起善根得智光照又如大地受諸種子而彼
一切草木叢林依地而生平等滋長得陀羅
尼菩薩亦復如是以無著心於一切衆生平

等與法而無棄捨爾時世尊讚賢王天子言
善哉善哉天子汝今善能譬喻宣說諸菩薩
法天子當知假使一切草木叢林名相等聚
法聚聲聚及形色聚徧入一切衆生心行普
以一切名相分別一切衆生周徧伺察乃至
衆生飲食受用悉爲譬喻稱揚讚說彼得陀
羅尼菩薩所有功德而不能盡天子彼得陀
羅尼菩薩者諸有所說無有少法非佛語者
又復一切色相光明聲香味觸法光明無不
現前所得辯才不隨他聞而有繫屬不觀他

相而有所說於一切處隨其所向通達無盡
亦復無邊不以威力徧入一切身無麤重心
無所緣能於百千諸佛現前說法無染無著
而是菩薩以彼諸佛威神建立故得陀羅尼
智慧辯才有所說法無染無著亦無退轉天
子當知菩薩有三無著之法何等爲三一者
我無著二者衆生無著三者法無著有二種
通達清淨何等爲三一者法界清淨二者直
如清淨三者實際清淨又有三種通達無盡
何等爲三一者法無盡二者文字無盡三者

演說無盡又有三種獲得通達加持之力何
等爲三一者辯才加持二者法義加持三者
入法加持又有三種成就歡喜何等爲三一
者慧歡喜二者智歡喜三者斷疑歡喜又有
三種速疾之法何等爲三一者念速疾二者
慧速疾三者行速疾當佛說是總持功德讚
說譬喻無盡法時會中八百菩薩得入陀羅
尼門

囑累正法品第二十五

爾時金剛手菩薩大秘密主白佛言惟願世

尊神力加持令此正法於後時後分後五百
歲閻浮提中廣宣流布佛言大秘密主我有
密護正法秘密大明章句汝能記念不是章
句者我昔曾於寶月如來所親所聽聞金剛
手菩薩白佛言世尊我亦記念佛言大秘密
主汝今宜應為此衆會密護正法令久住世
當說往昔大明章句爾時金剛手菩薩大秘
密主合掌頂禮十方一切諸佛即說大明曰
怛𑖑_{切身}𑖑_{下同}佉_引惹野_二惹野末帝_三惹野設
觀_{引二合}阿梨_五阿末梨_六阿盧力帝_七末

彌那末末散提_八烏諦_九烏怛末帝_十烏怛
羅尼_{十一}阿_引哩_{二十}阿_引囉摩尼_{三十}阿哩怛摩
尼_{四十}阿牟_引梨_五牟羅_引嚩室帝_六牟
引邏_引努誡帝_七阿室_八末室_九末室帝_十
阿_引尼_{二十}摩_引尼_{二十}摩_引尼帝_引三枯
嚩_引二枯嚩_引散提_{二十}達哩摩_引二合安誡
帝_六達哩摩_合怛翅_引達哩摩_合鉢囉
合_二尾_引尸_引八薩哩_引九薩囉_引薩哩_引三
阿毗彌_引三毗那散提_{三十}伊四_{三十}伊喝
你_{四十}伊那努誡彌_引三你誡囉_合四摩_引

囉引越十六引你哩伽二合怛你底引哩他也
三合喃十七引牟引喝那引達哩摩合二捺尾合
尸越十八引尾馱末那引訖梨二合舍引喃三引
十烏入縛二合羅那引達哩摩合二你引底哩
二合越十引阿引摩呂角义引達引哩摩合二
葛體迦引喃十一引阿引尾設那引你哩縛合二
引拏寫二合鉢囉合二誡囉合二呼引冒引提鉢
哩左引哩迦引喃十三引鉢哩三塞佗二合鉢
那引鉢哩沙合二那十四引迦引夜引努鉢囉合二
那引喃五十四達哩摩合二設囉合二縛尼迦引喃

十四引三滿接引喝囉怛鍤十七合薩藐誡多
引喃十八引阿縛路引葛喃九十四薩藐葛鉢囉
三帝鉢那喃十引五阿引穆契引婆引縛怛鍤
二合五滿怛囉合二鉢那引你摩引鉢囉合二拏
閃都十二引滿怛囉合二散提囉引吟引那烏那
引喝蘭拏三十倪也二合那阿芻引拏多五引
十四阿那縛密哩合二訶多引祢引舍那引莎婆
引縛怛鍤五十五引
金剛手菩薩大秘密主說是秘密大明章句
已時此三千大千世界皆悉振動即此三千

大千世界一切魔衆各與眷屬同時來詣佛
世尊所曲躬合掌俱白佛言世尊若諸法師
能從口門出是大明章句者我等諸魔皆往
承事恭敬今此大明最勝威力一切天人不
能破壞我等常當密作護衛無令一切伺得
其便

爾時世尊普徧觀察諸衆會已即說秘密大
明章句曰

惹曳訥哩惹令曳一惹野末帝二設彌三設
觀嚕引二合你哩伽引二合怛你四阿牟引梨五

牟引羅鉢哩親你六摩引囉塞引寔躬尾怛

囉引二合薩你七穆吉底八二合穆吉多二合嚩帝

九成引提十阿毗祢十婆野牟引左你十婆

引嚕引喝尼三十難帝尾捺曳十二合尾寔鉢

囉引訖囉合二牟引十

即說伽陀曰

正法攝伏於他語 以正法語善攝受

以法寶藏常護持 如來所說大明句

復說大明曰

阿彌一末彌二末末親祢三阿哩體二合阿

哩佗訖你薩多引二合囉尼五

此是呼召四大天王大明章句

復說大明曰

提引哩一提囉嚩帝二虞引鉢帝二合成引三

引毗四引戌引婆嚩帝五設彌六

此是呼召帝釋天主大明章句

具慈善順大忍力 為悲愍故說大明

喜捨二法悉具圓 梵王帝釋咸呼召

復說大明曰

阿囉尼引一嚩囉尼二珂溪三阿牟引梨四牟

引羅輸引馱你五

此是攝伏諸魔大明章句

說伽陀曰

今此秘密大明句 振動降伏一切魔

人中聖主引力加持 善說斯經十五廣流演

如來所說此正法 當知於後末世時

宣說明句密加持 振復還復於今日

時諸魔眾咸來集會說伽陀曰

諸說法師大智者 我等諸魔當密護

今於最後末世時 得此正法墮於手

爾時世尊告金剛手菩薩大祕密主言汝應當知今此正法如來威神已加持故無人能於此正法中有所動轉何以故我念往昔過去世中有佛出世號寶月如來應供正等正覺明行足善逝世間解無上士調御丈夫天人師佛世尊世界名無毀劫亦名無毀彼佛法中有二法師有大威德名稱力勢一名慧上二名諦授彼二法師於寶月如來所聽聞受持此大明章句滿足半劫隨彼如來轉正法輪彼時所有三千大千世界百俱胝魔衆

皆令成熟菩提聖法寂慧菩薩前白佛言世尊彼寶月如來爲現住說法爲已涅槃邪佛言寂慧東方去此百萬俱胝佛刹有佛國土其名無毀佛號寶月現住說法彼佛壽量十千劫數其佛刹中有諸魔衆很惡難調彼佛宣說大明章句而悉調伏得調伏已皆於菩提聖法成熟圓滿大祕密主汝今當知我亦曾於寶月如來法中淨修梵行成就菩提聖法彼時慧上法師者即我身是彼時諦授法師者即金剛手菩薩是寂慧當知我於彼時

與金剛手菩薩同勤精進心不放逸於彼佛
世尊所尊重恭敬廣多供養聽受彼佛宣說
秘密大明章句降伏諸魔攝護正法爾時世
尊普徧觀察諸衆會已普告衆言汝諸仁者
誰當堪任於佛如來入涅槃後以我阿僧祇
劫積集菩提勝行最上正法受持衛護不令
隱沒爾時會中有一萬二千菩薩爲護法從
座而起合掌頂禮向佛世尊說如陀曰
若人捐棄於身命 所捨不求諸果報
但爲受持佛所宣 最上清淨正法故

復有賢王等五千天子合掌頂禮前白佛言
世尊我等咸願受持如來菩提聖法時諸天
子說如陀曰

普爲一切衆生故 發起堅固大悲心
我當受持此法門 最上甚深佛所說

爾時帝釋天主尸棄梵王毗沙門天王說如
陀曰

今此正法如妙藥 能治一切衆生病
我等當來悉護持 願佛知我衆心意
爾時金剛手菩薩大秘密主前白佛言世尊

我當受持如來於阿僧祇劫積集無上正等正覺菩提聖法即說伽陀曰

諸法本來無文字 無中假以文字說

聖尊悲愍故敷宣 我當受持而流演

爾時世尊告尸棄梵王言梵王當知菩薩有

頌十

三種最上供養承事如來以其最上承事供

養故獲福無量何等爲三一者發起阿耨多

羅三藐三菩提心二者住持諸佛正法三者

隨所聞法如實修行大梵如是三種最上供

養如來若住一劫乃至劫盡或復壽命無量

此供養事所獲福報廣說不能得其邊際所以者何若欲最上供養諸如來者應當修此三種最上廣大清淨法之供養復次大梵若有人於如來所說正法之中而能受持一四句偈者是即護持過去未來現在諸佛世尊菩提聖法何以故諸佛菩提從法出生是故法之供養超出世間財供養事法供養者諸供養中勝中最勝最上第一大梵我念過去光明王族中有一太子名曰具慧忽時一夜於其夢中親所聽聞說二伽陀聞已記念覺

乃惟忖我今得大寶藏即時忽然高振其聲
作如是言我今得大寶藏時王及后乃問其
故太子即時具陳上事乃為父母說是二伽
陀曰

世間財寶聚還散 王官水火賊盜分
諸佛多聞妙法財 多俱胝劫不壞失
常無放逸甘露法 利眾生發菩提心
深固寂靜心亦然 諸樂根本無所取
大梵彼時太子為其父母說夢中所聞二伽
陀時彼有八千人成熟菩提善根四萬二千

眾生悉得生天以是緣故所有多聞清淨法
財應當精勤依法修行修正法故即能如應
為他攝受復次大梵有二種法而能多作何
等為二一者於諸眾生不興損害二者勤求
多聞而無厭足若有能行此二法者於正法
眼而不斷滅大梵汝於賢劫諸如來所勸請
說法善護正法而彼賢劫諸佛如來若諸清
淨眾生方得值遇出世是故汝今勿應厭捨
何以故大梵濁惡時中若能於一晝夜受持
正法者獲福多於百千劫中清淨佛刹持正

法者是故大梵汝應發起廣大精進於此濁惡時中堅固護持如來正法

爾時世尊告尊者阿難言汝今宜應於此所說如來祕密金剛手品部惹囉陀羅尼門堅固受持於後末世爲他廣說我今以是正法付囑於汝汝於末世時中所有具彼劣信解者不應爲說此正法門使彼癡迷何以故於此正法固徹源底故若有於正法中得自在者已善成辦諸勝事業是法器者應當爲說此正法門彼得聞已不生驚怖何以故正法

出生故爾時尊者阿難前白佛言世尊我今以佛威神力故受持此法隨其力能流布宣演佛言阿難汝今見此金剛手菩薩大士於佛正法勤力護持不阿難白佛言唯然已見佛言阿難汝今亦然於此正法隨宜攝受堅固護持如應宣說阿難白佛言此經何名我等云何受持佛言阿難是經名曰金剛手品亦名宣說如來祕密亦名不思議佛法亦名無量福聚如是名字汝當受持復次阿難汝今當知若有住菩薩乘人佛眼所觀者能以

衆寶廣大充滿諸佛刹中乃至從地積于有頂廣行布施而不望報若復有人不以財利之心如善所作爲他演說此正法者福多於彼此說是名如來秘密無量福聚當佛說此囑累正法品時會中有千俱胝人發阿耨多羅三藐三菩提心九萬六千菩薩獲得忍法八萬四千人得法眼淨千六百苾芻得心解脫千六百苾芻尼亦得心解脫十方無量諸佛刹土皆悉振動百千天人於虛空中鼓奏天樂雨衆妙華伸供養已咸作是言願此正

法久住世間於閻浮提廣宣流布佛說此經已金剛手菩薩大秘密主及寂慧等諸菩薩衆賢王等諸天子衆阿闍世王等諸大國王并餘菩薩及阿難等諸大聲聞乃至一切世間天人阿修羅乾闥婆等聞佛所說皆大歡喜信受奉行

卷十

二十

佛說如來不思議秘密大乘經卷第二十